

# MIOYO YELI MWA TOLONGO CWALE



Ni itumezi. Halu inamiseni litho zaluna fa nako nyana.

Ndate yakwa Lihalimu, lu itumela ku Wena, kacenu, ka lithohonolo le la kukopana hamoho fa nako ye hape, ka kuziba kuli zazi leliñwi luka kopana la mafelelezo, kakuba batu ba lifasi mubu, mi lu ka kopana mwa lifa la kanya ni Wena, mi baba liuluzwi kaufela mwahala masika kaufela ba ka kopanela kwani.

<sup>2</sup> Oh, lipilu zaluna linata kapili, kwa . . . ni kwa tibeledo yetuna, lusweli kulibeleda kuli hola yani itahe! Ni sani, sabo kaufela ya saba ku luna. Haluna ze luna ni ku saba, hakuna zelukela ku lu mbemusa. Lu talimela kwapili kwa lisepiso zeo Mulimu wa Kuyakuile alu ezelize, mi luziba kuli ki Niti. Ki kabakaleo ha lu pila. Lu pilela ona zeo, hola yani, nako yani, fo mubili o shwa o hauka cinciwa, mi lu ka ezwa sina Yena, mi hakusana kuba matuku ni kamuta, hakusana kuba maswabi, hakusana kuba kuopa toho. Oh, li kabe lifelile cwale. Mi ka tabo ya kwa lipilu, luna, mwa tumelo ni bundume, lu talimela kwapili kwa Lizazi lani.

<sup>3</sup> Ki kabakaleo ha lukopani mo kacenu, Mulena, ku to ipulela lifoso zaluna ni ku kupa sishemo. Kona ha lu talimana ni katala ka kakusasana cwana, kakuli lu ziba kuli lu batu baba shwa, mi kuna ni mafosisa amañata hahulu ku luna, mi lutezi milatu. Kono lutaha ku to ipulela bumaswe bwa luna, mi ni kutalima ku Ndata luna yakwa Lihalimu ni lipilu ze kwaluhile, kwa limbuyoti ni kuncaafazwa kwa mata ni tumelo, zeo Aka lufa mwa hola ye, halunze lu kopana mo kuya ka sepiso yakuli, “mwa libaka za Mahalimu ku Kreste Jesu.” Kakuli lu bulela kuli lu zwile mwa lifu lukeni mwa Bupilo, ka sepiso ya Hae, mi lu swasehile mwa halimu a sibaka sa mbyumbyulu ya Lihalimu, luinzi ni Yena cwale. Mi Ha lu lute kakusasana cwana zona lika Za tabela kuli lu li zibe, ni ku lufa Sinkwa sa Bupilo, kuli lukone ku tiiswa kwa bukamusobobuli fapila luna. Lumeleza cwalo, Mulena. Ye ki tapelo yaluna kuli lu ikupa ka Libizo la Jesu Kreste. Amen.

Mwakona kuina.

<sup>4</sup> Ki kakusasana, ku mañi ni mañi. Mi kinto yende fa ku kopanela mo ni mina hape kakusasana cwana, mwa sibaka sa mbyumbyulu ya Lihalimu mo kwa milapelo.

<sup>5</sup> Ki ka kuliyeha nyana, lubile ni . . . kupateha luli, luli bakeñisa lipizo fa mizuzu nyana yefitile; nekuna ni mushimani

yana lobezi kwani, inza shwa. Mi ka niti fela sina ha Ni yemi fa, Mulena usweli mubili wa hae ni ku mu luma mwa mukwakwa. Kacwalo . . .

<sup>6</sup> Mi mu—mu—mushimani ya yemi fa, yali mwana kezela boma. Bona neli ba Katolika, ka kukala, kono baile kwa sdbelezo kakusasana cwana mi kuna ni sesi ba bulelezi kuli batahe kwanu. Mi kacwalo bona . . . Kuna ni cinceho. Konakuli ba—ba taha cwale kwa ndu, ni kulukisa za kolobezo ya mezi. Konakuli kuna ni—kuna ni . . . ki lika fela zende zeo Mulena luna aezanga linako kaufela. Usweli kuezanga fela ka tundamo. Ba taha ku to kena, mi seba palelwa kukena mwahali. Ba bulezi kuli nekusina fela mukwa wa kukena mwahala ka ona.

<sup>7</sup> Se nili, “Kihande, mu bata kubulela ni na,” mi se Nili, “kihande, mutahe fela kwandu, mi lu ka ikambota kufeza litaba kaufela, kwani.”

<sup>8</sup> Kacwalo Na hupula kuli, mwa musipili waka kuya kwa New York cwale, kwa mukopano otaha wo, kuli ku kaba fela hande . . . Ni ziba kuli Ni kabe ni katuluhile ha ni ka yo fita mi—mi kutusa ku yo tukisa mulilo waka kwa mulilo omubile ni ona kaufela mina, mi lwa yema ka lizazi lililiñwi, kakusasana cwana. Mi lwa kena maabani, mane neli maloba, ka nako ya musihali.

<sup>9</sup> Mi cwale luna ni kufunduka. Ne ni ka funduka, musihali wo, kono Ni sepa kuli Ni ka ya . . . Mi lu kalise kakusasana, ka kupakela, ka kupakela luli ka . . . Lwakona kuba ni mbundu mwa misipili, ni lika zeñwi, mwahala kwanu ni mwa New York. Luna ni ku yo punya kwa Virginia, kukena mwahala malundu, mane ku yo fita cwalo ni kwa Allegheny, mane ni libaka za kwatasi a— a Adirondack.

<sup>10</sup> Kacwalo lu kalela kwa, Ni libezi, ki sibaka sa kulo kwani, se sinca. Ba sinyize sibaka sa kale sa Saint Nicholas kwani, Na utwisisa. Ba yahile sesinca se. Mi kuya ka mo Ni zibela, luba ni masihu amakalelo akile aba ni . . . abile a tuhelelwa. Kacwalo lu itumezi hahulu ka seo, kwa sikwata sesituna sa batu ba Pentekota mwa New York. Mi Ni sepa kuli luna ni likeleke zeñwi cwalo ze tusana, mi lu kulubela nako yende.

<sup>11</sup> Mi luka yo kuta, haiba Mulena alata, nako yeñwi mwa sunda yetaha. Mi—mi haiba ki tato ya Mulimu, kupalañi, lu sepa ku yo tuhela la Sunda, ikaba biki iliñwi, kwa—kwa sebelezo ya kakusasana la Sunda.

<sup>12</sup> Mi hape Ni katalize mulisana waluna hape, sina mo kubelanga kamita, mwa bona, mi—mi Ni hupuzi kuli mwendi ha ne Ni kena mwahali, ne kusina nihaiba kukupa. Mi ka kakuli kuna ni sikwata sesinde kwanu, mi sicaba se Ni bona sesi zwelela kwande a tolopo, siteni mo; Ni hupuzi kuli mwendi, busihu bo, haiba mulisana hana nto yeñwi ye ipitezi, kona kuli lukaba ni sebelezo nyana busihu bo, ikaba yekuswani fela, mi, kihande,

mwendi ikaba kulapelela bakuli. [Muzwale Neville ni kopano ba nyakalala—Mu.] Ni itumezi.

<sup>13</sup> Lu sepa ku lapelela bakuli busihu bo, lu ka bulela fa foliso ya Bumulimu mi—mi ni kulapelela bakuli. Luka kalisa ka kuitanahela kuli luzwe ka kuitahanela. Mi haiba mulisana wa lata, mina . . . Hañata mu kalisanga ka sebene seti. Kana ki cwalo? Kucwani ka kukalisa ka sebene busihu bo, sebene? [Muzwale Neville uli, “Amen.”—Mu.] Mi mutuhele kuli ni tahe ka sebene seti, mi sani si ka ni lukulula ka eiti kamba eiti seti, mi ika fa sicaba nako ya—ya kuya, haiba seo—haiba seo si—si lukile. Mañi ni mañi na sehile ha Ni—ha Ni ize kuli eiti, kamba eiti seti. Na—Na—Na sepa kuli ni kabe ni zwile ka nako yeo. Ka za kulapelela bakuli, mwa ziba, ha lu zibangi.

<sup>14</sup> Kacwalo neluna ni—ni nako yende kuzwa fo lu mi siyezi mwa Litabula le li felile ka kuitahanela, mo Mulena na lu fuyozi mwa lika zetuna zañata. Kuli . . . Mi busihu bo, haiba Mulena wa lata, Ni bata ku mi bulelela ka poto ya mafelelezo yene Ni bile ni yona, ya Mulimu, mwa Colorado, libiki nyana kwa mulaho. Mi sani kona sene Ni hupuzi kuli Ni mi tiseze sona cwale, mwendi ki ku zusuluza tumelo ya kuba ni sebelezo ya yende ya foliso busihu bo, kwa bakuli ni baba zielehile.

<sup>15</sup> Cwale, kakusasana cwana, ka kukenelela fela mwa sebelezo, Ni . . . Sesiñwi ne si ni tabile kwa pilu mwendi seli kweli kwa mulaho. Mi sikona kuba, cwale, Ni sepa kuli bana . . . Kana basweli kutepiña lika ze nji? Kana basweli kutepiña se nji? Eehe. Ku lukile. Ili kuli Ni zibe haiba, tepu ya fita ni ku babañwi. Hanikoni kubulela kuli se Ni ka ambola fateni kakusasana cwana . . . Hanikoni kubulela kuli—kuli—kuli ki . . . Ni ziba kuli ku lukile, mwabona, siemba sa Liñusa sikaba se si lukile. Kono taba yateni, ye Ni bata kueza, ki puzo mwa muhupulo waka. I bonahala kuba niti yetezi luli. Mi kanti kuzwa ha Ni kena, ni kuzwa ha Ni . . . ne si patuluzwi ku na, Ni bile ni sabo kuli Ne ni ka bulela nto ye fosahalile kwa sicaba. Mi ki . . . Mi Ni . . .

<sup>16</sup> Se Ni ñozi litaba zeñwi, ku sene Ni ka bulela, Ni pumile siemba sa yona, ili kuli Ni sike na li eza kuba leli buhali hahulu. Kakuli, mwa bona, haiba mu—haiba mutu . . . Na—Na lata Mulena Mulimu, mi, nzila fela ye Ni ziba kuli Na Mu lata, ki bakeñisa kuli Na mi lata. Mwabona? Yeo kona nzila inosi fela ye Ni ziba ka yona. Mi kono Hani—Hani lati kuba ni sika sesikona kupatululwa ku na mi ni tokwe ku mi bulelela sona, haiba ki ku mi bulelela. Mi kipeto Na saba kuli haiba Ni bulela sika ka mukwa o buhali, sikona ku nyemisa mutu. Mi, mwa ziba, ki . . . Muna ni kunanuha fela ni kuya kwa katala ni kuikutwa kuli mwa etelelwa kubulela se mu ka bulela. Ki peto. Mi fokuñwi mwakona kubulela sika, mi mutu yomuñwi ukaba ni . . . mubonelo omuñwi ku sona, mi kipeto uka sikuluhela ku sona ka mukwa *wani*; mi kipeto mutu yomuñwi abulele kuli, “Oh, se ki *se*,” mwabona.

<sup>17</sup> Kono Ni bata kuli muzibe kuli se Ni ka bulela ki ku akaleza fela, mi linzwi leo ku *akaleza* litalusa ku “ikenya mwa sika kusina tumelelo.” Kacwalo Ni. . .Hani—Hani buleli kuli ye ki niti, kono ki muhupulo nyana fela o Ni bata kuli ni kenye mwateni ku mina hanze luya, kuli mukone ku hupula fateni ni kubona se munahana ka sona. Mi kipeto si ka, kakuli, sika ba—sikaba ka Mañolo, kakuli Hanikoni kukutaza nto isili fela. . .

<sup>18</sup> Kono kana ye ki yona hola nji? Kikuli se sifitile fa hola yateni naa, mi kana litaba ze litalusa ona cwalo nji? Na lapela, ni sesili mwahala kuna kaufela, kuli ha ku cwalo. Mwabona? Ni lapela kuli kusike kwaba cwalo, kuli haki yona hola yani. Ikaba cwalo, kono kikuli se ifitile fa nako yani nji? Mwabona, sani kona se Ni bilaela. Cwale, mañi ni mañi mwa utwisisa, ka swanelo, kuli Hani zibi? [Kopano ili, “Amen.”—Mu.] Na fela. . . Ye ki yona nako nji? Haiba ki yona, Mulimu abe ni makeke ku luna. Kono, haiba ha ki yona nako yani, mutuhele. . .kuli itahe.

<sup>19</sup> Cwale, kuya ka mo lu ka konela kapili, luna ni musipili omutelele fapila luna, haiba Mulena alata. Mi Nina ni kuya kwa buse bwa mawate, kasamulaho fela wa Kilisimasi, mwa Europe ni Asia; Europe, sihuluhulu. Mi kona Ni ka kutela kwanu mwa United States, kwa lisebezezo ze likani fela, kona Ni ka yo shetumukela kwa South Africa. Ni kalisa la bubeli kwa kweli ya—ya Muimunene, mwa Durban, ni kuya kukala labubeli, Na sepa, kuyo punya ni sepa kala teni, mi kipeto Ni na ni mazazi amalalu akuzwa kwani kuya kwa Johannesburg ni ku yo kalisa hape. Kono Ni sepa kuli ki kweli ya Lungu, lu kalela mwa linaha za ma Scandinavian, mwa Norway ni Sweden ni—ni Finland, ni—ni Holland ni Switzerland ni Germany, ni—ni mwahala Europe mwani. Kacwalo mu lu lapelele.

<sup>20</sup> Luna ni mikopano nyana kwanu, nako ya Kilisimasi cwale, kasamulaho fela wa Kilisimasi. Ni bulele cwana, lu bata kuba kwanu kuisa kwa Kilisimasi, kwa hae. Banana babata kutaha kwa hae, kuyo punya ni kwa Kilisimasi. Mi lwa—lwa lata Arizona, kono mwa ziba li—li lika ze lu tonda, mi halukoni fela kuitoboha zona, ki yona kekeke ye ni mina sicaba. Hakuna taba kamba luya kai, se lueza, fela ki kuli. . .Banana, na, musala ka ni babañwi kaufela. Hakuna sibaka sisili fela kufita se. Yeo ki niti. Hakuna fela sibaka.

<sup>21</sup> Ni silile mawate asupile, mi Ni—Ni bile kai ni kai, kono hakuna sibaka se si bonahala ku kateleha kuna kufita ona sibaka nyana se kwanu. Se ki sona. Ha muzwe fela hanyinyani ku sona, haiba mubata kuziba. Kuna ni sesiñwi fela kulo kwanu. Ni kutalize lifasi kaufela, mo ni kona kubulelela, kono Nali kuba, nako ifi kaufela, sibaka sifi kaufela, niutwe Moya wa Mulimu, ka kulukuluha ni lika zeñwi, sina mo Ni utwelanga ha ni yemi kwanu. Se ki sona.

22 “Mulimu, na lukuluzi . . .” Sina lizazi lene Ni tomile licwe la mwa lilulu kulo kwani, Na bulela kuli, “Mulena Mulimu, usike wa tuhela kuli iwe.”

Sicaba sali, “Mwa likweli zepeli, ikaba sibaka sa kulukiseza limota.”

23 Se nili, “Usike wa tuhelela kuli iwe, Mulena. Tuhela kuli iyeme, mi sicaba mwahali mo si lumbe Wena ka nako ya ku kuta kwa Jesu.” Ni sepa kuli ku kaba cwalo.

24 Cwale ha lu apuleni mwa Biblele cwale, mi—mi lu kulubele Mulena kulufa limbuyoti za Hae. Mi lubata kubala Mañolo nyana. Nina ni Mañolo añozwi fa ao Ni tabela kuswanisisa ku ona, ni litaba zeñwi zeñoziwi. Mi Ni bata kubala mwa libaka zetalu za Biblele, mi Ni ka lifa ku mina, pili. Ni bata kubala mwa Juda 5 ni 6. Juda ki Buka iliñwi fela, mwa ziba. Mi cwale Ni bata kubala ku Pitrosi Wabuleli kauhanyo ya 2, 4 ni 5. Kasamulaho Ni ka bata kubala Pitrosi Wapili, 3:18 kuya fa 20.

25 Mi tuto ya ka kakusasana cwana, Mulena ha lata, ki kuli: *Mioyo Yeli Mwa Tolongo Cwale*. Uh-huh. *Mioyo Yeli Mwa Tolongo Cwale*, ye kiyezwi, i nyazizwe kuyakuile. Hakuna, hakuna mukwa wa kupiliswa, mwabona, mioyo yekeni mwa tolongo cwale.

26 Cwale halubaleni mwa Buka ya Juda, pili. Ni sepa kuli Ni ñozi fa kuba sibaka sa makalelo, mwa Juda; mi ni ku Pitrosi Wabubeli, mi ni—ni ku Pitrosi Wapili. Cwale, Juda, Ni tabela kuli bala kaufela zona hamoho; kono ka kubuluka nako, kakuli seli teni seti kale kale, Ni ka kalela ni timana ya 5. Cwale, Juda neli muzwale, muzwale wa mutose, wa Jesu Kreste, ka mo lu zibela. Mwabona? Nali mwana mushimani wa Josefa.

*Cwale ni ka mi hupulisa litaba, niha muse mu li zibile, za kuli Mulena, ha sa lamulezi sicaba sa hae kwa Egepita, mwa mulaho a zeo abulaya baba si ka lumela.*

27 Na ba pilisize, pili, kuba lamulela kuzwa mwa Egepita, mi kona ato ba bulaya kakuli ne ba si ka tundamena mwa liñusa la bona, mwa bona.

*Hape mangeloi asika tiiseza mwa bunduna bwa ona, kono azwile mwa litulo za ona, u a bulukile atamilwe mwa-. . . lififi kuya kuile kuli alibelele katulo ya lizazi lelituna.*

28 Mangeloi akile apila mwa Lihalimu nako yeñwi, mi a si ka buluka sibaka sa bunduna bwa ona ni mukwa one ali kuona, a wa, mi cwale ainzi mwa mawenge a Kuyakuile a lififi, mawenge a kuyakuile a lififi, abeilwe mwa buino bo kufitela Katulo ya Lizazi lelituna ha ka atulwa hamoho ni babañwi ba si ka lumela.

29 Cwale mwa Pitrosi Wabubeli, kauhanyo ya 2, kukalela fa timana ya 4, yekaba fela buka iliñwi kamba zepeli kwa mulaho wa yoona, mwabona.

*Kakuli Mulimu na si ka shemuba mangeloi ana fosize, kono a a wiseza mwa mukoti wa lihele, atamilwe ka mawenge a lififi, mi abulukezwi kwateni katulo;*

*Hape nasika shemuba lifasi la kale, kono upilimize Nuwe, ni babañwi baba eiti, yena mubuleli wa ku luka nako yatisa muunda o bulaile lifasi la banyefuli;*

<sup>30</sup> Na si kaeza ka sishemo Mangeloi ani; u a bulukile mwa mawenge a lififi, mi a nyazizwe mwa lifasi kaufela ka sinyeho, ya—ya Nuwe.

<sup>31</sup> Cwale ku Pitrosi Wapili, kauhanyo ya 1 mi ni . . . Pitrosi Wapili, kauhanyo ya 3, ni kukalela fa timana ya 18, lwa bala hape. Cwale, muteeleze ka tokomelo cwale.

*Kakuli ni yena Kreste u shwile hañwi kabakala libi, yena ya lukile ubulaezwi baba maswe, kuli a luise ku Mulimu, ushwile kwa neku la mubili, kono upilimize kwa neku la Moya: . . . ushwile kwa neku la mubili, kono upilimize kwa neku la Moya:*

*Ka moya wo u ilo luta mioyo ye mwa tolongo; akutaza kwa sicaba sene sili mwa tolongo se;*

*Sene si i kuhumusize kale, Mulimu ha na sa libelezi ka pilutelele mwa mazazi a Nuwe, hane ku sa pangwa areka, ye ka yona batu babanyinyani, ili baba, eiti yona mioyo yene pilimize kwa mezi.*

*. . . mezi ao neli siswaniso sa kolobezo (isi ye tapisa masila akwa mubili, kono ya kuitama kwa lizwalo lelinde ku Mulimu,) ka zuho ya Jesu Kreste:*

*Yena yaile kwa lihalimu, ya inzi ku la bulyo la Mulimu; mi mangeloi ni malena ni mibuso li beile mwa puso ya hae.*

Halu lapeleñi hape.

<sup>32</sup> Cwale, Ndate yakwa Lihalimu, muinelo wa—wa Mañolo amañata cwana fa, lipaki zetalu, libaka zetalu mwa Mañolo ze fa bupaki. Mi Wena uize mwa Linzwi la Hao, kuli, “Mwa milomo ya lipaki zepeli kamba zetalu, linzwi kaufela li nyakisiswe.” Cwale Na Ku lapela, O Mulimu, kuli Wena utaha kwa sicaba mi utoloke Linzwi le, Liñusa le, mwa liseli leo lilukela kuba ka lona, kuli muuna kaufela, musali, mushimani, kamba musizana, akone ku utwisisa mwa siyemo seo Wena utomile kuli a utwisise ku sona, mi cwale ka kuziba kuli lipaki zetalu ze lipakelana ka Niti.

<sup>33</sup> Mi Ni lapela kuli U lume Moya o Kenile fahalimwa luna cwale. Mi luka talima ku Yena Yali Mulena luna, mwahala luna kakusasana cwana, yena Mulena Jesu Kreste; ko lu se lu zuselizwe cwale ka tumelo, luinzi mwa libaka za Mahalimu ze ku Yena. Lu libelezi Liñusa la Hae. Li bulele ku luna, Mulena, li utwe ku luna, halunze lu Ku kupa kuli u kenye milomo yaluna mwa mupato hanze lu bulela ni lizebe zesweli ikuteleza, kuli

ibe ka likuta ni kanya ya Hae yali Yena Mañolo. Kakuli lwa li kupa ka Libizo la Hae. Amen.

<sup>34</sup> Cwale, muhupule lisebelezo busihu bo, ki sebelezo ya foliso. Hanisepi kuli ikaba swanelo kuli lufe makadi a litapelo, kacwalo lu lapefela fela bakuli. Nina ni se Ni bata ku mi bulelela, mi Ni—Ni sepa kuli si ka tisa fela kopano mwa sibaka koku kaba ni mifuta ya foliso kaufela. Ni ziba kuli kukaba cwalo haiba lukona kulumela ka nzila yeo.

<sup>35</sup> Cwale se, cwale yeli mioyo mwa tolongo, mioyo yeli cwale mwa tolongo!

<sup>36</sup> Cwale, moyo wa mutu ha ki ona mubili wa mutu, ki moyo. Mwabona? Mi moyo ki nto yeñwi yeli—yeli sibupeho sa moya. Mi cwale sibupeho sa mutu. . . Hana bulezi kuli, “Lu shwile,” Mañolo alu bulelela patalaza kuli, “lu shwile, mi bupilo bwa luna bupatilwe ku Mulimu ka Kreste, lu swailwe mwani ka Moya o Kenile.” Cwale, ha ki kuli mubili wa mina no shwile; ne si moya wa mina o no shwile. Neli buino bwa moya wa mina o no shwile; mwabona, sibupeho, yeli ona moyo. Buino bwa moyo wa mina ki—ki Mulimu, haiba mu pepilwe sinca. Haiba ha ki cwalo, ki wa lifasi. Sika kaufela se si kalisize si na ni kufela, kacwalo he nzila fela yemukona kuba ni Bupilo Bobusafeli ka yona ki kuba ni Bupilo bo ne bu si ka kalisa. Mi kipeto bupilo bwa mina ne bukalile ha mu pepwa, fani Mulimu hana bululezi moyo o pila mwa lingo za mina mi mwa to ba moyo o pila, kona fo ne mukalezi ona fani. Kono hane muka. . .

<sup>37</sup> Sibupeho sene sili ku mina, ka sibupeho sa lifasi, ne si zwa ku Mulimu, nemuli fela folofolo. Yeo luli ki niti. Mañi ni mañi wa ziba kuli luna lu li folofolo za mali a futumala. Ki babakai baba ziba cwalo? Luna, lu lifolofolo za mali a futumala, lu lifolofolo ze futumala mali, kono seo kona seluli sona ka sibupeho sa lifasi. Kono, mwa bona, se si lu shutanisa kwa lifolofolo zeñwi, kikuli—kikuli Mulimu ubeile moyo ku luna. Mwabona? Cwale, lifolofolo zeñwi ha litokwi kutina liapalo. Hakuna folofolo yeñwi yelukela kutina liapalo kuli iapese maswabi a yona, kono konji luna. Ki luna fela babaeza cwalo, kakuli luna ni moyo. Kono, mwabona, Mulimu, kwa simuluho, na zibile mufuta wa mutu yelukaba yena. Mi Sa bupa lifasi, ni kutisa mifuta yemiñwi kaufela ya lifolofolo, kuzwelela ku za kwatasi hahulu kuisa ku za kwahalimu hahulu; mi folofolo yepahami kufitisisa ya taha, ili yena mutu.

<sup>38</sup> Mi he, pili, mutu a bupiwa, nali mutu wa moya, mwa sibupeho sa Mulimu.

<sup>39</sup> Ili kuli, “Mulimu ki Moya,” Muhalalehi Joani 4. Cwale, “Yena u ki—ki Moya. Mi baba Mu lapela, balukela ku Mu lapela ka Moya ni ka Niti. Mi Linzwi la Hao kona Niti.” Cwale, lwa Mu lapela mwa Moya ni Niti. Yena ki—ki Sibupiwa sa Moya.

40 Mi nekusina mutu wa kulima mubu, mi cwale Mulimu abupa mutu kuzwa mwa liluli la lifasi.

41 Mi ki Ha zusa kwa makupo a hae, sibupiwa ku ze bupilwe, likupo; mi, kuzwa fani, a kauhanya mutu yo yanali wa libupiwa zepeli, li zepeli cwalo za busali ni buuna. Mi ki Ha sa zusa siema sa busali, kakuli neli lilato, mi A si beya ku mutu yana bizwa kuli Eva, yanatilo bizwa ku Adama kuli Eva, yanali yena musala hae. Kwani kona ko lilato la hae, ka nama, lilato la phileo, a kumalela ku musala hae. Cwalo kona mwa lukela kubala muuna kacenu, mi mukokoto wa musali uba ku muuna hae. Muuna, wa sibupeho sa buuna; musali, wa busali.

42 Mi he, mwabona, kasamualaho Amano bupa mutu mwa sibupeho sa Hae Tota, “A ba eza, ili muuna ni musali,” nekusina mutu yana lukela kulima mubu. Mi ki Ha mu beya mwa liluli la mubu, mi kacwalo ki haba . . . nali yena muuna yani. Muuna wa butu yo nali folofolo, mwabona, nali fela folofolo; kono Abeya moya wo wa Mulimu, kuba bupilo, mwahali ku yena, ni ku mubeya fa mayemo akuba ni buiketelo. Mi cwale muuna yo . . .

43 Cwale lu nahana kuli lu sesiñwi. Muhupule fela, lu sikamañi luna? Lu sikoto fela sa masila. Ku felile. “Mi kakuli wena u liluli fela, uka kutela kwa liluli.” Kacwalo ha mubona muuna yo ha zamaya mwa mukwakwa, ha nahana kuli u sesiñwi, mwa ziba, mi ha sa bile ya itutile nyana ni lika zeñwi, mu hupula, ki sikoto fela sa masila a liluli la Indiana. Ku felile. Mi musali ya nza tinanga tupula yani, ni kuzuba kwai ni kuzwelapili inza zamaya mwa mikwkwa, inza minyauka mane inge kuli naha kaufela ki ya hae, ki sikoto fela sa masila a liluli la Indiana, mi yani kona nzila ye li kuta ka yona. Kacwalo ha mu lika zetuna hahulu ka kula, mwabona. Konakuli he, yeo ki niti, seo kona semuli sona.

44 Kono, moyo oli mwahali mwani, mwabona, moyo wani kona o Mulimu abeleka ku ona, mwabona. Haiba akona fela kuba ni sibupeho sani, moya wani, kuli u lumelane ni Yena, kona kuli sibupeho sani sa shwa, sibupeho ni lilato la lika za lifasi, ni litaba za lifasi li shwile. Mwabona? Kakuli, “Haiba mulata lifasi, kamba lika za lifasi, konakuli lilato la Mulimu haliyo mane ni ku mina.” Mwabona? Mi mutu ulukela kupepwa sinca. Kacwalo, sibupeho se sina ni kushwa, mi sibupeho sa Mulimu sitaha ku mina ni kutopila ku mina. Mi Mulimu ki yena nto inosi fela ku zeliteni ze sina kalisa kale fateni mane hasina kufela.

45 Kacwalo, kabakaleo, U itisize mwa silikani, mwa bona, ni kunga mutu yo, wa mubu, ni Moya wa Kuyakuile wo, ni ku libeya hamoho. Kakuli, Mulimu na iponahalize Iliyena kwa mulaho kwani ku sani, kuli Na tiloba Mutu fani Hana bile Krete Jesu, mi Nali yena Mulimu, mwabona. Mulimu nali ku Krete; kuli, mwabona, na pila ku Yena, inza kutisana lipilu ni lifasi ku Yena. Mi, kuya ka Mutu ya petehile yani, mañi ni mañi wa luna ya



si ka petahala ya lumela ku Mulimu mi u amuhezi Sani, kipeto ufetuha kupetahala kwa Hae.

46 Mi Alikuba asiye mubili wa Hae kuli ubone kubola, kamba nihaiba kuli A siye moyo wa Hae mwa lihele, kono a Mu zusa ka lizazi la bulalu, mi Wa pila kuyakuile. Mi lukaba ni mubili oswana sina Wa Hae ili mubili ofilwe kanya.

47 Ki kabahaleo ha ku lokobelizwe ka Libizo la Hae, kuli lutahe ka Libizo la Hae, mwa lifu la Hae, mwa zuho ya Hae, kuli lu zuhe hape, kupaka kwa lifasi kuli luna ni Bupilo bobunca, ili kuli mutu wa kale u sa shwile. Lu pumbekile mutu wa sibupeho sapili yani. Mwabona? Ona sibupiwa sapili sani si icongile, mi cwale lu sibupeho sa Hae. U pila mwahala luna, mi ha luezi ka tato ya luna. Lu eza tato ya Hae. Ha lu nahani minahano ya luna. Ngana, ngana kona ye nahana. Muhupulo onoli ku Kreste Jesu uinzi ni ku mulumeli ufi ni ufi kaufela. Mwabona, kuna—kuna ni moyo, mi seo kona se lu bulela fateni. Cwale, sani kona siemba se Ni nahana fateni cwale, sani kona sesili mwahali ku luna, ona moyo.

48 Cwale, haiba lu lemuha, mwahali mo, kuna ni lika zeñata hahulu ze ezahalanga linako zeñwi, mi lwa komokanga ha li ezahala, mi lwa ipuzanga ili luna, ni kubuzanga babañwi. Kono mafelelezo, kasamulaho nyana, lu fumana kuli, haiba lu Bakreste, kaufela zona li belekela fela mwa bunde, ka buino bobuñwi. Mu boni sani. Bakreste kaufela ba bona sani. Lwa komokanga libaka hane lu ezeza lika zani.

49 Ne ni komokanga linako zeñwi, Ha ni kile bala Bibebe lwapili, “Ki kabakalañi Mulimu ha na tuhelezi Abrahamama, yena muuna yomutuna yani, kuli kiñi hana yemi fani ni kubulela kuli Sarah ne si musala hae?” Mane kuli Na mu tuhelezi ali kuyema fani ni kubulela buhata ka zani, ni lika zana ezize, mane kuli Na si ka tuhelela Abrahamama kuzwa mwa naha ya sepiso kwa Na mu bulelezi kuli asike azwa ku yona. Mujuda kaufela ya zwa mwa naha ya sepiso u wile mwa tumelo, kakuli Mulimu na ifile ku bona ni ku ba sepisa kuli bapile mwateni, mwabona, mi ba isiya. Kacwalo a shetumukela kwa Gerari. Kono kambe nesi bakeñisa sani. . .

50 Mi cwale Abimeleke, mulena yani kafani mwa naha ya Mafilisita, akena mwa lilato ni Sarah ni ka na mu nyala, mi nali muuna yomunde, muuna ya lukile. Mi kasamulaho hakulata. . . Seo si utwahala kuba kashwau, kono fa ku si eza kuba sa niti hahulu ku mina. Kasamulaho amano tapa manzibwana ni kuapala liapalo za kulobala ni zona, ni kulapela litapelo za hae za kupeta mi akena mwa mumbeta, Mulena a iponahaza ku yena mi ali, “Wena uswana fela mane inge mutu ya shwile,” kanti mane muuna wateni hakuna sa na ezize. Mwabona? Na pumilwe fela, ka bona bababeli bo Abrahamama ni Sarah. Yeo ki niti. Mi ali, “U ngile musala mutu, mwabona. Mi Ha—Ha nina ku teezeza

litapelo za hao, hakuna taba kamba uka lapela cwani. Uswana fela sina ya shwile. Kono haili muuna yani kwateni ki mupolofita wa Ka.” Mwabona?

<sup>51</sup> Mwabona, kutata ku utwisisa cwalo, mwabona. Kono kambe nekusi cwalo, ne lusike kuziba kuli sishemo ki sikamañi.

<sup>52</sup> Ki kabakalañi hana ilo nyala Hagare, kasumulaho wa kuba ni musali yomunde sina Sarah? Mi na sa tabela kueza cwalo, mwabona, kono Sarah ki yena ya na mu bulelezi. Mi cwale Mulena amu bulelela kuli, “U teeleeze za ku bulelela Sarah.” Kiñi? Nekuna ni kuba Ishimaele, “kuli musali wa muzike ni mwana hae basike baca sanda hamoho ni musali ya lukuluhile ni mwana hae.” Mwabona se Ni talusa?

<sup>53</sup> Ona mifuta yemiñwi ye kaufela. Ki kabakalañi mupolofita yani hana nyezi lihule ni kuba . . . ni bana baa, ni kuba ni bana ka yena? Kuba sisupo. Ki kabakalañi alimuñwi hana inzi kwa silyo sa hae ka mazazi a myanda yemilalu ni mazazi a mashumi amane, mi ni kuina mazazi amañata hahulu kwa neku leliñwi cwalo? Kuba sisupo. Yomuñwi na pazauzi liapalo za hae ni kuzamaya fapila Isilaele. Mi, cwale, lika ze kaufela, neli mifuta ni miluti, mwabona; mi luna ni kuba ni lika zani, kuli libe teñi.

<sup>54</sup> Mi, linako zeñata, lika za ezahalanga ku luna ze lu sa utwisisangi mane lwa komokanga haliba cwalo. Ki Mulimu ya lubonisa lika nto yeñwi.

<sup>55</sup> Cwale, kakuba mushimani yomunyinyani, mi wa ziba likande la bupilo bwaka, Na—Na kamita na lumela, haibile Ni kona kuhupula . . . Iliñwi ya lika pili ze Ni hupula . . . Cwale se, cwale, hakulata no ni bulelezi nto yeñwi maabani mi Ne ni ka si libala kacenu. Kono kuna lika zeñwi, kwa mulaho, zene ezahala mwa mazazi aluna a bwanana, buñata bwa luna lu cwalo, zeo kamita lwa li hupulanga. Mi seo si utwahala kuba kashwau nyana ka kubulela cwalo, kono Na hupula hane Ni sa hohoba, inge ni apezi ndelesi yetelele. Limbututu zenyinyani, cwale babañwi ba mina sicaba litaka zaka mwakona kuhupula cwalo, limbututu ha ne li apalanga mandelesi amatelele. Mi Na hupula hane ni hohoba, ni cupwa munwana ni kuca litwa leli kangezi kwa mautu a bo malume, mi hane ba keni mwahali neba yemi bukaufi ni mulilo.

<sup>56</sup> Mi cwale taba yetatama ye Ni hupuala yekile ya ezahala mwa bupilo bwaka, neli pono, yapili ye Ni kile Na ba ni yona, yekile ya ni bulelela kuli Ni ka pila bukaufi ni muleneñi obizwa New Albany. Mi Nenili mbututu yomunyinyani wa mwa malundu kwani, nekusina nihaiba dokota ha Ni pepwa. Mi—mi Na—Na . . . Mwa ziba, neba . . . Ni pilile kulo kwanu mwendi lilimo ze mashumi aketalizoho, ona kulo kwanu; ka pono.

<sup>57</sup> Mi mo Ni nze ni zibela kuli nekuna Mulimu kokuñwi, mi ka kuba mushimani yomunyinyani A bulela kuna kuli, “nisike na zuba, kamba kunwa, kamba kusilafaza mubili waka,” zeo ki

kumatamata ni basali ni lika zeñwi ka butanya. Ne ni banga kamita sabo ni ya zona, mi nenili mutangana fela.

<sup>58</sup> Mi Ne ni sweli kuzuma nako yeñwi, ye bonahala kuba sibupeho sa bubeli ku na, sa ku lata kuzuma. Mi Ne ni sweli kuzuma ni mushimani, Jim Poole, mushimani yomunde. Ni sepa kuli mushimani wa hae utahanga kwa keleke kwanu, Jim yomunyinyani, ni lubasi lolunde lwa batu. Na ba ziba baha Poole. Jimmy ni Na ne lu lobalanga hamoho kuzwa kwa bwanana bwa luna inge lusali bashimani baba nyinyani mwa sikolo. Lu siyana fela ka likweli ze silezi fela, kwa myaha ya luna. Mi Jimmy ato liza tobolo ya hae, mi ya ni kunupa kwa mautu amabeli kaufela, fakaufi maswe luli nina, ni tobolo yekuswani. Na isiya kwa sipatela, mi, kwani, na yo lobala kwani bukaufi ni kushwa, nekusina penicillin kamba sikamañi kaufela mwa mazazi ani. Mi, cwale, neba ni yalezi lisila la fone ni lobezi, mi Na ziba busihu bwani kuli . . . Neba ka ni pazula kakusasana habusa.

<sup>59</sup> Sebanga fela sitombo ni ku si tapisa, mi nama yetuna luli ya zwa fateni, mi banga sikele ni ku i sehulula fateni, mi Na swala mazoho a muuna yani. Mi nebana ni Frankie Eich, kona a sa zo ipulaya fela, mi ba sweli fela, ba swala mazoho aka ku azusa ku a hae, hane—hane ba se ba felize. Na huwa ni kulila, ni ku swalelela ona cwalo, ni bona inge basweli kusehulula kwateni siemba sa liutu. Nenina ni lilimo ze lishumi ka zene za kupepwa, nenili mushimani fela.

<sup>60</sup> Mi busihu bwani Na lika kulobala, mi ba . . . Na zuha, sesiñwi sa hasa mezi. Mi neli mali, mane kubata kutala galoni, Na sepa, mi nasweli kuzwa mwa misinga yani. Mi neba na . . . neba ngile x-ray, mi ne ba bulezi kuli na ni kunupezi bukaufi ni ona musinga omutuna wani, kwa maneku mabeli kaufela, kuti kupazuha fela kokunyinyani ne ku ka puma musinga wani mwa liemba zepeli, mi se Ni kala kuzwa mali. “Kihande,” Na hupula kuli, “a kona mafelelezo a ka.” Mi Na beya mazoho aka fafasi sina *cwana* ni ku zuha, mi mali a shulumuka kwa mazoho aka, neli mali aka mo ne Ni lobezi. Na biza, kuliza mulangu. Nasi a taha, mi a apukuta fela ka taulo kakuli nekusina se ne ba ka eza.

<sup>61</sup> Mi kakusasana habusa, mwatasa buino bobu fokola bwani, nebase beyangi mali mwa mazazi ani, mwa ziba, kacwalo ba—ba ni pazula. Mi ni kuni fa ni zona. Mi ha Ni . . . Za kale kulo kwani, Na sepa mwa hupula, ki mulyani wa kale wa ku utwisa singonyi. Mi mwatasa zani hape, ha Ne ni zwile, Ne ni taha kwani kasumulaho wa liholo ze ketalizoho ka zetalu. Neba ni file zeñata hahulu, neba hupula kuli Ne ni si ke . . . Ne ni si ke kuzuha. Neba palezwi ku ni zusa.

<sup>62</sup> Na hupula musala Bo Roeder yana yemi bukaufi nina, kwani mwa sipatela. Hanina kulibala musali yani. Hakuna taba se si ezahala kaufela, Ne ni si ka mulibala. Nali fela musali wa sanana ka nako yani. Muuna hae nali muyemeli yomutuna kwa misebezi

ya za limota kwanu. Mi Na—Na hupula hana yemi bukaufi nina, yena ni musala Bo Stewart. Mi neli bona bene ba lifile sikoloti saka kwa sipatela sani. Na . . . Ne lusina nihaiba lico za kuca, mwa ndu, kacwalo ne lu ka lifa cwani sikoloti sa kwa sipatela sani, ma dollar aeza mianda anda? Kono yena, kuya ka katengo ka keleke ya habo ni Ku Klux Klan, ani lifela sikoloti sa sipatela, za bo Mason. Hanikoni ku ba libala. Mwabona? Hakuna taba ka se ba eza, kamba sikamañi, Ni sa . . . kuna ni sesinñwi, mi sani kona se si pila ni na, mwabona, sene ba ni ezelize. Mi ba lifa sikoloti ku Dokota Reeder. Yena u sa pila, upila ona kwanu kwa Port Fulton, bakona ku mi bulelela likande.

<sup>63</sup> Ha Ni to zwa kulo kwani, kwaba ni sene si to ezahala kuna kwani. Ni bile ni li lumela ka kuba pono. Kakuli, Ne ni fokozi luli, mi Ne . . . Ne ba hupula kuli Ne ni shwa. Na sweli kulila. Ha Ni yo apula meto, na talima, Ne ni mu utwa inza bulela, mi se Ni kuta ku yo lobala, ni kuzuha, linako zepeli kamba zetalu. Mi se Ni ba ni pono ona fani. Mi kasamulaho se Ni ba . . .

<sup>64</sup> Mwendu likweli zesupa kasamulaho, Ne ni ilonga tobolo yenyinyani ni kutubula litino za ku zumisa zetezi masila kwa mautu; dokota na si ka li shimba. Mi kacwalo Ne nina ni mali amaswe, mautu amabeli na sa luhuhile maswe ni kuba amatuna luli mwatasi a mautu, mi neba bata kupuma mautu amabeli kaufela kupumela mwa linoka. Mi se Ni . . . Ni bulela kuli, “Batili, taha kwanu mi u to li tubulela *kwanu*.” Ne ni palelwa ku li yemela, mwabona. Mi cwale kwa mafelelezo, Dokota Reeder ni Dokota Pirtle, bene ba zwa kwa Louisville, ku to ba ni kupazula, mi ba to pazula ni ku si zusa mwateni; mi kacenu Ni na ni mautu amande, ka sishemo sa Mulimu.

Kono mwatasa—pono ya mafelelezo yene Ni nani . . .

<sup>65</sup> Pono ya pili, Ha Ni taha, mi ki ha Ni kena mwa pono ye. Mi Na hupula kuli Ne nili mwa lihele, ka kupatalala fela . . .

<sup>66</sup> [Muzwale mwa kopano uli, “Mu ni swalele, sha.”—Mu.] Uhhuh. [“Kuna ni musali kwanu ya welezi ona fa, ona kwanu.”] Ku lukile, yomuñwi abeye lizoho la hae ku yena, mi mu . . . muise fo kufuka moya. Cwale kamba ki mañi kaufela ya yemi kafo, beya lizoho la hao ku yena.

Halu lapeleñi.

<sup>67</sup> Mulena Jesu yomunde, kezela luna ya kula kakusasana cwana, mi u welezi mwa sibaka se, mi cwale sishemo sa Hao ni kutiya ni mata . . . kuna ni mazoho a beilwe ku yena cwale, ayemela Wena. Mi Mañolo abulezi kuli, “Lisupo ze lika latelela ba balumela. Haiba ba beya mazoho a bona fa bakuli, ba ka foliswa.” Mi cwale kezela luna azwe mwa butuku boo, mi abe hande kwa kanya ya Mulimu. Ka Libizo la Jesu Kreste lwa kupa, mi lu mu beya ku Wena. Amen.

<sup>68</sup> Cwale ha muise fa moya. Ki—ki kufipelwa luli. Na kona ku utwa munko wateni kwanu, luli, luli ku maswe. Ki maikuto fela

kuwelela, kwanu kwa katala. Ni utwile ona cwalo, hane kamba haketalizoho kwanu. Haiba kuna ni... asa kala fela kuitwa hande, kupalañi, mu muise ko akone kuba bukau fi ni moya. Seo ki sesinde. Uh-huh. Mwabona, ki munko o maswe fela otisa kuwelela, mwa ziba. Batu baba pila batisanga, mañi ni mañi wa luna, ki libima zelikani fela mwahala luna za matuku. Haiba mu cwalo, kuna ni yana ni mezi kwani, kamba nto yeñwi ya kufa ku kezeli. Una ni—una ni ku, ku lukile cwale. Mwabona? Ku lukile. [Muzwale mwa kopano ubulela kuli, “Halu kwaluleni fela likwalo, Muzwale Branham.”—Mu.] Eehe, mwendi haiba mukona kukwalula likwalo, mwendi, kamba ku mufa moya nyana, kuya ka mo lu konela, ka mukwa omuñwi, mwabona.

<sup>69</sup> Cwale ka nako ye, hane Ni bile ni pono ye, ni ku nahana kuli Ne—Ne se ni zwile mwa bupilo bo kukena mwa manyando.

<sup>70</sup> Mi likweli ze supile kasumulaho, kwanu kwa Clark County Memorial Hospital, Ne ni nani kupazuliwa kwa bubeli. Mi ka nako yani, ha Ni to zwa, Ne ni hupula kuli Ni yemi kwande kwa Wiko. Naba ni pono yeñwi. Mi nekuna sifapahano sesituna mwa mbyumbyulu, mi Kanya ya Mulena neizwa kwa sifapahano sani. Mi Na yema ni mazoho aka mwa halimu sina *cwana*, mi Kanya yani neisweli ku ni kena mwa sifuba. Mi Na... Pono ya ni siya. Bondate nebainzi fani inge ba ni talimela, fani ha itahe pono.

<sup>71</sup> Ni bile ni utwanga kamita, mina... Sicaba kaufela baba ni zibile lilimo ze kaufela, ba ziba kuli Ni bile ya tabela kuya kwa Wiko kamita. Mwa ziba mo kuinezi. Kubile nto yeñwi kamita kwa Wiko. Kono kakuli munituti ka za linaleli akile ani bulelela nako yeñwi, nto yeswana, kuli Ni lukela kuya kwa wiko... Linaleli, ha li silanga mwa mizamao ya zona ni zeñwi cwalo, Ne ni pepezwi mwatasa sisupo sani, mi Ne ni sike na kondisa zaka kwa Upa; Ne nina ni kuya kwa Wiko. Mi ñohola Na funduka, kuliba Wiko, ku yo taleleza tato ya bupilo sene ili sona, mwabona, ku—ku yo eza sani.

<sup>72</sup> Kiñi ha Ni banga kafani? Ki nto ye bukuba maswe luli. Ku yo pila mwa lihalaupa kwani, inze ni lifa mali akuma fa mwanda ni ma dollar a lishumi ka kweli, aku lifela ndu, mi kwanu kuna ndu ye ikinezi kwanu, ya mahala ya keleke, ye ba ni lukiselize, mwabona. Kono ki kulatelela Mulena, mwabona, zani—zani kona ze Ni ziba fela mwa ku ezeza. Mi mwa ziba lipono ni se si ezahalile kulo kwani. Cwale—cwale ona fa Ni bata kubulela kuli...

<sup>73</sup> Cwale haiba kezela luna uikutwa kufokola nyana, Muzwale Roy, mi uka... tabela kuli amu zwiseze fande kokuñwi ni ku mu beya mwa muzuzu omuñwi kwanu, ko akone kuyoba ni moya omuñata kamba nto ye cwalo, seo kipeto sikaba fela hande, kakuli, Ni ikutwa kuli ukaba fela hande cwale, mwabona. Ku lukile. Na welezi fela, kuikuta kukula. Mi kacwalo Na—Na mi bulelela, haiba uka... haiba mubata ku mutisa kwanu kokuna ni

moya . . . mu kwalule mahaulo a, Muzwale Roy, mi haiba kezeli ubata kutaha ni yena, seo—seo sikaba hande. Mwabona, haiba ubata ku—ku taha kwanu, kihande, asike a saba zeo.

<sup>74</sup> Ni bata ku mubeya mazoho haka fita kwanu. Kaufela mina mu ni swalele fa nako nyana. Ni Mulimu ani swalele ka . . . Seo, yeo ki niti, muzwale.

<sup>75</sup> Ndate yakwa Lihalimu, mwana Hao wa musizana yo fa uinzi mo kakusasana cwana, hanza taha kwa kuteeleza kwa Liñusa, mi una . . . Satani usweli kulika ku mu nata ku kuli azwe ku lona, kono hakoni kueza cwalo. Hakoni kueza cwalo.

U fuyolwe, kezeli, ka Libizo la Jesu Kreste.

Ku lukile. Kihande, sikwalo sani, Ni sepa kuli ba balikani . . . ? . . . mizwale, konakuli moya wakona kufita cwana kwanu, ku wena.

<sup>76</sup> Oh, mubulela ka ze fipelisa, mu lukela kuya kwa libaka zeñwi za kwabuse bwa mawate zani ko ba bundamanga fela fahalimwa yomuñwi ni yomuñwi, ni mbingwa ni kansa. Mi, oh, mawi, hamukoni nihaiba kubuyela, mwa ziba, mwa lika zecwalo. Kuina mwa miyaho yemituna yani, yetezi fela ka—ka matuku. Mi mwa ziba mbingwa moikona kubala. Kwani, ba lobezi mwani kusina mazebe, mi ni lifateho za bona licilwe neku, habana mazoho, ni likota za milamu ya kuzamaela kuba mautu, ni lika ze cwalo, inge ba lobezi, ba shangami ku yomuñwi ni yomuñwi. Mi buñata bwa bona inge ba shwela ona fani, bali ku lobala ona fani, bakeñisa ku lobala ka kushangama fahalimwa mutu ni mutu, ka kulika kufita kokuñwi, mwa ziba, ku to utwa Liñusa.

<sup>77</sup> Mi cwale—cwale ku se, Na mi bulelela sene si ezahalile. Mwa pono yene Ni nani, Ni ka kuta, kakuli Ni tisize zeo, lipono zepeli mwani, ku mi bonisa ka iliñwi ya zona. Ne ni lukela kuba kwa Wiko. Ni bile ni lakaza sani kamita.

<sup>78</sup> Mi cwale, mulelo wa Liñusa kakusasana cwana ki ku paheka keleke, mwa lika kaufela za ka Ni tuhelela ku paheka keleke ku zona, kuyaka mo Ni zibela, kufitela li . . . hanze Ni ya cwalo. Mi ye ya ni bilaeza, kacwalo Ne ni bata kupaheka keleke. Cwale, se ki sa tabernakele ye fela, mwabona, kulo kwanu. Cwale, mi mwa pono ye, ya makalelo, ki se sene si ezahalile.

<sup>79</sup> Kasumulaho pono imano ni swala, Na to fokola hahulu, mi Na felelwa ki mali ani kaufela, mi naya . . . Na hupula kuli Ne ni sweli kunwela mwa sibaka sa Kuyakuile se si sina mafelelezo. Buñata bwa mina mu ni utwile fateni ha ni bulela taba ye fateni, mi—mi ne ni sweli kutiba mwa Kuyakuile kokusina mafelelezo. Pili, Ne ni sweli kuya inge mwa malu cwalo, mi cwale mwahala lififi, ni kutiba ninze ni shetumuka mwatasi, mwatasi, mwatasi. Mi taba yapili mwa ziba, Na kena mwa sibaka sa baba latehile, mi mwahali mwani Na—Na huwa. Ki ha Ni talima, mi mani, lika kaufela, nekusina mutomo ku sona. Ne ni sa tuheli kuwa.

Ki kuyakuile, mone ku bonahalela, Ne ni ya ni wa. Nekusina kuyema, kai kamba kai.

<sup>80</sup> Mi shutano yeneli teñi kwa pono yene Ni bile ni yona kwanu, haki kale hahulu, ya kuba mwa Kanya ni sicaba, ka kuiswanisisa! Kono mwahala ye, sina hane Ni nze ni wa cwalo, Na kwa mafelelezo, Na—Na to huwa kubiza bondate. Eeni sha, ka kuba fela mwanana, sani kona se ne Ni ka eza. Na huwa kubiza bondate, mi bondate neba siyo kwani. Mi Na huwa kubiza boma, “Yomuñwi ani swale shaa!” Nekusina bona kwani. Ne ni sweli fela kuya. Mi Na to huweleza ku Mulimu. Nekusina Mulimu kwani. Nekusina sika kwani.

<sup>81</sup> Mi kasamulaho nyana Na to utwa muhuwo o tomolisa hahulu pilu wa kulila ko Ni samba kuba ni utwe fateni, mi neli maikuto amaswe maswe kuli. Hakuna mukwa. . . Nihaiba mulilo o luziba wakona kuba nyakalalo kuba kuona kufita mone kuinezi kulo kwani. Cwale lipono zani hali sikaba ze fosahalile fateni nikamuta. Mi neli fela iliñwi ya maikuto a sabisa hahulu ku e Ni kile naba ni ona, ni sene si ezahalile. . .

<sup>82</sup> Na to utwa lilata, lene li utwahala sina mufuta wa—wa—wa mutu ya li mwa sitongo sa butuku hakalo. Mi hane kuli cwalo, Na talima, nekuna ni bene bataha, mi neli basali. Mi nebana ni mipende ya mubala wa butala, mone ba bonahalela fela fa lifateho zabona, mi neba ipeile mipende ni kwatasa meto a bona. Mi meto abona na bonahala inge kuli atalimela kwa mulaho, inge basali ba kacenu mo ba pentelanga meto a bona, ku kutisa kwa mulaho *cwalo*, mi neli meto a bona fela ni sifateho. Mi neba sweli kuzamaya, “Ooh, ooh, ooh, ooh!” Oh, mawi!

<sup>83</sup> Na to huwa fela kuli, “O Mulimu, uni utwele butuku. Ni utwele butuku, O Mulimu! U inzi kai? Kambe Uka ni lumeleza fela kukuta mi ni pile, Na Ku sepisa, kuli ni kaba mushimani yomunde.” Cwale, yani kona fela taba inosi yene Ni konile kubulela. Cwale, Mulimu wa ziba, mi ka Lizazi la Katulo, Uka ni atula ka kubulela cwalo. Ona cwalo kona mo ne Ni bulelezi, “Mulena Mulimu, ni lumeleze kukuta, mi Nia Ku sepia kuba mushimani yomunde.”

<sup>84</sup> Mi hane Ni kunupilwe, Ne ni bulezi buhata, Ne ni ezize buñata bwa lika ze ne lukela kuezahala, kwanda nto iliñwi ye Ni bulela. . . Ni yona yani mwendi Ni ilukise hanisali ona fa cwana. Mi ha Ni talima fafasi ni kubona kuli Ne ni abilwe mwa liezamba zepeli, cwalo, Se nili, “Mulimu, uni utwele butuku. Wa ziba Nali kuba ni eze boozwa fateni.” Yani neli yona taba fela inosi yene Ni konile kubulela ku Mulimu. Ne ni si ka amuhela swalelo ya Hae, ni zona lika zeñwi ze. Na bulela fela kuli, zene ni bulezi fela kuli, “Nali kuba ni eze boozwa fateni.”

<sup>85</sup> Mi se ba ni isa kulo kwani. Mi cwale, mwahali mwani, Na lila, “Mulimu, uni utwele butuku. Nikaba mushimani yomunde, haiba Uka ni lumeleza fela kukuta,” kakuli Ne ni ziba kuli kuna

ni Mulimu kokuñwi. Mi kacwalo ni tuse, libupiwa zani ze katezi inge lini potolohile, Ne ni bile fela muenyi mwa sibaka sani. Mi maikuto asabisa hahulu, amaswe, asina bumulimu mwahali mwani. . . Ni kubona bimeto byebituna tuna, linsi zetuna zetelele *cwalo*, ze kutile kwa mulaho mane inge kaze fela cwalo, kwa mulaho sina *cuana*; ni mipende ya mubala wa butala, mane inge kuli ne li kokonyani kamba nto yecwalo.

Mi neba—neba sweli kuzamaya, “Ooh, ooh, ooh!” Oh, ha ki maikuto ni ao! Cwale ona fani Na. . .

<sup>86</sup> Mi mwa nako nyana fela, Na kutela mwa bupilo bwa butu hape. Nto yeo ini katalize. Na hupula kuli, “Oh, kube kuli Nisike na ya kwa sibaka sesi cwalo sani; hakuna mutu ya pila hape yakona kuya kwa sibaka sesi cwalo sani.”

<sup>87</sup> Likweli ze supile kasamulaho, Naba ni pono kuli ne ni yemi kwa Wiko, ni kubona sifapahano sa gauda sani inge si shetumukela kuna. Mi Na—Na ziba kuli nekuna ni sibaka sa baba latehile kokuñwi.

<sup>88</sup> Cwale, Ne ni si ka li iseza hahulu ngana konji kasamulaho wa lisunda zene kwa mulaho. Musala ka. . . Ne ni si ka li nahana ka nzila ye. Mwendu lisunda zene kwa mulaho, musala ka ni Na lwa ya kwa Tucson, ku yo ba ni za kuleka. Mi hane lu inzi cwalo. . . Musala ka, lwaya ka ku shetumuka fa mahatelo, mi—mi nekuna ni sishañata sa bashimani bene ba bonahala inge basali ni milili yabona mone ba iezelize, mwa ziba, inge basali mo ba ezezanga, mi—mi milili ye putani yali ku kamunelwa fapata, inge batinile malukwe amatuna ani, ka mukwa o cwalo, Ni sepa ki tunekunda, kamba mu tubiza cwani kaufela. Mi kona zene ba tibile kwani, mi mañi ni mañi nasweli ku ba talimela, mi litho zabona nelili zetuna *cwalo*, inge basali baba apalanga ze kwanu mufuta wa “kukuta milili” ka ona, mwa ziba. Mi nebali kulo kwani.

<sup>89</sup> Mi musali wa sanana ataha cwalo, mi ki hali, “Ki kisikamañi so nahana ka zeo?”

<sup>90</sup> Se nili, “Konakuli ulukela kuikutwa maswabi, haiba haukoni kunahana cwalo.” Se nili, “Una ni tukelo ya kueza cwalo sina wena mo ubezi. Hakuna nihaiba alimuñwi wa mina yana ni tukelo.”

<sup>91</sup> Kacwalo Na pahama fa muzuzu wa fahalimu, mi Na ina fafasi. Mi ha Ni mano eza cwalo, nekuna ni sikwepe, neli sintolo sa bo J. C. Penney, ni sikwepe seo ne si tisa sicaba fahalimu. Kihande, Na ikutwa kunyapa hahulu mwamba, ka kubona basali bani hane bataha kulo kwani; banana, babahulu, ni baba shutana, ba mañonde, basasana, ni mifuta kaufela, ni tuputula nyana fela bali kutina; mibili yabona ya masila, ni ona basali bene ba apezi ka butanya bani, ni litho zetuna zani ona cwalo, mi nebanze bataha ona cwalo. Mi alimuñwi na sweli kutuluka fa sikwepe sani, inza sweli kutaha fela ona cwalo, kone



Ni inezi mwa sipula kwa mulaho, ne niinzi kwani ni toho inge ni inamezi fafasi.

<sup>92</sup> Mi Na sikuluha ni kutalima. Mi alimuñwi wa bona yana taha fa mahatelo na sweli kubulela kuli, “Ooh,” kubulela si Spanish, ku musali yomuñwi. Neli mukuwa wa musali yana sweli kubulela kumusali wa mu Spanish. Mi ha Ni talima, [Muzwale Branham uliza munwana wa hae—Mu.] ona fani fela se Ni cinca. Fani, Ne se ni boni sani fateni. Meto a hae, mwa ziba basali mo ba ezezanga cwale, na pentile meto a hae, kwa mulaho nyana fela, inge kaze, ku li kasheza mwahalimu sina *cwana*, mi na tinile magilasi a kaze ni lika zeñwi, mwa ziba, ni meto a hae inza talimezi mwahalimu *cwana*, ni mupende wa mubala wa butala mwatasa meto a hae. Kisani sika sene Ni boni hane Ni sali mwanana. Nekuna ni musali yani fani ona cwalo fela. Mi se Ni kenelwa fela ki singonyi mubili kaufela, mi na kala kutalima kafa ni kafa, mi nekuna ni sicaba sani sene si sweli kukweca meno, mwa ziba, ku bulela ka liteko ni lika zeñwi mwahala muyaho. Mi fela se Ni . . .

<sup>93</sup> Neku bonahala kuli Ne ni tilo cinca fela fa nako nyana. Mi Na talimela, mi Na hupula kuli, “Sani kona sene Ni boni mwa lihele.” Ki bani nebali fani, ba mañonde bani. Na hupula kuli kakuli nebali mwa lihele kona sene si baezize kuba cwalo, mubala wa butala ni wa ndilu mwatasa meto a bona. Mi fa nekuna ni bona basali bani bene ba ipentile ka mubala wa butala ni ndilu wani, ona cwalo fela pono yani mone ibulelezi mwendi seli myaha ye mashumi amane kwa mulaho.

<sup>94</sup> Mwabona, mwendi bukaufi ni myaha ye mashumi amane kwa mulaho, kona se si bile. Nina ni myaha ye mashumi aketalizoho ka zene; Nenili wa lilimo ze lishumi ka zene. Cwale mwendi ka lilimo ze mashumi amane kwa mulaho, Na . . . Mi sani kona sa—sa . . . Yani kona nombolo, nihakuli cwalo, ya katulo, mwa bona. Cwale nekuna ni . . .

<sup>95</sup> Ne ni boni sani mane Na palelwa nihaiba kubulela ku musalaka hana tile. Na inzi kwani inza lika kungela Sarah ni banana lika zeñwi, mufuta wa—wa ndelesi kamba nto yeñwi cwalo ya kwa sikolo, mi Se—Se ni palelwa nihaiba . . . Ne ni palezwi nihaiba kubulela ku yena. Mi ali, “Bill, ki butata mañi bobuli ni wena?”

Se nili, “Mulatiwa, Ni swana fela . . . Ni swana fela inge mutu ya shwile.”

Mi ki hali, “Ki butata mañi? Kana wa kula nji?”

Se nili, “Batili. Kuna ni fela se si ezahalile.”

<sup>96</sup> Cwale ha zibi. U libelezi tepu ye kuli akute. Hani si ka ibulela kale ku mutu nihaiba yomukana. Mi Na hupula kuli Ni ka libelela, sina hane Ni sepisize, ku li tisa kwa keleke pili. Mwabona? Ku litisa kwa keleke. Yeo neli yona sepiiso yaka.

Mi muka lemuha zeo, kasamulaho wa busihu bwa kacenu, ki kabakaleo Ni lika kubuluka sepiso yaka. Mwabona?

<sup>97</sup> Na hupula cwale, hane Ni sweli ku batalimela basali babana ni mañonde bani ni meto a bona. Nekuna ni ma Spanish, ma French, ni ma Indian, ni makuwa, ni babañwi kaufela, kono ona litohe zetuna zani, mwa ziba, zene nangukezi mwahalimu, ni likama zani, moba ikamunela yona kukuta kwa mulaho, ka mukwa omutuna, mi kipeto itahe cwalo. Mwa ziba, mwa ziba moba li ezezanga, ku ieza sina moba ikamunelanga. Mi kipeto ona meto a na ni mañonde kwatasi ani, ni meto atezi mipende, ba apenta kwa mulaho inge meto a kaze. Mi kipeto inge basweli kubulela, mi fani Ne nili teni hape, inge ba yemi kwani kwa sintolo sa J.C.Penney, kwa mulaho mwa lihele kwani.

<sup>98</sup> Ne—Ne—Ne ni sabile hahulu. Na hupula kuli, “Mulena, luli ha Ni sika shwa, mi U ni tuhelezi kutaha kwa sibaka se niteni.”

<sup>99</sup> Mi kibani nebali kwani, inze baeza... inge baliteni ona cwalo, mwa pono yani cwalo, ne musike mwa liutwa ka lizebe zamina, mwa ziba. Neli fela ku ñuñuna kukweca meni ni kuzwelapili, kwa sicaba, ni basali bani inge bataha fa sikwepe sani ni kuzamaya mwa sibaka sani, inge bali, “Ooh, ooh!” Nekuna ni mubala wa butala wani, ni meto ana bonahala kusehisa, ni kusabisa atezi fela sililo.

<sup>100</sup> Mi musala ka ataha. Mi se Nili, “Ni tuhele fela fa muzuzu nyana, mulatiwa.” Se nili, “Haiba hauna kubilaela, Ni—Ni—Ni bata kuya kwa hae.”

Mi ki hali, “Kana wa kula nji?”

<sup>101</sup> Se nili, “Batili, zwelapilii cwalo, mulatiwa, haiba una ni zelukela kuleka kaufela.”

Ki hali, “Batili, Ni felize.”

<sup>102</sup> Mi se Nili, “Alubone ni kuswale kwa lizoho.” Mwabona? Mi se Ni zwela fande.

Ki hali, “Ki butata mañi?”

Se nili, “Meda, Na—Na—Na...Kuna ni se si ezahalile kwani.”

<sup>103</sup> Mi hane Nili mwatasi mwani, Na hupula kuli, “Ki lizazi mañi le lupila ku lona? Kana nto ye kona Kuhoha kwa Bulalu nji?” Cwale Nina ni zeñozwi kulo fa.

<sup>104</sup> Jesu. Lu fumana cwana kuli, Jesu, mwa bulumiwa bwa Hae, kasamulaho amano kutaza kwa sicaba... Cwale luka ka swanelo ni Mañolo ku se. Kasamulaho Jesu amano feza bulumiwa bwa Hae, mi bulumiwa bwa Hae bwa haniwa ki batu. Cwale muka bala mwahala mibamba, mube ni mutalimelo wa mina. Muhupule sene Ni mi bulelezi lwa pili. Kasamulaho amano kutaza... .

<sup>105</sup> Ataha sina ya Na sepisizwe kwa lizazi lani. Kaufela luna lwa ziba cwalo. Mañolo a zibahaza Jesu Kreste Mesia. Yeo ki niti. Ka swanelo, handende, li pakilwe ki Mulimu ni Linzwi la Hae, kuli Yani neli yena Mesia. Hakuna puzo. Haiba mutu ufi kaufela ukona kuba ni puzo ka zona, haiba munani, konakuli muna ni kutaha kwa katala, kuli, “Na si yena Mesia.” Na patalazwa ka swanelo kuba yena Mesia. Kono kasamulaho Amano ba patalaza. . . Mulimu a Mu toloka.

<sup>106</sup> Sina Pitrosi hana bulezi ka Lizazi la Pentekota, fani hana bulezi ku ba Sanhedrin kwani, kwa bune. . .mwendi kasamulaho wa mazazi amane. Ki hali, “Jesu wa Nazareta, Muuna ya ketilwe ki Mulimu mwahala mina ka lisupo ni zekomokisa, zeo Mulimu u ezize ka Yena mwahala luna, ili zeo luna kaufela lu lipaki zateñi. Mwabona? Mu ngile, ni ka mazoho a maswe, mi mu kokotezi Mulena wa Bupilo; ili yo Mulimu a zusize, ni kubonisa ona lika ze mubona ze.” Mwabona? Kreste azwelapili kupila. Eni sha, u sa pila kacenu.

<sup>107</sup> Cwale kasamulaho Jesu amano taha ka kuiponahaza hande, aiponahaza Iliyena, Mulimu na Mu pakile, mi A polofitiwa. Mi kasamulaho wa mazazi a sipolofita sa Hae, niha li pakilwe hande ka Mañolo, batu neba Mu hanile. Yeo ki niti. Mi Na kotalize kasamulaho wa ku Mu hana fa, bona bene bana ni kolo ya kupiliswa. Muhupule, fani ha Na kutaza, nekuna ni kolo yakuli mutu a piliswe. Halu zibi kuli ki bomañi. Kono Na zwezepili ku kutaza.

<sup>108</sup> Kono kasamulaho wa mazazi a kukutaza kwa Hae, bulumiwa bwa Hae bwa zwelapili, kakuli sikwata sa mafelelezo sa Na kotalize ku sona neli mioyo yeneli mwa lihele, yene si ka swalelwa. Ni balile ka tokomelo litaba zeo mwa Bibe mo, kuzwa ku Pitrosi wa Bubeli. Mwabona? Na ilo kutaza kwa mioyo yeneli mwa tolongo, ili lona lihele, ikwahezwi kufitela Lizazi la Katulo.

<sup>109</sup> Kakuli, mwa bona, Katulo ha ki cwale, mi hakuna lihele lelituka cwale. Mutu ha ka mi bulelela kuli, “Mutangana yani umwa lihele leli tuka cwale,” ao ki mafosisa. Mwabona? Muatuli wa lifasi le hakoni kutisa mutu mwa katulo konji ha sa tisizwe mwa ku zungubaziwa. Mi Mulimu hana ku nepela mutu mwa mulilo wa ondo yetuka konji pili a nyaziwe ki milao ya Mulimu Kasibili. Ya hanile sishemo, kacwalo, mwa bona, pili una ni kuba ni ku zungubaziwa, mi ku zungubaziwa ko ki ka Lubona Lolusweu Lolutuna lwa Katulo. Kono cwale u mwa sibaka se si bizwa kuli ndu ya tolongo.

<sup>110</sup> Mi sina hane Ni boni pono ya libaka zepeli, mi ka sishemo sa Mulimu. . .Hani buleli cwalo ka kuba ni kashwau, mi, haiba ku fosahalile, Mulimu ani swalele. Ni lumela kuli Ni bile mwa libaka zepeli kaufela, mwabona, mwa libaka zepeli. Mi Ni boni ba ba liuluzwi, baba fuyozwi; mi Na bona baba latehile, ni kone

bainzi. Mi ki kabakaleo ha Ni yemi kakuba muzwale wa mina, kacenu, ku mi lemusa kuli musabe kwa nzila ye shetumuka yani. Musike mwaya ka nzila yani. Mi muna ni lika kaufela zemu lukela kupilela, ki nzila ye fuyozwi ye pahama yani, ko baba liuluzwi bainzi mwa tabo ni kozo, mi habakoni kueza sibi. Ha bakoni—habakoni ku swaba. Ha bakoni. Hakuna, hakuna sika kwani; ba petahalile. Ni boni libaka zepeli kaufela! Ni ziba kuli yeo ki pulelo yemaswe kuli mutu a ibulele, kono, Mulimu ka kuba Muatuli waka, Ni lumela ka kutala kuli Ni boni libaka zepeli kaufela. Na—Na lumela cwalo.

<sup>111</sup> Mi, oh, libe kwahule ni mutu ufi kaufela kuli akene mwa sibaka sa baba latehile sani! Haiba ne muka yema ni lisipi inge ba mi punyize sipi ye cisa, ku nyandisiwa mwa mikwa kaufela, zeo halikoni kubapanywa kwa kunyandisiwa ki diabulosi yali mwa sibaka sani. Hakukoni kuba sika. . . Ngana ya mutu se ikona ku, ngana ya mutu haikoni ku utwisisa kuli sibaka sa ba balatehile sani si cwani. Hakuna mukwa wa ku tatulula ka ona. Mi hakuna mukwa wa ku tatulula ka ona ka za sibaka sa baba fuyozwi mo si inezi, ki sesinde hahulu. Sani sesiñwi sa sabisa, mi Se kwateni ki—ki sesinde hahulu, ki kuzwa ku ze swabisa kukena ku ze katulusa. Kacwalo haiba kuna ni ya ni utwa. . .

<sup>112</sup> Mi se Ni ya niba muuna ya supazi. Hani zibi kuli Ni se ni sialezi ni zekuma kai. Ni ka suhana ni ba ni lilimo ze mashumi aketalizoho ka ze ketalizoho za kupepwa. Mi Ha—Ha ni zibi, kuya ka ze bupilwe, Hakulata ha ni koni kuba ni myaha ye miñata hahulu. Hani zibi ko ku kaya tepu ye. Kono kube kuli mañi ni mañi autwe, fa fa tepu, kamba kaufela ko ikona kuya. Musike mwabe muya kwa sibaka sa ba balatehile sani. Hamukoni ku likanyisa lihele kwa bumaswe bo buli kwani. Mi kaufela se mueza, musike ni kamuta mwaba ni. . . kulibala se, kuli libaka za baba fuyozwi. . . Ni ka bulela cwana, hamoho ni Muhalahahi Paulusi, “Liito hali si ka bona kale, zebe ha isika utwa kale, kamba mane nihaiba kukena mwa lipilu za batu, zeo Mulimu abulukezi baba Mu lata.” Kacwalo mutuhele, haiba musweli kuteeleza kwa tepu, mutime silimba seo, mi mubake haiba ha mu si ka piliswa, mi mube mwa nzila yende ni Mulimu.

<sup>113</sup> Ni bulela taba ye ka kuba ni kutwisiso ye ni iponezi na muñi, kuya ka mo Ni lumelela mwa pilu yaka. Mi Ni li, haiba ze, haiba lipono li ni pumile, Mulimu ani utwele makeke ka kubulela taba ye cwana. Kono ka busepahali bwa pilu yaka, ka kuziba kuli hakuna nihaiba iliñwi ya lipono zani yekile ya palelwa fateni, Ni lumela kuli Ni bile mwa libaka zepeli kaufela. Libe kwahule ni mutu kaufela kuli aye ka nzila ye shetumuka yani!

<sup>114</sup> Cwale, Jesu, kasamulaho Amano fela bulumiwa bwa Hae, ayo kutaza kwa mioyo yani yene si ka piliswa, yene sakoni kupiliswa. Cwale Bibebe ya lu bulelela kuli. “Na ilo kutaza kwa mioyo yene mwa tolongo, yene si ka baka.” Sishemo hane si filwe ku yona, ya keshebisa sishemo, mi cwale ilibelezi Katulo.

Oh, ki nako ye cwani yeo mo ilukela kubela! Oh, Ni lakaza kuli kambe kuna ni nzila yene Ni ka nyanganyisa lifasi ka yona ka seo, kuezza kuli ba bone niti yateni mo iinezi.

<sup>115</sup> Mi Jesu naize, Yena kasibili, “Sina Ndate ha Ni lumile, Nina ni mi luma cwalo.” Mi sina Ndate ha na Mu lumezi kuba—kuba bapila, ku bene bana ni sepo, mi ni kutahisa Liñusa ku bene basina sepo, li bonahala kuswanela, ka nako ye, kuli seo sina ni kuezahala, kakuli Moya wa Kreste opila ku luna ha u cinci sibupeho sa Hae, kamba ha u cinci mulao wa mubelekelo wa Mulimu. U lukela kuba ya swana mwa lusika lufi ni lufi. U lukela kuba ya swana. Naize, “Sina Ndate ha Ni lumile, Nina ni mi luma cwalo.”

<sup>116</sup> Bulumiwa ka buñata bwa bona bulukela kuba nto yeswana, haibile Na bulezi. . . Na bona mina babañwi musweli kuñola Mañolo. Muhalalehi 14:12, “Ya lumela ku Na, misebezi ye Ni eza uka ieza ni yena.” Mwabona, “ki misebezi,” kukutaza ku baba latehile, kufolisa bakuli, mane hamoho cwalo ni ku baba sa konahali kupiliswa. Mwabona? Musebezi no zwezipili ona cwalo ka kuswana. Kacwalo, se sibile, (kana seo sibile teni?) haluboneni Ni si beye cwana, bulumiwa bwa Jesu Kreste bukeni mwa Keleke ya Hae mwa lizazi la maungulo le. Seo kona buñata bwa luna se lu lumela. Na lumela ni mina. Na lumela cwalo. Kambe Ne ni sa lumela cwalo, Ne ni ka eza nto isili fela ka zona. Kakuli, kasumulaho wa lika kaufela, yo kina ya bilae- . . . ya bilaela fa. Mi haiba Moya wa Mulimu uba ku mina, muka bilaela ni kuiseza ngana kwa sicaba.

<sup>117</sup> Nekuna ni Liñolo lene li ni lyanganisanga kamita, kuli mane Mushe nakonile kubulelela Mulimu muhupulo omunde kufita wana nani Mulimu, kufitela ha Ni to fumana kuli neli Moya wa Kreste ku Mushe. Mwabona?

<sup>118</sup> Mulimu ali, “Mushe, ikauhanye kwateni uzwe ku bona. Ni ka sinya sikwata kaufela, mi ni kalise sinca ni wena.”

<sup>119</sup> Mi yena ali, “Mulena!” A to inepela mwa pakani, ali, “Unge na. Takula libizo laka.” Ka sicaba sesiswana luli sene si mu lwanisa, pilu ya hae yaba utwela butuku. Mwabona?

<sup>120</sup> Mi mubuleli yana ni sicaba fa pilu ya hae. . . Kana Ni kona kuikutwa cwani tabo fa. . . pila Mulimu, ni ku na kasibili, kwa ku sa fitisa ze swanela za sicaba seo u lata hahulu kufita mo u itatela ili wena. Kana mutu ukona kukenya cwani mutu mwa keleke ka ku swalana mwa lizoho, kamba ku fafaleza kokuñwi, kamba kolobezo ya buhata yeñwi, kamba sika sisili fela, ni ku mu tuhelela kuli abe mwatasa—mwatasa susumezo ya buhata ni kuziba kuli Bible ki yani iteni fani, ni kubulelela kuli wa mulata mutu yoo?

<sup>121</sup> Nina Nina ni ku kupelela fa kupilela, kamba ki sikamañi kaufela, nibe ya sephala ku Mulimu ni sicaba, ku ba bulelela Niti. Nisike naba lihata. Ni kona cwani kupuma ye Ni lata? Niha

Ni ka mu utwisa bumaswe, kono niteni Na mu lata. Ki kabakaleo ha mu shapanga mwana mina, kakuli mwa mu lata. Ha ki kuli ha mu mulati; kakuli mwa mu lata. Haiba a fosa, uka bulaiwa ha mu sa mu sikululi.

<sup>122</sup> Cwale, ki mo bubezi ni bona bulumiwa. Sina mone kuinezi, kona mo kuinezi kacenu. Li kotalizwe, ni kupakiwa ka tokomelo ka Linzwi la Mulimu, kuli ha likoni kuba mutu zeo, lina ni kuba Mulimu. Lina ni kuba cwalo. Mulemuhe, zona lisupo zeswana za moya zana ezize Jesu, li kutezi ifateni hape mwa lifasi mwa mazazi a maungulo. Ona sisupo luli sesiswana sa moya sa Na ipakile ka sona Yena kasibili kuba Mesia, si Mu pakile ni kacenu. Usali yena Mesia! Lisupo seswana ka buino bwa zona libonahalile mwa lifasi, zene iponahalize ka Yena, sa Nali sona. Siita sa Mulilo sesiswana sana boni Muhalalehi Paulusi, Yena yaswana, sani kaufela sitahile hape ka sibupeho sesi swana mwahala sona, inge sieza lika ze swana.

<sup>123</sup> Jesu na bulezi fokusweu kuli Na sa ezi sika konji Ndate hana Mu bonisa sona. Mi Ndate ki Moya o Kenile, lwa ziba cwalo. Ki ofisi fela ya Mulimu. Haiba ha ki cwalo, kona kuli ki ufi yali Ndatehe Jesu Krete kanti? Jesu na bulezi kuli Mulimu nali yena Ndate He, mi Bibeke i bulezi kuli Moya o Kenile noli yena Ndate He. Cwale, hamukoni ku Mu eza kuba mwana wa mwa bucwani, konakuli Moya o Kenile ki Mulimu, kona mwa na inezi ni Jesu neli Mulimu. Kacwalo, Mulimu, Ndate, Mwana, ni Moya o Kenile ki . . . Ki ona . . . Zani ki liofisi zetalu za Mulimu alimuñwi. Ki mihupulo ya likalulo zetalu, inzali Mulimu yaswana.

<sup>124</sup> Mu siemba sa Mulimu, mi Nina ni siemba sa Mulimu, mwabona; kono ha Ni wa Mulimu kaufela, mane ni mina ha mu ba Mulimu kaufela. Mwabona? Mwabona? Ki milelo ya Mulimu fahalimwa luna, ka kuba bana baba añuzwi ka Jesu Krete. Kanti, Mulimu yena Kasibili natiloba nama, ku to lu shwela.

<sup>125</sup> Cwale, Moya o Kenile kamita no Mu bonisanga lika zene sa taha, mi ali kuba Afose fateni. Neli ze petehile kamita. Kana ki niti yeo? Na si ka itumba Iliyena. Na nza fa tumbo ku Mulimu. Na bulezi kuli, “Mwana hakuna sakona kueza ka Yena anosi kono konji Sa bona Ndate a si eza.” Mi Ndate, ona Moya o Kenile, kakuba Ndate He. Kana ku cwalo? “Josefa, wena mwana Davida, si sabi kunga musala hao Maria, kakuli Sa itwezi ki sa Moya o Kenile,” onoli yena Ndate He. Mi Moya o Kenile no bonisa Jesu lika zene sa taha, no Mu bulelela lika zene liteni.

<sup>126</sup> Mi Nali Mulimi-Mupolofita. Kakuli, Linzwi la Mulena litahanga fela ku mupolofita; kubonisa kuli Linzwi ne litile, mwa buino bo buninyani, bapolofita ne ba ñola sa na ba bulelela Mulena. Kono Yena hakuna sa na ñozi, kakuli Nali yena Linzwi. Nali yena Linzwi.

<sup>127</sup> Mulemuhe, Moya o Kenile ono pila ku Yena, “Fa nako nyana, lifasi halina ku Ni bona ni hanyinyani; kono mina muka Ni

bona, kakuli Ni kaba ni mina, mane mwahala mina, kuisa kwa mafelelezo a lifasi. Ni ka taha ku mina,” Na ize. “Na,” neli Ndate yanali ku Yena, “ni ka taha ku mina.” Mi ki Hali, “Moya o Kenile ha u so tile ku mina, Uka patulula lika ze Ni mi bulelezi, mi uka mi bonisa lika ze sa taha.” Ki fo he cwale.

<sup>128</sup> Cwale lwa lemuha, kuli Moya o Kenile no beleka mwa Keleke ka linako zani, kona mo u ezelize ni Moya o Kenile ona cwalo lika zeswana kacenu; kuzibahalisa ka Siita sa Mulilo, ona cwalo fela sene sili kwa simuluho, ki nto yeswana. Ni kubona se hasitaha ku Jesu, Joani na zibahalize kale kwa nuka ya Jordani. Mi upakile lika kaufela, mane nahaiba sayansi ina ni maswaniso a sona. Ha sikoni ku kananelwa. Neli kuya ka sayansi. Ne si swaliwa. Ne si muhupulo wa kunutu. Ne si kunahanela fela. Sina George J. Lacy hana bulezi kuli, “Liito la kamera halikoni kuswanisa munahano wa mutu. Ki Liseli lene li monyehile fa siiponi.”

<sup>129</sup> Mi kucwani ka mina, keleke, sani mwendi likweli ze silezi kamba ze ketalizoho ka zetalu kwa mulaho kwanu, mi ne ni yemi fa, ne ni bulezi, “Kuli KISONA SA BULELA MULENA, kuli Ni ya kwa Tucson, Arizona. Kuka yoba ni kupanca, mi Mangeloi a supa aka bonahala.” Mwa hupula? [Kopano ili, “Amen.”—Mu.] Kutokwa nahaiba . . . Mulimu na si ezize kuba sa niti kufitela ba mutende wa *Look* magazine haba swanisa siswaniso sa teni. Zamoya, kubonahalela cimo, mi lito iponahaza fela ona cwalo ka kuswana, Mangeloi a supa, ana tizize kufelelela kwa Mañolo. Kakuli, likunutu kaufela za Bibeke kaufela li fumaneha mwa Maswayo Asupa. Lu ziba kuli yeo—yeo ki Buka, Ki liswayo, ni sona Sani si lukisizwe hande. Ki kunutu ya Buka kaufela, ye fumaneha mwahala Maswayo Asupa ani, a lu lumelize Mulena kuli lutise.

<sup>130</sup> Mi kuna ni baana babaliteni mo, kacenu, bene bali nina kwani ha li ezahala zani. *Look* magazine ipakile nto yeswana, kuli ne—ne kuezahalile cwalo. Kakuli, neli Mulimu yana li bulezi. Neli Mulimu ya yemanga mwa mulaho wa Linzwi la Hae, ku Li peta Ha bulela kuli Uka eza sika. Kabakaleo, ha ki mutu fela, mutu wa ngana ya butu inge na cwana, yali mwahala mina sicaba. Ki Mulimu wa Kuyakuile.

<sup>131</sup> U itusisanga batu. Yeo ki niti. Hakuna sa ezanga kwanda kuitusisa batu. Lu lemuha cwalo. Yena, zani kona Li—Li itusiso za hae. Zani kona za na ketile. Kiñi, Ha ni zibi. Na ka eza lizazi kuli likutaze Evangeli. Na ka eza kuli moya ukutaze Evangeli. Na ka eza kuli moya ueze lika, kono Na ketile batu.

<sup>132</sup> Wani neli ona muhupulo wa Hae, kuli mutu a ambolisane ni mutu yomuñwi; isiñi ka yena anosi, kono, “Linzwi la Mulena ne litaha kwa bapolofita,” bapolofiti, bakutazi. Mi mupolofiti ya latula Linzwi la makalelo lani, ukona kuba cwani mupolofita wa niti? Mwabona? Hakoni kuba cwalo, kakuli u latuzi Niti ya Linzwi. Mi cwale haiba ha i cwalo, kona kuli Linzwi le, Kasibili,

kuya ka mo Li kutalezwa mwa buniti bwa Linzwi ni ka buniti bwa Moya o Kenile, Li ka bonahaliza sepišo ifi kaufela lene Li sepišize. Kona mo lu zibela haiba li lukile kamba nee. Sona sana bulezi Jesu kuli, “Ha Ni sa ezi ze ñozwi ka Na kuli ni eze, konakuli musike mwa Ni lumela.” Mwabona? Cwale lubona lika ze.

<sup>133</sup> Muhupule, Maswayo Asupa na felile, mi cwale Buniti bo busupa bwani hane bu patuluzwi. . .

<sup>134</sup> Iliñwi ya zona, Na si ka lu lumeleza kuziba zeo. Luna. . . Ki babakai bene bali mo ka nako ya Maswayo Asupa, ni ku ateeleza? [Kopano ili, “Amen.”—Mu.] Kaufela mina, Na sepa. Mwabona, ki—ki Liswayo la Busupa, Na sike ku lumeleza.

<sup>135</sup> Na yemi ona mwa muzuzu wani ni ku patulula yeñwi ni yeñwi ya zona. Mi haiba Ni kile na kutaza sika kaufela mwa bupilo bwaka, ku zekile za susumezwa, neli ona zani. Mi lina ni kuba niti, ku mina. Ka kuyema fa ni ku mi bulelela kuli li ka ezahala, ni kukena hande ku zona, mane nihaiba sayansi ni lika zeñwi, patisiso ya sayansi ni lika zeñwi kaufela, kunutu kwa sicaba, ne li pakile kuli ne li ezahalezi hande ona mwani. Ni kukuta ku to liutwa ha li patululwa, ni kueza sika kuli Linzwi kaufela libe ka swanelo handendende. Ki lizazi mañi le lupila ku lona? Lu kai kana?

<sup>136</sup> Mi muhupule, mwa Liswayo la Busilezi lani, mwani, mone Litolombita Zesupa kaufela ne li utwahalezi mwatasa Liswayo la Busilezi. Halu ka fita ku zani, muka li bona. Tolombita ifi kaufela (ya busupa) ne i lilezi mwataza Liswayo la Busilezi.

<sup>137</sup> Sa busupa kamita ki sa kunutu. Mutalime busupa bwani, ani kona mafelelezo. Kwani neli Kutaha kwa Mulena. Lihalimu ne li kuzize, kukutumana, hakuna yana shenya. Kakuli, Jesu na bulezi yena Kasibili kuli, “Hakuna nihaiba Lingeloi la Lihalimu leli ziba ha Ni ka kuta. Nina mane ha ni zibi, Nina kasibili, kuli ki nako mañi. Ndate ki yena ya bulukile sani mwa munahano wa Hae.” Mulimu anosi ki yena ya ziba, yena Moya. Naize, “Na hani zibi.” Mi, ne li si ka patululwa. Fani Tolombita ya Busupa ha ito lila. . . kamba Lingeloi la Busupa, li—li Liswayo la kwaluha, mi se kuba kukuza mwa Lihalimu. Mwabona, ne si nto ye bunolo, yene lukela kuezahala.

<sup>138</sup> Kono mwatasa Liswayo la Busilezi, kone ku kwaluhezi Litolombita zani, muhupule, mwatasi mwani, lu fumana kuli Ngunyana ne itile, na ti lo iponahaza. Na siile Sipula sa Sishemo. Musebezi wa Hae wa kupiliswa no felile. Mi Sa taha ku to nga Buka mwa lizoho la silyo la ya Na inzi fa Libona, mi “nako ne se ifela.” Mi ona fani lingeloi la bonahala mwa kauhanyo ya bu sebene, kamba kauhanyo yabu 10 ni timana ya bu 7, kuli. . . Lingeloi le la shetumuka fafasi ni ku konka, kuli, “nako ne se ifelile.”



139 Kono, mwa ziba, mwa Buka mo nekuna ni baba li uluzwi. Neli Buka ya Piliso. Mi lika kaufela za Na pilisilize ne li ñozwi mwa Buka yani. Kaufela ba na shwezi neba ñozwi mwa Buka, mi Na si ka zwa mwa Sipula sa Hae sa buyemeli konji Ha na liuluzwi kaufela bona kufeleleza. Mi Na si ka ba liulula fa sifapahano, kakuli neba lukiselizwe piliso mwa Buka ya Ngunyana ya Bupilo, mi Nana ni kuina fani kuli aba kupele kwateni kufitela mutu wa mafelelezo hana felizwe. Kanya!

140 Kono zazi leliñwi A zuba kuwa Mwani, mi a taha. Buka neinzi kai? Ne isali ku Muña yona wa pili, Mulimu Yamata kaufela. Mi Joani atalima kafa ni kafa, mi a lila, kakuli nekusina mutu yana lukela kotalima fa Buka mane, sihulu, ku kwalula Maswayo, kuli apatulule kunutu yene patilwe.

141 Likunutu nelili mwahala Maswayo Asupa ani. Fani Maswayo Asupa ani ha to kwaluha, sani kone si tilo kwalula Biblele kaufela. Ki Maswayo Asupa; Ne iswailwe ka Likunutu Zesupa, mi mwahala Maswayo Asupa mwani kona mone ku bulukilwe kuntu ya Zona. Mi neli Buka ya Puluso, Testamente Yenca.

142 Isiñi ya Kale. Ne i tolokile fela za Testamente Yenca. “Ba ezizwe ba . . . habakoni kuezza baba petehile kusina luna,” Maheberu 11. Mwabona? Mwabona? Cwale, puluso ne itile fela Mupulusi ha na shwile. Mi nebali kale mwatasa mali a lingu, isiñi a Mupulusi; neba si ka puluswa kale, kufitela Mupulusi ha na tile.

143 Mulemuhe cwale Mupulusi yo . . . Joani atalima kafa ni kafa, mi fa neku inzi Mulimu fa Lubona, ni Buka mwa lizoho la Hae, yene swailwe ka Maswayo Asupa, mi mulelo kaufela wa kupiliswa noli mwahala Yona.

144 Mi Ya latehiswa ka lusika lwa batu, Adama. Mi Mulimu . . . Ya kutela kai? Satani na si ka I nga; na I latehisize fela. Kono cwale Buka ne itilo ya kai cwale? Ne iska fiwa kwa lusika lwa batu. Limbuyoti neisi ya kwanu; fa lusika lwa batu lwa I latehisa. Konakuli se I ya kukutela ku Muña Yona wa pili, yani neli Mulimu.

145 Fa Aina ni Yona, mi Abiza batu babañwi, mutu yomuñwi, kuli atahe ato I nga.

146 Joani atalima kafa ni kafa, mi nekusian mutu mwa Lihalimu, nekusina mutu mwa lifasi, nekusina, nihaiba Lingeloi, hakuna sene si ka nga Buka kamba nihaiba kutamulula Maswayo, kamba mane neba ku I talima. Hakuna mutu yana swanela. Joani ali alila habutu luli.

147 Mi Lingeloi la taha ku yena, ali, “Usike wa lila, Joani, kakuli Tau ya Lusika Juda i komile, mi U fumanwi kuli wa swanela.”

148 Mi Joani atalima kuli abone ngunyana . . . kamba kuli abone tau, mi ki sikamañi sa na fumanwi? Neli Ngunyana, mi neili

Ngunyana ye lota Mali, Ngunyana yene tabilwe. Lili? Haisamba lifasi litomwa.

<sup>149</sup> Ngunyana ya taha cwalo, ya zamaya kutaha ku Yana sweli Buka mwa libizo la Hae la silyo, mi ya amuhela Buka; ya kambama fa Lubona ni kuyo ina fateni. Kona cwalo. Neli mafelelezo (lili?) ona fani Maswayo ato patululwa. Fani la mafelelezo, zani kona kaufela zona za Na liuluzwi, nekusina sika . . .

Na tilo liulula.

<sup>150</sup> Muli, “Ki kabakalañi ha Na si ka liulula lilimo ze mashumi amane kwa mulaho? Lilimo ze likiti zepeli kwa mulaho?”

<sup>151</sup> Mwabona, mabizo a bona ainzi mwa Buka ya Bupilo, mwahala Buka yani. Mi Na tilo yema fa, kakuli neli mulelo wa Mulimu kuli aba liulule. Mabizo a bona na ñozwi mwa Buka ya Bupilo ya Ngunyana kusikaba kale mutomo wa lifasi. Ngunyana ne i beilwe fani, kuli ibulaiwe. Kiyе Ngunyana ya taha, imano bulaiwa, ya kuta hape ku to tisa milapelo.

<sup>152</sup> Mu I talime! Kukaba malikanyiso amañata hahulu, buñata bwa lika zeñwi kaufela, kono nekuna ni mutu yana ka piliswa, kakuli Yena . . . Keleke ne i lukisizwe isali kwa makalelo kuli ibe yesina litaba ni nyazo. Ikaba teñi. Mi Ngunyana ne i shwezi ona mulelo woo. Mi cwale libizo la mafelelezo mwa Buka yani hane li to piliswa, Ngunyana ya taha ku to nga Buka, “Kina Ya petile zeo!”

<sup>153</sup> Manhgeloi, li Kerubimi, Babahulu baba mashumi amabeli ni babane, Libatana, lika kaufela, za tubula mishukwe ya zona, za wa fapila Lubona, ni kubulela kuli, “Wa swanela!”

<sup>154</sup> Joani ali, “Lika kaufela mwa Lihalimu ni mwa lifasi za ni utwa hani huwa, ‘Amen,’ kuhuwa, ‘Haleluya,’ ni milumbeko ku Mulimu.” Muhuwo wa ya unzo pahama. Kiñi? Mabizo a bona nali mwa Buka yani, kuli a liululwe, mi Ngunyana ki yona yene a patuluzwi.

<sup>155</sup> Ngunyana ne i liuluzi, kono Na si ke kutaha konji pili libizo kaufela ha li patululwa, mi zani ne li ezahalezi mwatasa Liswayo la Busilezi, fani la Busupa lisika kwaluha kale. Mi yasina mulatu . . . Mi Ngunyana yatela sene I liuluzi. Ne itilo nga sene I liuluzwi. Yena kamita una ni zona, mwahala Buka ona ye, a I nga kuzwa mwa lizoho la Hae. Cwale Wa taha ku to amuhela sa Na liuluzi. Wani kona musebezi wa Hae. U ezize. U tilo u amuhela. Oh, haki—haki naki kwa bunde! U li pakile, Liswayo la Busupa ne li pakile cwalo. Ataha mi anga Buka ya Puliso!

<sup>156</sup> Mulemuhe, ne ilukela kuba Liñusa la lingeloi la busupa lene li lukela kupatulula la busupa, ona Maswayo Asupa. Sinulo 10:7, cwale, muka lemuhla cwalo. Mwabona?

<sup>157</sup> “Mi abona Lingeloi lene li shetumuka le, la hata liutu la lona fa likamba ni mwa liwate,” yani neli Krete, “yana nani

nambwamutalati fahalimwa toho ya Hae.” Mu Mulemuhe, muka Mu fumana mwa Sinulo 1, hape, “una ni nambwamutalati fahalimwa toho ya Hae; na talimwa inge licwe la jaspe ni la sardis,” ni zeñwi cwalo. Ki yani A taha, abeya lizoho lililiñwi . . . “Liutu lililiñwi fa likamba, leliñwi mwa mezi; ananula lizoho la Hae. Nana ni nambwamutalati fahalimwa toho ya Hae,” niteni. Bwani ki bulikani. Nali yena Lingeloi la Bulikani, ili yena Kreste; aezwa ya kusufalile nyana kufita Mangeloi, kuli a nyande. Ki yani A taha, “Mi ananulela mazoho a Hae kwa Lihalimu, mi a konka ka Yena yapila kamita ni mita,” yena Wa Kuyakuile, yena Ndate, Mulimu, “kuli nako haisana kuba teni,” mi se ha si to ezahala. I se ifelile. I felile. Kele ifela.

<sup>158</sup> Mi cwale Mañolo abulela kuli, “Mi ka—ka Liñusa la lingelo la lifasi la busupa,” yena numwana wa mwa lifasi, kwa Lusika lwa Keleke ya bu sebene mi lwa mafelelezo, “kwa makalelo a bulumiwa bwa hae,” haka kala kutaha mwa lifasi, ka nako yani, “kunutu ya Mulimu, ya Maswayo Asupa ao, ilukela ku zibahala ka nako yeo.” Cwale lubona fo luinzi. Kana ku cwalo, balikani, kana ku cwalo? Mulemuhe, kaufela za konahala.

<sup>159</sup> Kaufela bene ba liuluzwi mwa Buka, kona ba Na tezi ku to pilisa. Kaufela bene ba lukela kuliululwa nebali mwa Buka, bene ba leliwwe haisamba lifasi litomwa. Na tile ku to ba lilula kaufela Bona. Kaufela bona ba Na liuluzwi ne bañozwi mwahali mwani.

<sup>160</sup> Ni bata ku mi buza puzo cwale. Ni mina sicaba fa tepu, muteeleze ka tokomelo. Meto a sabisa maswe ani, sitoho se sisabisa sani, kana lani nelikaba libaka leo Liñusa le halibile le li lwanisa hahulu basali ba lusike lwa kacenu nji? Kana le likona kuba Liñusa la lingeloi la mafelelezo nji? Ki kabakalañi ha Na bulezi kwa nuka kwani, mwendi seli lilimo zetalu kwa mulaho? “Sina Joani mwa na lumezwi,” mwabona, “ku to zibahalisa kutaha kwapili kwa Kreste, Liñusa la hao lika zibahalisa Kutaha kwa bubeli.” Kupotoloha lifasi, mi ona seo kona se li ezize, kona kuli Kutaha kulukela kusutelela. Mutalime ze sweli kuezahala cwale.

<sup>161</sup> Kiñi? Ni ñwaile mwa toho. Ni alabanile fa musamo waka. Ni zamaile kutaha fa mubu. “Ki butata mañi bo uli ni bona?”

<sup>162</sup> Mazazi nyana kwa mulaho, Ne ni buzize baana bababeli bene Ni zamaya ni bona. Na buza Jack Moore nako yeñwi. Mi kaufela mina mwa mu ziba Muzwale Jack Moore. Ni ya ku yena mwa Shreveport. Se nili, “Muzwale Jack, ubile mulikani wa fakaufi hahulu ku be Ni bile ni bona mwa lifasi.” Mi Ni si ka mubuza kale, Ne ni buzize musala ka.

<sup>163</sup> Haiba mutu ufi kaufela wa ziba sika kaufela ka na, ze maswe zaka ni—ni zeñwi kaufela, ki musala ka, mwabona, ili mutu ya lateha. Mi se Nili ku yena zazi leliñwi, Se nili, “Mulatiwa, kakuba muuna hao, Na ni mukutazi wa Evangeli. Hani lati kutisa maswabisa afi kaufela ku Yo Ni lata. Batili. Hani lati ku

ku utwisa bumaswe. Hani tabela kutisa maswabisa ni amakana kaufela. Mulimu a hanise kuli Ni eze taba yeñwi iya ku ku utwisa bumaswe. Mi cwale kucwani he ka nto ifi kaufela ye ka filikanya Mulimu, ka mo Ni Mu latela! Wena u musala ka; Yena ki Mupulusi wa ka ni Mulimu. Ni bata ku kubuza puzo. Usike wa ni patela taba. Ni bulelela niti.” Se nili, “Kana Ni balile zeñata hahulu. . .”

164 Mi Ni komokile. Ni, Ni—Ni ya ikezeza lika, na sehisa, ni ya ipitezo. Na ziba cwalo. Mañi ni mañi na bulela kuli, “Ki mutu wa mufuta mañi!” Kihande, mwabona, haukoni ku ipupa ili wena. Uba mo uinezi, ka sishemo sa Mulimu.

165 Mi Na—Na—Na li, “Kikuli Ni latehezwi ki ngana yaka hanyinyani, mwa ziba, mi—mi ni ya lyangani cwalo?” Se nili, “Ki kabakalañi ha Ni nyazanga basali bani, kamita, kanti Na ba lata?”

166 Ba ni biza, kuli Ni ya “toile basali,” Na hani si ka ba toya. . . Fela ni “toile basali.” Mwabona? Ao ki mafosisa. Na ba lata basali, Ni talusa, kakuba likezeli zaka.

167 Hanina ku mi nata nata fa mukokoto, hani bona kuli mufosize. Na kona ku mi bulelela cwalo. Ni mi lata hahulu ka zeo. Baana babañwi baba ezanga cwalo, ki mufuta wa lilato le li shutana. Mwabona? Na mi lata kakuli Ni lata seo muli sona; wena u mutusi wa mwana mushimani wa Mulimu, mi u siemba sa hae. Mwabona? Mi Na—Na mi lata kakuli fela—fela ne mu bupilwe mwa sibupeho sa muuna, mi muuna na ezizwe mwa sibupeho sa Mulimu, kacwalo he, hamoho, mu ku Kreste. Kona ze Ni mi latela. Mukwa, usili fela, hauna siemba kwateni. Mulimu wa ziba cwalo, bupilo bwaka kaufela. Mwabona? Yeo ki niti. Na mi lata. Ki kabakalañi hane Ni ka yema ni ku tundamena. . .

168 Haba bulela kuli, “Mubulele basali kaufela, kuli, haiba bana ni kutaha ku to teezeza Muzwale Branham ha kutaza, ba kamune milili ya bona ka kushutana nyana. Ba apale kuwani kamba nto yeñwi cwalo, kakuli uka kala ku omana bakeñisa milili ye mikuswani, mi mane. . .Musike mwa ipeya mipende,” ni lika zeñwi cwalo. Zeo kona zene ba ezanga. “Kona za bulelanga hahulu ka zona!”

169 Yomuñwi akile abulela kuli, “Ki kabakalañi ha u. . .” Ali, “Sicaba sa ku lumela kuba mupolofita. Ki kabakalañi ha u sa luti basali bani mwa ku amuhelela limpo za moyo, ni lika ze cwalo, kufita kulika ku ba luta litaba ze cwalo?”

170 Se nili, “Haiba haba ituti ABC ya bona, ba ka ziba cwani algebra?” Mwabona? Babe hande, pili.

171 Mi haninze Ni kutaza katata, kona mo libela zemaswe ni kufita. Mi mu bulela kuli, “Kiñi ha u sa tuheli?” Batili, sha. Ku lukela kuba linzwi, paki yalukela kunyaza lika zeo.

172 Alimuñwi wa baana babatuna mwa bulumiwa kacenu, na ni beile mazoho ha ki kale hahulu, mi ali, “Ni ka ku lapelela, Muzwale Branham, haiba uka ni tuhela kuli ni eze cwalo, kuli Mulimu azuse lika zeo mwa pilu ya hao.” Ali, “Basiye basali bani ona cwalo, mwa lika zani.”

173 Se nili, Se nili, “Kana mwa lumela ku zeo, sha? Wena u mukutazi wa za kuluka.”

174 Mi ali, “Kaniti. Ha ni lumela ku zona, kono,” ali, “zeo—zeo li itingile ku . . .”

Se nili, “Batili.”

Yena ali, “Zeo li itingile kwa balisana.”

Se nili, “Ha ba ezi cwalo.”

175 Kuna ni ya lukela kueza sika. Nuka ilukela kusiliwa. Litalo lina ni ku buhiwa kwateni. Ha ni tabeli kueza cwalo. Mulimu uziba kuli ha Ni tabeli kueza cwalo. Buñata bwa basali bani bafepanga banake, mi bakona kuitoboha bupilo bwa bona bakeñisa na, ni bulele cwalo. Mu nahane cwalo, mi sishemo sa Mulimu si bonahalile ka Moya o Kenile, mu nahana kuli Ne ni ka yema ni kuzize ni kubona mutu ya shebile yani inza tiba mwa njetumuko kwani kwa Kuyakuile kusina sepo, haiba Ni sa huwelezi kulwanisa zeo?

176 Isiñi kuba mutu wa manyamenyame; kono moya wa naha ye, ki moya wa keleke, ha ki Moya wa Krete, cwale; ki moya wa keleke, wa kopano, kona o katalize basali bani kuba mwa busafa bwani kulo kwani. Mi Na ni linzwi fela, leli huweleza, “Muzwe ku zona. Musabe kwa masila ao.” Musike mwa lumeleza diabulosi kueza nto ye cwalo ku mina. Ku fosahalile!

177 Mi mina ba Assemblies of God, mutuhelela basali bao, ku ba tuhelela basali bao inge ba kuta milili ya bona, kono mwa ba hanisa kuipenta mipende. Kaniti luli hakuna Liñolo le li lwanisa mipende, kono liteni leli lwanisa kukuta milili. Mane musali yo ha swaneli nihaiba kulapela fapila Mulimu, kona mo i bulelela Bibe. Muuna hae una ni tukelo ya kumufa telekano ni ku mu siya. Kiniti. U iponahaza kwa lifasi kuba musali ya si ka kena. Bibe ibulezi ona cwalo. U shubula muuna hae luli ha eza cwalo. Ona cwalo kona luli se ibulezi Bibe. Mwabona?

178 Kihande, kono musali ya ipeya mipende, lu fumana musali yana ezize cwalo mwa Bibe, neli alimuñwi fela. Yani neli Jezabele. Yeni neli yena. Mutu wateni alinosi fela mwa Bibe yakile aipeya fateni mipende, neli Jezabele, mi kapili Mulimu a mufepa kwa—kwa linja za mwa mushitu. U fetuhile kuba maswabisa, mane nihaiba lika za hae zeñwi . . . Lika kaufela, lika kaufela zesina mayemo hande libizwa kuli Jezabele.

179 Ha mulukeli kueza cwalo. Ha mulukeli kueza zeo. Ki sikamañi se si mi ezisa cwalo cwale? Ki moya wa diabulosi.

180 Ha mu lemuha cwalo. Ni ziba kuli ha mu lemuhe. Mu—mu sicaba sesinde hahulu. Mu babande. Mwa ni lumelisanga mwa lizoho, mwa ambolanga nina.

181 Mi Na mi lata. Yeo ki niti. Kono haiba Ni bona, kana ha Ni koni kuba muipi . . . Paulusi naize, “Ha ni si ka mipatela za ku mizibisa Mulao kaufela wa Mulimu.” Mi kusike kwa yoba mali a musali ufi kaufela fahalimwa ka ka Lizazi, kamba nihaiba mali a muuna. Ni mi bulelezi Niti. Mi Ni toile ku ezanga cwalo; ha ki kutoya bakeñisa kuli ha Ni lati kueza sa ni bulelela Mulimu kuli ni eze, kono Na milata. Ha ni tabela ku mi utwisa bumaswe, konakuli ki sikamañi se Ni ka eza? Kono kukena, Lilato la Bumulimu lika mi konisa kueza cwalo.

182 Jesu mane akile alapela kupicuka sifapahano. “Kana kwa konahala kuli sinwelo se si fitelele?” Ali, “Konohe, isiñi ka tato ya Ka, ya Hao.”

183 Kana Ni mutu ya ka bulela cwalo? Kana Ni ka ba ni kunga basali babaipitezi babande luli ni lika zeñwi, ni kuba pazaula fela mwa liemba emba? Mi kana Ni ka ba ni kueza cwalo? Kana Ni ka nga muzwale baka ba bakutazi, ni kuyema fani ku ba bulelela kuli ba lata masheleñi ni—ni kopano hande kufita mo ba latela Mulimu? Na, kwa muzwale baka baba beile mazoho a bona . . . Oh, kana Ni lukela kueza cwalo? O Mulimu, usike wa ni tuhelela kueza cwalo.

184 Kono ha Ni sika mipatela ka za kumi zibisa Mulao kaufela. Ki Lilato la niti le li ni konisize kueza seo.

185 Kana kona libaka Liñusa le halibile ka nzila ye nji? Hakuna sibaka sisili hape mwa lifasi fo kubile cwalo. Ki kai ko siinezi kana? Ku lukile. Ba saba. Mwabona? Kono libile leli tokwile boi. Luli. Mulimu u cwalo kamita, mwabona. Ku lukile. Kana kona basali ha ba omanyiwa hahulu ka Liñusa le nji? Ka ku sa ziba, ne li si ka patululwa. Ne li bonisizwe kuna, kono ne li si ka taha kuna konji ka zazi leliñwi. Mwabona? Mutalime fani. Ku lukile. Luli la zamaelela ni bulumiwa.

186 Cwale mulibelele fa muzuzu. Kana kukile kwaba nako fo likile la bela lifasi la musali haisali? Eehe. Kuya ka litaba za kale, mwa mazazi a Elia, nekuna ni musali yana bizwa Jezabele. Mi na hatelezi buzamaisi bwa keleke ya Mulimu, bo Bibeke ibulela kuli uka eza cwalo mwa mazazi a mafelelezo; moya wa hae, kuya ka keleke, ki kopano. Mi ukaba lihule, mi likeleke kaufela hamoho ni yena bakaba mahule fela, inge fela yena mwainezi. Kana ku cwalo? [Kopano ili, “Amen.”—Mu.]

187 Sinulo 17, ibulezi kuli, “Musali yo ki lihule, mi ki yena MAHE WA MAHULE.” Zani halikoni kuba baana. Bani ki basali. Mwabona? Mi kaufela bona neba nepilwe, inge bapila, mwa Lisa la Mulilo, mi ba cela mwateni. Ki niti nji? Ki fohe cwale.

188 Mulemuhe, fani Jezabele yani hana tilo taha, nekuna ni muuna yana yemi kulwanisa zani. Mulimu atisa muuna. Mane haluzibi kuli na zwelela kai. Nasina simuluho ya bulumiwa bwa hae. Yena mane na si nahaiba muprisita kamba sikamañi kaufela. Mi sa taha, muuna muhulu ya pazauhile wa mushitu wa libizo la Elia, mi a yendeka silepe kwa mubisi wa kota, mi ne ba mutoile. Ha ki zeo fela, kono kopano ya habo kaufela ya mutoya.

189 Mi ka nako yeñwi a hupula kuli na yemi anosi. Ki hali, “Batili, Ni sa nani baba kuma fa sebene sauzande baba yemi hamoho ni wena.” Mwabona? Sani neli sona sikwata se si ketilwe sani, mwabona. Kamita sikwata seo sabanga teni. Ali, “Usike wa saba, Elia. Ni ziba unahana kuli u lelekilwe, bakeñisa kuli kopano iku lelekile kuzwa fahalimwa lilundu fani. Kono,” ali, “Ni sa nani baba kuma fa sebene sauzande baba lumela lika zeswana sina zo kutaza. Mwabona, Nina ni bona.”

190 Cwale kasamulaho wa lizazi le, Rome ya to hatelela, mi kwataha nako fo ne itilo bela lifasi la musali hape, mifuta ifi kaufela ya—ya basali, mone batezi mwa likuwani za bona ni lika zeñwi, mwabona. Mi Mulimu a zusa yomuñwi ni Moya o swana ku yena, ili Moya wa Elisha. Kana ku cwalo? Mi ki hali, “Silepe se si yendekilwe kwa mubisi wa kota.”

191 Mi nekuna ni musali nyana wa makatakata kwateni, yana nyezwi ku yena. . . yana siile muuna hae, anyalwa ku mulamu wa hae, Heroda. Herodiasi, mi naili muika wa—wa mipende mawa lizazi lani, na bina. Na lutile mwana hae wa musizana kubina. Nana ni mwana musizana, ka ndata he wa mutose, yena—yena ndatahe wa mutose; ka ndatahe, munyana hae wa muuna. Herodiasi! Yani neli yena mwana musizana wa—wa—wa musali. Mi a mu luta kubina, mi aba mibini ya mapunu luli wa niti, kuswana fela mahe. Mi a hupula kuli na ka nyalwa hane kamba haketalizoho, kueza sika kaufela sa na ka bata kueza.

192 Mi Heroda azwela kwande. Kaufela bona nebali Majuda, cwale muhupule. Nebali batu ba keleke. Kiha kutaha Heroda, ni keleke ya hae, ku to utwa mupolofita yoo, sicaba ne si lumela kuli nali mupolofita.

193 Ataha fela fapila meto abona bababeli, ni kubulela kuli, “Ha ki mulao kuli upile ni yena.” Mi sani sa mu filikanya! Mwabona?

194 Cwale, mutu fela na ka bulela kuli, “Ba lumela sha, bo Herodiasi muñaka? Lu tabile hahulu fa kuba ni mina mwa kopano yaluna kacenu.” Kono isiñi Joani.

195 Jesu naize, “Ki mañi ye muilo bona, hane muile kwande ku yo bona Joani? Kana muilo bona ya apezi hande inge muprisita? Batili, bani baba, tubetanga limbututu ni ku pumbeka bafu.” Mwabona? Ki hali, “Ki sikamañi se muilo bona? Ki liñungwa, lutaka lo lu zukuzwa ki liñungwa? Mi bali, “Taha kwanu, Joani. Luka ku lifa ka buñata haiba ukato lu kutaleza. Mi, luna, luna lu kopano yetuna?” Isiñi Joani. Batili, na si ka yo bona zani.

196 Ali, “Ki sikamañi se mu ilo bona, he, hane muilo kwa ku utwa ni kubona Joani, mupolofita nji?” Ki hali, “Mi Ni li, ku mina, u fitelela mupolofita! . . .mwakona ku li amuhela, yo ki yena yo bapolofita ba bulezi ka ka za kutaha kwa hae, ‘Ni ka luma numwana wa Ka fapila Ka, mi uka lukisa nzila ya Mulena.’” Nali numwana wa Bulikani. Mi ali, “Hakuna muuna, ya pepilwe ki musali, yomutuna sina yena mwa inezi.” Mwabona?

197 Wani kona mufuta wa muuna yo Mulimu uzuselize lizazi le, Elia, ki muuna wa mishitu. Joani, ki nto yeswana. Mwabona? Moya wa Elia noli ku Elisha. Mi ki Hali, ha ku taha lizazi la musali hape, Moya wani uka zuha hape, “Kutaha kwa Mulena kusika ezahala kale, fo lifasi ha li ka cisiwa, mi baba lukile ba ka zamaya fahalimwa mu—mu mufuse wa baba maswe, inge mufuse mwatasa mautu a bona.” U li sepisize, hape, mwa mazazi aa. Mulemuhe, ki Moya o Kenile ono sepisize zeo. Ki ku zamaelela kwa nako ye lupila ku yona.

198 Ku lukela kuba mutu ya ka zuha. Ya lukela kutaha, kakuli seo KISONA SA BULELA MULENA, Malaki kauhanyo ya 4. Sani kona ona cwalo luli sa na bulezi kuli ikaba sona sisupo, “Kusikaba kale kutaha kwa Lizazi le lituna le lisabisa la Mulena, Ni ka mi lumela Elia.” Mi ki sikamañi sa ka eza? “Uka fetula lipilu za bana kukutela kwa Tuto ya bashemi, kukutela kwa Bibebe,” kuzwa mwa shutano ya kopano, “ni kukutela kwa Bibebe, kukutela ku Mulimu.” Sani kona sa na ka eza. Mulemuhe mufuta wa nako kwa butuna yelupila ku yona.

199 Bapolofita bani neba omanyanya basali ba mazazi a bona, mi kaufela bona neba lifa ka bupilo bwa bona. Litaba za kale lipaka kuli yeñi ni yeñwi ya linako zani neli lifasi la musali, fani basali hane ba busa.

200 Mutalimele kacenu. Lukaba ni alimuñwi, Mueteleli wa naha, leliñwi la mazazi aa, kubonahala kuli zakona kuezahala ona fa cwale. Konohe, musali ki Mueteleli wa naha. Mwabona? Yena ki mayemo fela. Kwanu ha ki kale hahulu, ku yeñwi ya linaha, na lumbilwe hahulu ni lika zeñwi kuzwa kwa sicaba kaufela, kufitela Mueteleli wa naha, kasibili, ha naize, “Kina muuna hae.” Mueteleli wa naha ya United States, mwabona. U tomile mutala, basali ba li latelela, mwabona, kuswana fela inge Jezabele mwa na ezelize. Mu utwile kutazo yaka ka za *Bulapeli Bwa Jezabele*. Mwa ziba. Mwa ziba ka yona. Mwa bona fo luinzi cwale?

201 Mwa bona sene siezahalile kwanu, biki iliñwi kamba zepeli kwa mulaho, ona mwa muleneñi wo? Mukutazi wa ba Faith Lutheran na memile muprisita wa Katolika yaba Sacred Heart kuli ayo kutaza ku yena, mi a ya, mi mukutazi wa ba Faith Lutheran aya ku muprisita Katolika mi ayo mu kutaleza kwateni.



<sup>202</sup> Katengo ka Likeleke kulo kwani cwale, kaka sweli kukopanela kwa Rome. Liñolo le li potolohile le mulikanaka yomunde, David duPlessis; hane Ni inzi fani ni kulila ku yena ka zona, kwa Fourteen-Mile Creek, ha ki kale hahulu; kusina kulemuha a kenya keleke mwa Babilona, fo mañi ni mañi hana bulela kuli, “Oh, likeleke kaufela likaba fela iliñwi cwale.” Eehe, Na ziba cwalo, mwabona, ona cwalo fela ze ñozwi mwa buka yaka ya sipolofita ka 1933, zeo lika ezahala. Kiñi, kana ha mu lemuha kuli yani ki Satani yasweli kukopana hamoho nji? Bibebe ibulezi ona cwalo. Mi kasamulaho nyana fela, fa nako nyana fela, hane batilo ba alimuñwi, kona kuli swalisano ya likopano ifelile, mwabona. Yani kona yekaba nombolo ya sibatana sa mina, kulukile. Mwabona?

<sup>203</sup> Fela Hanina nako ya kuya ku zeo, kono, seli bukaufi luli ni twelufu. Mwabona, Ni bata kufeza taba ye kapili, muutwe taba ye. Ni beya fela Mañolo a mwateni ko mukona kubona ze konahala za fo lu inzi, mi kipeto luka kwala mwa mizuzu nyana fela ye likani.

<sup>204</sup> Cwale mulemuhe fela se si ezahalile. Ba—ba polofita neba omanya basali bani mwa mazazi ani mi ne ba bizwa kuli ne “batoile basali.” Yeo ki niti. Litaba za kale lipaka kuli neli cwalo.

<sup>205</sup> Cwale mulibelele fela fa muzuzu. Musweli kuñola Mañolo, mu lukela kuñola Timotea Wapili 5:6. Bibebe ibulezi kuli, “Musali yapila mwa—mwa munyaka.” Haikoni kuba minyaka ya Mulimu; kuli ibe cwalo, mwabona. “Musali yapila mwa munyaka wa lifasi u shwile inza pila.” Seo kona sa na bulezi mupolofita, Muhalalehi Paulusi, “Musali yapila mwa buino bwa lifasi u shwile inza pila.” Mi haiba uhana sishemo, wakona kusila museto wa kauhanyo ko kusina sibaka hape kwa kuzwelapili kasamulaho. Mi kipeto usa inezi kai cwale, ni meto a hae a pentilwe, milili ye kutilwe? Mi usa silile museto, kusina mukwa wa kukuta ka ona, mi ku lukela kuba bulumiwa bobuna ni kukutaziwa ku yena. Kono muhupule, ka nako yani, kuse kufelile. Ki peto. Ki kuzieleha fela.

<sup>206</sup> Kukaba bulumiwa bo buka bonisa lisupo ze komokisa zetuna, Joele na bulezi cwalo, kono hakuna kuba nako ya puluso. Ku kabe kufelile. Ngunyana se ingile Buka ya Yona, ni baba liuluzwi ba Hae se ba felile. Sina Jesu hana kutalize la pili mi a haniwa, mi ki ha yo zieza bani bene bali mwahali mwani, a yo kutaza ku bene bali mwa tolongo, bene ba si ka baka, hakusana nako ya puluso, ona bulumiwa bo buswana bwani bukaba ni kukuta hape. Kucwani haiba seo sikaba Kuhoha Kwabulalu? ku baba latehile Kuyakuile. Kucwani haiba ki yona? Ni sepa kuli ha ki yona. Kucwani haiba ki yona? Mu nahana fateni fa muzuzu fela cwale. Kucwani haiba nji ki yona? Mulimu wa hana. Nina ni bana. Mwabona? Kono awa ibonahala bukaufi hahulu fa.

207 Ki kabakalañi pono yani zene itezi inge Ni sa li mwanana? Ki kabakalañi ne ne Ni si ka nahana ka yona sapili? Ki kabakalañi pono yani hane itile mwa sibaka sani zazi lani, kuli, “Ki se fa”? Ki mwahala li-. . . mi—mioyo ye latehile. Mi Jesu a kutaza ku yona, kupaka, kono bona—bona ne ba si ka baka. Mi ka buñata bwa mo Ni kutaleza, kona mo ba bela. Hakuna kubaka. Hakuna sibaka sa zona.

208 Ngunyana nangile Buka ya Hae fani, Liswayo Labusupa hane lili fela bukafu ni ku kwaluha, Liswayo la Busilezi. Muhupule, Na patile Liswayo la Busupa ku luna. Na sakoni kuya. Mi Lingeloi hane liyemi, ka zazi ni zazi, inge libulela zateni, kono he Na si ke kueza cwalo ku zani. Ali, “Kuna ni kukuzi mwa Lihalimu.” Hakuna muti yana ziba. Neli Kutaha kwa Mulena.

“Oh,” mu li, “hakukoni kuba cwalo.” Ni sepa kuli ha ku cwalo.

209 Fela haluyeni fapili nyana fa. Nina ni zeñozwi kulo fa, mwabona. Ku lukile.

210 Muhupule, “Musali yapila mwa munyaka wa lifasi,” kwa lika za lifasi, ka kueza cwalo. Wakona kuya kwa keleke ni kueza inge muhalalehi, seo hasina sa kueza ni zona, mwabona, kono, “u shwile inza pila.”

211 Mutalimele likopano ze li mu ezelize. Ba muezize muswali wa Linzwi Lelikenile, ili lika zeshutana ni Bibe. Ba muezize kuba mukutazi. Zeo li hanisizwe mwa Mañolo. Mane ba muezize cwale kuba muzamaisi, muyemeli wa tolopo, mubusisi, lika kaufela za mwa naha, mane ni mubuleli mwa ndu ya Mulimu.

212 Mi, una ni mulatu wa sibi kaufela sesikile sa ezwa fateni, ki yena mukalisi wa zona. Kiniti. Cwale, Ha ni, Ha ni buleli kuya ka liswanelo. Una ni mulatu. Ki yena ya tiselize mbututu ufi yakile asepwa sibofu. Ki yena yatiselize kuli libita lifi kaufela li katiwe. Ki yena yatisize sibi, matuku, maswabi. Ambulasi haikoni kulila kwanda kuli ki musali ya li tisize. Hakuna bubulai bo bukona kueziwa, hakuna sibi, hakuna lifu, hakuna maswabi, hakuna manyando, kono ki musali yana li ezize. Mi ni Mulimu wa mu hanisa kuya kwa katala ku yo kutaza, kono niteni bona ba li eza. Likopano, mwabona ko li inezi?

213 Ki sibupiwa se silapelwa. Ka mo diabulosi asweli kubelekela! Kiñi, sicaba sa Bakatolika kona se si eza, basali, kuba balimu, baba lapela; yeo ki niti, Maria mulimu wa musali, ni zeñwi cwalo. Ni boni mwa Katengo ka ba Swalisano neba bulezi kuli ba ka lapelanga hanyinyani fela ku Jesu haiba nelika tusa Baipanguli kuli bakene mwateni. Mwabona? Mwabona? Oh, yani ki taba ye lungilwe shuka! “Ka kucinca,” kona mone ba bulelezi. Mwabona? Isali yena diabulosi wa kale ya swana. Bibe ibulezi kuli, “Mi aeza kuli kaufela bona ba amuhele

nombolo ya sibatana fa lifateho zabona, bene basina mabizo a bona kuñolwa mwa Buka ya Bupilo ya Ngunyana.”

214 Ki Keleke ye ketilwe yeo Ni ambola kuyona, isiñi bani ba kwande kwani. Batili, sha. Kuzwa mwahala likwata kaufela, U hohile mwateni baketwa ba Hae. Bani kona Ba tahela, mwa lusika lufi ni lufi kaufela.

215 Kono ki yani uyemi fani. Ki yani fani. Yani ki yena; ukutaza Linzwi wa swala Linzwi, ubile sibupeho se si lapelwa, mi ki yena yatisize sibi kaufela. Biblele ibulezi cwalo, “Ha ni lumelezi kuli musali a lute, kamba ku hatelela puso ifi kaufela, kono abe mwa kuutwela sina ni ona—ona mulao ha ubulela.” Mwabona? Mi hakoni kueza cwalo. Kono ba muezza kuba mubusisi wa naha, muyemeli wa yolopo, mubusisi; cwanoñu nyana fa ukaba Mueteleli wa naha. Luli. Ki fohé cwale. Yeo kona nzila yateni, yeo kona nzila yeteni mo izamaela, mwabona. Mi sicaba sieza cwalo kakuli habana taba kwa Linzwi le. Habana ku li bona.

216 Mutalimele Majuda bani babayemi kwani, baituti, baana babande. Mi Jesu na bulezi kuli, “Mina mu ba ndata mina, yena diabulosi.”

217 Kucwani hane Ni ka Mu tisa mwa muzeko cwale fapila mina? Halu likeni fela cwalo fa muzuzu, mi Mulimu ani swalele ka kunga siemba se si Mu lwanisa; kono fa nako nyana fela, kuli ni mi bonise nto yeñwi.

218 Kucwani hane mu kali, “Kihande, Na, kanya ku Mulimu, Ni bulezi ka malimi! Haleluya! Na ziba. Na, eehe, Ni—Ni nani Ona. Kufuyolwe Mulimu. Eehe!” Uh—huh, muezize zeo?

219 Muhupule sicaba sa Isilale sani. Biblele ibulezi kuli, kasamulaho Amano biza sicaba, ni kuba lamulela kuzwa mwa Egepita, Na ba bulaile kakuli ne ba si ka latelelea Liñusa. Mwabona? Neba cile manna yezwa kwa Lihalimu. Ba ca manna yana neliseza Mulimu fa lifasi kuli bace, ni kuyema fapila numwana, mi babona Siita sa Mulilo, mi bautwa Linzwi la Mulimu, mane ba libona ha lipakiwa. Mi cwale, kakuli neba bata kulumela Korah, “Kwakona kuba baana babakenile. Kwakona kuba *se, sani*, kamba *sesiñwi*. Lu lukela kuba babakenile, niluna. Lu lukela kueza *ze* kaufela. Sicaba kaufela si kenile.”

Mulimu ali, “Ikauhanye ili wena ku bona. Uzwe kulo fo.”

220 Mushe ali, “Kaufela babali kwa neku la Mulena, amutahe nina.” Yeo ki niti. Mwabona? Mi Sa kwalula fela lifasi mi la ba miza. Mwabona?

221 Nebali batu babande, nibona. Luli, neli babande. Nebali sicaba sesinde. Eeni, sha, kono sani ne si si kaeza lika. “Ha ki kaufela babali, ‘Mulena, Mulena,’ ki ki babaeza se si latwa Ki Ndate.” “Ha ki ya kalisa; kono ki ya yo feza.” Fo, hakuna nzila yepuma; uka nepelwa kwabuse bwa sikwenda kwa mafelelezo a

takano. Hakuna nzila yepuma. U lukela kutaha ona cwalo fela Mañolo mo abulelezi.

<sup>222</sup> Haiba I bulela kuli, “Mubake, mi mukolobezwe ka Libizo la Jesu Kreste, mi mu ka amuhela mpo ya Moya o Kenile,” hakuba nzila yepuma, kuswalana mwa mazoho, kuikopanya kwa keleke kamba kwa kopano. Mutaha ka Nzila yeo! Kwanda kuli ushwe kwa neku la hao, ni kupepwa ka Moya wa Mulimu, uya—uya—uya latehile. Ku felile. Hakuna nzila yepuma.

<sup>223</sup> Mu li, “Kihande, Ni wa siemba sa keleke.” Na ziba. Zeo ki zende. “Kihande, muzwale waka . . .” Ha ni kakanyi seo, kono yo ki wena ye Ni ambola ku yena. Mwabona? Muna ni kutaha ka Nzila yeo, kakuli hakuna nzila yepuma; muka lelekwa kwande a sikwenda kwani kwa Katulo. Mutaha ka Nzila iliñwi.

<sup>224</sup> Kuna ni fela Nzila iliñwi, mi Kreste ki yena Nzila yani. Mi Kreste ki Linzwi le lipila ku mina, ya paka sika kufela sa Na sepisize kuba mwa mwaha wateni. Mwabona? Kaa muutwile zeo? [Kopano ili, “Amen.”—Mu.] Ku lukile. Mulemuhe cwale.

<sup>225</sup> Babañwi bali, “Sicaba se ki sesinde.” Luli. Ha ni buleli ha ki batu babande. Ha ni buleli Muhalalehi Cecilia ni bani babañwi kaufela nebasali babande; kona mone ba bezi ni boma, kono luli ha Ni lapeli bona. Batili kutokwa. Kaniti, Ni boni batu babañata babande, kono ha ki libupiwa ze lapelwa. Ki basali, baana. “Kuna ni Muyemeli fela alimuñwi mwahala Mulimu ni mutu.”

<sup>226</sup> Konakuli kiñi, kiñi mutu, wa Pentekota, mutu wa lifasi . . . liñolo le li potoloha lani lona Muzwale wa luna duPlessis, muzwale yomunde yani, li potolohile. Mwendi babañwi ba mina muna ni lona. Kutoma . . . Eehe, muna ni lona. Mwa Katengo ka ba Swalisano, kwatuko ni popu, ni kubulela kuli, “Neli la moya luli.” Kwani ki kulemuha kwa moya, nji cwani? “Oh, Moya wa Mulena noli fani, ka moya luli.” Eehe. Ki fohe cwsle.

<sup>227</sup> Kiñi? Kakuli ki kolo ya kukopanya Baipanguli ni bani hamoho, ili ze lubile lu lwanisa ka myaha ye, ni Bibebe iliyemezi ni ku lu bulelela kuli za taha. Mi zaluna . . . alimuñwi wa baeteleli bataha mwateni, ali, “Yeo ki niti. Zeo kona ze luezize,” mi keleke kaufela ya Baipanguli iwezi ku zona.

<sup>228</sup> Mi ona cwalo fela, haiba mu talimela fahalimu fani, KISONA SA BULELA MULENA. Pili, ki Linzwi lene libelezi seo. Mi Moya wa Mulena wa bulela, ka silimo sa 1933, wo no bulezi lika zeñwi ze kaufela ka za linaha zeya kwa ndwa, ni mo mishini ikabela, ni lika zeñwi ze cwalo kaufela, wa bulela handende sene si ka ezahala kwa maungulo. Mi ki ze fa. Ha li si ka palelwa fateni. Mi fa lwa li bona ha litaha hape.

<sup>229</sup> Mwa hupula tuto yaka ka za *Bulapeli bwa Jezabele* ha ki kale hahulu? Mwa hupula Elisha ha shetumuka inza taha mwa mukwakwa kakusasana wani, ku to ba bulelela? Yene, Ni kutalize fateni. Mwabona? Ni mo ne Ni akalelize kuli nako ika

taha fo Katengo ka ba Swalisano haka ka fetuha nombolo ya sibatana, kakuli kaka swalisana ni sibatana. Kasweli kueza ona cwalo. Mwa lusike lwa ka, Ni pilile kuli ni libone. Mi kwanu Baipanguli, ka ma milioni, bawezi mwateni. Kiñi? Ona sani kona se ba bata.

<sup>230</sup> Ki libofu! Jesu na bulelezi Bafarisi bani kuli, “Mina baeteleli ba libofu muetelela libofu zeñwi. Haiba sibofu sietelela sibofu sesiñwi,” Na ize, “kikuli habana kuwela mwa musima kaufela bona?” Mi mwani kona mo ba wela. Kikuli Ni kona kulumela cwani kuli mutu ya na yemanga nina ni kubulela nina, akone kuina ni kufa pulelo yecwalo! Mwabona, “Li patilwe, kwa meto, ku ba babutali ni ba ngana, mi Li patululezwi kwa limbututu zekona kuituta.”

<sup>231</sup> Ni ziba kuli zazi leliñwi zeo li ka ni tiseleza mwa bupilo mane nihaiba kushwa. Yeo ki niti. Lika ni tiseleza, kono mwateni Niti isweli kuzibahala. Uh-huh.

Wapili kushwela mulelo wa Moya o Kenile wo,  
Neli Joani Mukolobezi, kono nasika picuka; a  
shwa sina mutu;  
Mi ki ha kutaha Mulena Jesu, ba Mu kokotela,  
Akutaza kuli Moya u pilise mutu kwa sibi.  
(Kana ki niti yeo?)

Mi kihaba pwacaula Setefani ka macwe, na  
kutalize kunyaza sibi,  
Aba filikanya hahulu, ba pyata toho ya hae;  
Kono a shwela mwa Moya, a pumehelwa ki  
moya wa hae,  
Mi ayo kopana ni babañwi, ili nyangela yefa  
bupilo.

Ki yani Pitrosi ni Paulusi, ni Joani musinuli,  
Ba file bupilo bwa bona kuli Evangeli ibenye;  
(Kisikamañi sene ba ezize?) Ba kopanya mali  
abona, hamoho ni bapolofita bakale,  
Ili kuli Linzwi la Mulimu li bulelwe ka niti.

Mioyo yeli mwatasa aletare, ne ilila, “Ku kanga  
nako yekuma kai?”  
Kuli Mulena afe koto baba fosize;  
Kono kukaba babañata baba kafa mali a  
bupilo bwa bona (eeni, yeo ki niti)  
Kakuli Evangeli ya Moya o Kenile ye Ki  
muunda o mufubelu.

<sup>232</sup> Isweli fela kulota mali ona cwalo! Eeni, ika eza cwalo zazi leliñwi, kono Ni libelezi hola yani ha se i felile.

<sup>233</sup> Kezeli yomuñwi nabile ni tolo. Na ni lumezi yona, ali, “Ni ba boni, keleke yani itomile nzila ya ku ni bulaya ka yona” na, ka kupata pata, nako yeñwi ha Ni tuluka mwa mota yaka, hani

kena mwahali, ni ka kunupiwa kwa . . . Kono ali, “Mi Moya wali, ‘Ha ki ka nako ye, kono ika taha kasamulaho.’” Uh-huh.

<sup>234</sup> Mulimu asike alumeleza kuli Ni keshebise fa sika kaufela. Hakuna se ni ziba kwanda Jesu Kreste mi ili Yena ya kokotezwi. Lu pila mwa lizazi le lisabisa. Sibi kona se si ezize cwalo. Eeni. Neba—neba pobauzi Setefano. Ba puma toho ya Joani, musali abulela. Hani zibi mo lu ka fela za luna, kono kukaba cwalo zazi leliñwi. Ku lukile, mulemuhe.

<sup>235</sup> Ku Muhalalehi Joani, haiba mubata Liñolo ku seo. Muhalalehi Joani 6:49, ki kone ba cile manna, mi Jesu ali, “Mi kaufela, bona, ba shwile.”

<sup>236</sup> Ali, “Kihande, ke—ke kezela ka, Ni—Ni boni musali yo ha binela mwa Moya.” Oh, eehe. Uh-huh. “Na mu bonanga haeza cwalo. Ni muboni ha bulela ka malimi. Ni mu boni . . .” Eehe.

<sup>237</sup> Jesu ali, “Babañata baka taha ku Na mwa lizazi lani, mi ba kali, ‘Ni ezize lika ze kaufela.’” Mwabona? “Neba cile manna mwa lihalaupa,” Jesu abulela, “mi kaufel, bona, ba kauhani Kuyakuile. Ba shwile.” Kwani ki kuiconga Kuyakuile. Neba yundezi ona mwa lihalaupa mwani.

<sup>238</sup> Mwa hupula Maheberu kauhanyo ya 6, “Bona baba boniselizwe kuziba Niti, mi ba hana kuzamaya ku Yona, hakusana kubaka ku bona bao.” Mwabona, mulumeli wa fahali- . . . Niti ha iboniswa ku mutu ka nako ya mafelelezo, mi uhana ku I amuhela; kuya ka Buka ya Maheberu, mwabona, u ka . . . hakuna nihaiba sika mwa lifasi se si kona ku mupilisa.

<sup>239</sup> Yo u yongile. Hakusana kubaka, hakusana kuliululwa, hakusana se sisiyezi sa hae. U kauhani Kuyakuile. Ki Bible yebulezi cwalo, “Uliblezi fela katulo ye sabisa ya ka bulaya sila.” Mi cwale Niti ya Evangeli ha se ipakilwe, ku bonahazwa handendende, mi kipeto a sikuluhe ni kuikela kusili asabe ku Yona, yo kipeto u i congile. Ku felile. Za sabisa, kono Ni na ni ku libulela.

<sup>240</sup> Muhupule Mangeloi ana si ka tiiseza mwa Bunduna bwa ona, kono azwile kwani kukena mwa ndu ya tolongo ye lififi yani, kona mo lifasi lizamaya kacenu ona mwa tolongo yeswana mwani, hakuna kubaka.

<sup>241</sup> Muhupule lilimo nyana kwa mulaho, Ne ni bulezi kuli, hane Ni zwa kwa Chicago, “Ikona kuba America ye ka li amuhela muno mwaha, kamba haina ku si amuhela ni hanyinyani.” Mwabona ko saile? Eehe.

<sup>242</sup> Cwale Ha ni zibi haiba Kuhoha kwa Bulalu kwakona kuba ona taba ye? O Mulimu, halibe kwahule ni zeo! Kana zeo kona Kuhoha kwa Bulalu zekubezi teñi? Kana seo sakona kuba sona? Oh, mawi! Munahane ka zona, balikani. Munahane ka zona; Ha ni lati kunahana cwalo.

243 Jesu naize, “Mufuta wa buipi bobu cwana wo...” Haiba mubata kuñola seo, Mateu 23, -sebene. Ni—Ni nani fa kuli, “bala seo,” kono mwakona kubona. “Mina Bafarisi ba libofu!” Mutuhele...

244 Kana muna ni mizuzu nyana yesiezi cwalo? [Kopano ili, “Amen.”—Mu.] Halu boneñi. Halu apuleni fela ku yona, kakuli Ni bulezi kuli “aku bale.” Nekuna ni sesiñwi mwani seo Ni bata kubala fela... Cwale Ni ka puma sika mwateni, kono mutuhele—mutuhele lunge se fa muzuzu. Mateu 23, fa muzuzu fela, ku lukile, mi luka kalela fa timana ya 27. Amu teezeze fela cwale. Mu yo bala taba kaufela hamukaya kwa malapa, haiba muka tabela. Ka mizuzu nyana fela ye likani.

245 Cwale amu talimela fa. Mateu 23, ni kukalela fa timana ya 27, “Bumai ki bwa mina, bañoli!” Cwale, muhupule, ba ki baana ba ba Kenile Ba sweli kubulela kubona.

*Bumai ki bwa mina, bañoli ni mina Bafarisi, baipi! kakuli mina muswana sina mabita a kabisizwe ka busweu (bani ki batu baba shwile, mwabona), mabita a kabisizwe ka busweu, ao kaniti a bonahala bunde kwande, kono mwahali atezi masapo a batu baba shwile, ni zemasila kaufela.*

246 Buipi ni muna ni lindwa, mwahala bona; haili kwande, “Kina Dokota Wakuli-ni-kuli.”

*Mane ni mina mubonahala kwa sicaba kuli mu lukile kwande, (mutalimele kwa Katengo ka ba Swalisano ni Mapentekota baba inzi kwani), kono mwahala mina mu tezi buipi ni bumaswe.*

247 Bumawe ki sikamañi? Sika so ziba kuli silukile kono ha u si ezi. Jesu, cwale mutalimele sa Na... lusika lwa Na toma seo cwale.

*Bumai ki bwa mina, bañoli ni Bafarisi, baipi! kakuli muyaha mabita a bapolofita, ni ku kabisa mabita a ba balukile, ... (Mwabona, “Oh, bapolofita!”)*

*Mi muli, Kambe neluka pila mwa mazazi a bashemi ba luna ani, nelusike lwa ikabela mwa kusulula mali a bapolofita.*

248 “Ne luka lumela Linzwi la Mulena haiba ne luka pila kwa mulaho kwani.” Mutalimele.

*Ki fo he mube lipaki za mina bañi, kuli mu bana ba bene ba bulaile bapolofita bani.*

*Hamu talezeze he sikala sa bashemi ba mina.*

249 Ona seo kona se si sweli kunga sibaka. Cwale mutokomele Sa bulela fa.

*Mina limoha, ni lusika lwa libili, mukona kupicuka cwani sinyeho ya lihele?*

<sup>250</sup> Mukona kubaleha cwani? Cwale Ubulela kwa bakutazi, mwabona, yeo ki niti, baana baba kenile. Mukona cwani kuyena inze muziba kuli Biblele itatulula ni ku bulelela sicaba kuli sisike sa eza cwalo, kono mina mu yema ni ku keshebisa ka lisheha, ma dollar a nuka, kwa ku zibahala hahulu, mi mutu yomuñwi ami nate nate fa mukokoto ni ku mi biza kuli “Dokota”? Mukona kubulela cwani kuli mwa lata batu bani?

Na kutaza ni fa matepu, hape. Mwabona?

<sup>251</sup> Mukona cwani, mukona kubulela cwani kuli mulata batu bani, ni kutuhela nto ye cwalo ku ezahala? Mwabona? Mina—mina Bafarisi, mina libofu, mina linoha, mina lusika lwa libili, muka picuka cwani sinyeho ya lihele? Ha mu. . . Kana mutu ukona cwani kacenu, ya ziba kuli lika ze li fosahalile, kono uyema fani ni kubuluka kopano ya hae, kueza kopano ya hae kuli ihule, kono apalelwe kubulelela basali ni baana? Muka baleha cwani kwa buhali bwa lihele, kanti ne li lukiselizwe mina? Kana muka eza cwani zeo? Mwabona?

<sup>252</sup> Muteezeze, muteele kwanu. Si kaba sikamañi? “Kabakaleo. . .” timana ya 34.

. . . *amubone, Ni ka mi lumela bapolofita, . . .*

<sup>253</sup> “Ni ka,” kwa pata. Ki bani Bafarisi ba mina ba kuta hape. Mwabona?

. . . *baana baba butali, . . .* bañoli: *mi babañwi ba bona mu ba bulaile ni ku ba kokotela; mi babañwi ba bona mu ka ba shapa mwa masinagoge a mina, mi muka ba nyandisa kuzwa mwa muleneñi o kukena ku omuñwi:*

<sup>254</sup> Na bulezi kuli Uka ba lumela bapolofita, ni Linzwi la Mulena. Mi ki sikamañi se ba ka eza? Ki yona taba yeswana yeswana yene ba ezize bashemi ba bona, kakuli sani kona se muli sona. Mwabona, mioya ha ishwi. Batu baba taselizwe ka yona ba shwanga, kono mioya yona ha ishwangi. Na ize, “Mina mu bana. Ki wena.” Mi mulemuhe fela lika ze mo liinezi.

<sup>255</sup> Kuli mane Muhalalehi Paulusi hana yemi fani (mwa lumela kuli nali mupolofita?) ni kunyaza basali, ka kukuta milili ya bona; ba nyaza likopano za bona; nea zibisize kuli mutu kaufela yana si ka kolobezwa ka Libizo la Jesu Kreste nebalukela kutaha ku to kolobezwa sinca hape. Yeo ki niti.

<sup>256</sup> Mi kacenu ba keshebisa ni ku libisa munati. Ha ba zibi shutano, niteni. Ki makeke. Haiba nako ifelile, Na kona kubulela cwana, mwabona: nebali libofu, neba lukiselizwe kuba libofu. Mulimu abe ni makeke. Neba sakoni kulibona.

<sup>257</sup> Jesu naize, “Mu libofu. Mina bañoli ni Bafarisi, mina baiipi! ha mu bala Linzwi leliswana ni lene ba bala kaufela bona, kono fa mwa taha mi mwa Ni nyaza. Kanti Ni ya zamaelela hande ni se li bulezi Linzwi kuli kona se si ka zibahazwa mwa lizazi le. Ne ni lukela kuba Numwana wa lizazi le. Kina Mesia,” Ki hali,



ka manzwi amañata hahulu. “Kina Mesia. Kana Ni palezwi ku bonisa zeo? Haiba Hani si ka eza sene si ñozwi ka Na, kona kuli mu Ni nyaze. Mi mina Bafarisi ba libofu mu zamaisa sicaba sa mina mwa lika ze cwalo, mane muluma sikwata seo kaufela.” Muli, “Kihande, sibofu si zamaisa sibofu sesiñwi.” Muli, “Mina mu . . .”

258 Mu li, “Oh, kambe ne luka pila kwa mulaho mwa linako za Muhalalehi Paulusi, eehe, Ne nika yema kwa neku la Muhalalehi Paulusi.”

259 Mina baipei! Mwabona? Kiñi ha mu sa ikungeli siemba ni Tuto ye? Nemuka eza nto yeswana nako yani kufita ze mueza nako ye, kakuli mina mu bana ba ndata mina, bashemi ba mina ba kopano: Bafarisi, Basaduki, ni kuluka kwa kuikeza. Sani—sani ki sona. Uh-huh. Na mi bulelela, ni—ni kwa hola yelupila ku yona, hani zibi haiba nto ye kona Kuhoha kwa Bulalu? Fa muzuzu fela cwale, mwabona, Jesu naize, “Mufuta wo u amuhela sinyeho yetuna.” Mwabona? Kana ha ki nto yemaswe nji?

260 Sina mu American yomutuna, nako yeñwi, sila hana bata ku amuha naha ye, kuna ni muuna mwa nako ya busihu, yana tulezi fa pelesa ni kuya mwa nzila, inza huwa, “Sila sa taha!” Yani neli Paul Revere.

261 Na ni mu American, nina. Mi Ni pahami, ka hola ya mwa busihu ye, ha ni buleli kuli sila ki yo wataha, konon ki yo fa! Ha ki ya sa taha; usa fitile kale! U komile kale. Ni ziba hande kufelile; kukoma, yona hola ya busihu ye.

262 Muhupule, kwa Tucson, Mangeloi a supa, seo Liñusa nelili sona, “Kufeleleza kwa kunutu ya Mulimu.” Kapili kasamulaho wa sani, kutaha mwa lika zeñata . . .

263 Mina kaufela ne muutwile ka za malundu. Mulemuhe. Muzwale Fred una ni siswaniso sa yona, ni Muzwale Tom. Mi Nina ni na ni maswaniso amañwi, mafilimu nyana, lika kaufela. Luka li bonisa kwanu zazi leliñwi, ku mibonisa fela fo ne li inezi. Mina kaufela mwa ziba likande lateni.

264 Mutalime, litaba zetuna zetalu. Na bulezi kuli, “Ki yani yamina ya Pili, Yabubeli, ni Yabulalu.”

265 Mi Muzwale Fred una ni siswaniso se si swanela sa yona, yena ni Kezeli Martha hane ba sweli kufita. Malu na nahuhile kuzwa mwa mbundu ya fafasi, mi na patile kaufela zeñwi za ona, mi neli kubonisa fela Kuhoha Kokulalu; ulimuñwi *fa*, ulimuñwi *fa*, ni ulimuñwi *fani*. Mwabona? Ze sebene!

266 Mutalime, za Pili, zetalu. Bulalu ki kupetahala. Fani kona fo ne bu zamaezi bulumiwa.

267 Kuhoha kwa Bubeli neli kulemuha kwa mioya, ili sipolofita. (Pili neli foliso ya bakuli.) Ya Bubeli neli sipolofita sene si utwahalile, mi ya ziba likunutu za minahano, fani Linzwi Kasibili ha li to bonahala. Ili, sishemo seo.

268 Kono, muhupule, sa busebene ki sa mafelelezo. Kana ye ikona kuba Muhohelo wa mafelelezo, kikuli ku felile? Kana ikona kuba yona? Munahane fateni cwale. Munahane fela. Mu inzi kai kana? Mwabona? Sebene kamita kona mafelelezo. Kuhoha Kokulalu!

269 Bulumiwa bwa Jesu nebuna ni Kuhoha Kokulalu. Kana mwa ziba cwalo? Mulemuhe! Mi mube baba sepahala, haiba mukile mwaba mwa bupilo bwa mina, cwale fa muzuzu fela, mizuzu nyana.

270 Kuhoha kwa Hae kwa Pili neli kufolisa bakuli. Aba mutu yana zibahala hahulu. Mutu kaufela na Mu lumela, mone ku bonahalela. Kana ku cwalo? Ha Na ile inza folisa bakuli, mañi ni mañi ba Mu bata mwa keleke ya hae.

271 Kono zazi leliñwi A sikuluha ni kukala ku polofita, kakuli Nali yena Linzwi, mi Nali yena Mupolofita yana bulezwi ki Mushe. Mi ha Na ba bulelela, ni kuba tolokela mo ne ba pilela, ni lika zene basweli kueza, Afetuha ya na sina libubo. Kwani neli Kuhoha kwa Hae kwa Bubeli.

272 Hani zibi haiba ha li si ka kutela kuswana hape? Munahane fela fa muzuzu. Kana ikona kuba cwalo? Ya Pili, foliso, mañi ni mañi. Ya Bubeli: “Oh, ikona kuba Jesu Fela. Ikona kuba Baalezebubi, ikona kuba . . .” Ki sona sika sesi swana sene ba ezize ni kwani. Mwabona? Mioya yeswana yepila mwahala sicaba se si swana, sicaba sesi nyazizwe se si sa koni nihaiba kupiliswa, kakuli ne ba nyazizwe kale; bona, sina Judasi Isikariota, hana pepilwe ali mwana wa sinyeho.

Mu li, “Judasi?” Luli.

273 Muhupule, nali wa bulapeli hahulu, kono na palezwi kuzwelepili mwa musipili kaufela ni Liñusa. Na lwezi fela siemba sa lona, kono ze siyezi za lona na si ka li pakata. Bakona kuamuhela foliso ni lika zecwalo, kono cwale ha li taha ku za Mulimu ha bulela tumale kuli tuiponahaze, kona kuli zeo seli ze tungile hahulu ku bona. “Halikoni kuba!” Yani neli Judasi. Moya wa hae wakona kupila kufita fa sibaka sani. Hakoni kuya fapata kufitelela fani. Mwabona?

274 Neba konile kuya ni Mushe handendende hana kwaluzi Liwate Lelifubelu, ni lika zeñwi ze cwalo. Kono cwale ha litaha kushetumuka ku za kubulela, nebasi ka kona, kaufela babañwi ba bona ne ba sa ezi se kamba *sani*, kamba *sesiñwi*: “U ikeza iliyena kuba Mulimu, fahalimwa luna.” Mwabona, neba sa koni kuya kufita fani, Korah ni bona. Kacwalo, nebana ni kuba ni kopano, kacwalo Mulimu aba miza fela.

275 Bulumiwa bwa Jesu, ha Na folisa bakuli, “Nali yomunde, yena Mupolofita yomunyinyani wani wa kwa Galilea! Kiñi, u tonisa meto a libofu. Mane usweli wa zusa ni bafu. Luna ni babalalu mwa litaba zeo. Mane u zusize bafu.”

276 Kono zazi leliñwi A fetuha, mi Ali, “Mina lusike lwa libili. Mu kenisa mukeke kwande. Mu bonahala kuba baba kenile, kono mwahali ku mina, hakuna semuli sona kwanda sishañata sa linoha.” Oh, bupolofita bwani ha bu to fiwa, ili kunyaza kopano yani, se ku cinca. Ba Mu kwenuhela. Yeo ki niti. Mi mafelelezo, ka ku Mu hana, ba Mu kokotela.

277 Kono hamukoni kubulaya Bulumiwa. Bu ka zwelapili kupila. Mwakona ku lobaza mulumiwa, kono hamukoni ku beya Liñusa. Uh-huh. Kulukile. Yena napilile kuzwelapili. Mi mulemuhe Kuhoha kwa Bulalu kwa bulumiwa bwa Hae hane kutile. Sa Pili neli foliso ya bakuli.

278 Sa Bubeli neli kalimelo ya likopano, ni kupolofita; sene ba ezize, sene bali sona, ni sene si taha. Sesili sona, sesili sona, sika taha; ni sene sili teñi, sesili sona, ni sesi ka taha. Ki sona Sa ezize. Kana ku cwalo? [Kopano ili, “Amen.”—Mu.]

279 Kono Kuhoha kwa Hae kwa Bulalu neli ha Na kutalize ku baba latehile bene ba sa koni kupiliswa ni hanyinyani. Nebali mwatasi kwani kone kuna ni meto amatuna, a pentilwe ani, “Ooh, ooh!” Ayo kutaza kwa mioyo mwa lihele, yene si ka amuhela sishemo, kono ne ikauhani Kuyakuile kuzwa Fapila Mulimu. Kono niteni neba i lemuhile, sa Nali sona, kakuli Mulimu na Mu ezize kuya teñi.

280 Hani zibi haiba bulumiwa bwa Hae bu sa pahama kwande mwa mazazi a maungulo, sina mone kubelanga? “Sina Ndate ha Ni lumile, nina Ni mi luma cwalo. Misebezi ye Ni eza muka ieza ni mina.”

281 Kulateha, bene ba si ka piliswa. Neba hanile sishemo. Kwani neli kona Kuhoha kwa Hae kwa Bulalu.

282 Cwale kana kuna ni puzo hape? Kuhoha kwa Hae kwa Pili, Na folisa bakuli. Kana ki niti yeo? [Kopano ili, “Amen.”—Mu.] Bulumiwa bwa Hae bwa Bubeli, Na polofita. Bulumiwa bwa Hae bwa Bulalu a yo kutaza ku baba latehile Kuyakuile. Malundu amalalu, ni zeñwi cwalo; baba latehile, Kutakuile!

283 Bulumiwa bwa Nuwe, bulumiwa bufi kaufela, buezize zeswana. Nuwe na kutalize. Yeo luli ki niti. Akena mwa areka. Mi hana keni mwa areka, nekuna ni mazazi a sebene fo ne kusina sene si ezahala. Bupaki bwa hae ne bu kutalizwe ku baba shwa.

284 Sodomu ni Gomora! Jesu na swanisize ku zona zepeli ka kutaha. “Kusikaba kale kutaha kwa Mwana mutu, kona mo kuka bela sina mazazi a Nuwe, kona mo kuka bela sina mwa mazazi a Sodomu.” Na swanisize kuk Nuwe.

285 Nuwe nana ni Kuhoha Kokulalu, mi kwa Bulalu kwa hae neli ku baba latehile kasumulaho sikwalo simano kwaliwa. Kakuli, Mulimu na si tuhezi sali kuina ona fani, kone kusina mutu yakena kamba kuzwela kwande. Nebali mwahali. Kakuli, (kakuba fa lilundu la bu sebene) lilundu le litelele hahulu

kufitisisa, fani kona fa Na ilo yendeka areka, fa lilundu. Mwabona? Ki niti yeo?

<sup>286</sup> Mwa mazazi a Sodoma, Kuhoha kwa Pili neli Lota ya lukile. Mi Bibebe ibulezi kuli, “Sibi sa Sodoma ne si kataza moyo wa hae o lukile ka mazazi kaufela,” mone ba ikezeza basali bani ni zene ba eza.

<sup>287</sup> Mwa hupula, “Sina mone kuinezi mwa mazazi a Nuwe.” Nebasweli kueza sikamañi? “Kuca, kunwa, kunyala, ku nyalisa.” Basali, mwabona, basali. Neli sikamañi mwa mazazi a—Sodoma? Basali.

<sup>288</sup> Mi liñusa la Pili neli Lota. Neba museha ni ku mubona bukuba.

<sup>289</sup> Mi ki ha se ba luma linumwana zeñwi, neli zepeli, mi za shetumukela kwateni. Kwani neli Kuhoha kwa Hae kwa Bubeli ku Lota . . . ku Sodoma.

<sup>290</sup> Kono mutalimele Yani yana tiloya la mafelelezo, nekuna ni sishemo ni sishemo ka buñata. Ne se ku felile kale ka nako yani, kufelelela ka nako iliñwi. Yena Numwana wa bulalu yani yana ile teni kwani, Kuhoha kwa Bulalu, Nali yacwani yani? Ki bulumiwa bwa mufuta mañi bwa Na bile ni bona? Na ilo ina ni baketwa, ni kuba bulelela sene si ezahala kwa mulaho wa Hae. Ki niti yeo? Kono ha Na ilo hata mwa Babilona, kamba mwa Sodoma, na bata kufumana . . .

<sup>291</sup> Nihaiba Abrahamama, hana lila, “Nali haina Nikona kufumana baba lukile baba mashumi aketalizoho?” Kutaha cwalo inza shetumuka kufita fa “lishumi baba lukile?”

Mulimu ali, “Eeni, ufumane baba lishumi baba lukile.”

<sup>292</sup> Tuhela ni ku bulelela nto yeñwi, kezeli, fa muzuzu fela. Wakona kuba ya sialezi wa kale, kono una ni sesiñwi seo basina sona basali ba macanci baa. Una ni sika sa sakoni kuba ni sona. Luli. Wakona kuba ya sialezi mwa mutinelo wa hao, utine sina kalibe. Bakona kubulela kuli, “Amutalimele mupikuluhi ya kenile wa kale yani.” Usike wa bilaela. Una ni sesiñwi seo licanci lani la kale, yana ni lifasi kaufela leli sweli ku mu talimela kwande kwani, hana zona. Ki mo ashwela kuba ni sona. U latehile, Kuyakuile. U yongile. Mwabona? Ali kuba. . . Una ni buiswalo; una ni mata. Yena hakuna sa nani sona. Una ni silaha se si swasa mioya ye latehile mwa lihele. Sibofu kona se si kena mwateni. Cwale, una ni sesiñwi.

<sup>293</sup> Mwa ziba, hakulata ni mwa buka ya keleke hauyo ni mwateni, kono ikona kuba kuluka kwa hao ko ku sweli buhali bwa Mulimu ku sa suluhela mwa lifasi kacenu. Lifasi halina kulumela cwalo. Wena musali yabizwa kuli mupikuluhi ya kenile, wena muuna yomunyinyani ya sina sa ziba, kono ulilela ku Mulimu, musihali ni busihu, bakeñisa libi za naha, hakulata ki wena yasweli buhali. “Haiba Nikona kufumana baba lishumi,

Ni ka ba pilisa. Haiba Ni fumana baba lishumi!” “Sina mone kuinezi mwa mazazi a Sodoma, kona mo kuka bela.” Mwabona se Ni talusa?

<sup>294</sup> Isiñi, “Haiba Nikona kufumana ba Methodist baba lishumi, haiba Nikona kufumana ba Baptist baba lishumi, haiba Nikona kufumana ba Pentekota baba lishumi, haiba Nikona kufumana bamati baba lishumi, haiba Nikona kufumana bayemeli ba tolopo baba lishumi, haiba Nikona kufumana ba okameli baba lishumi.”

<sup>295</sup> Kono, “Haiba Nikona kufumana baba lishumi baba lukile!” Kuna ni alimuñwi ya lukile, yani ki Kreste. Kreste upila ku Alimuñwi, ni alimuñwi wa baba lishumi bani, mwabona, “Ni ka ba pilisa.”

<sup>296</sup> Kono Mulumiwa wa mafelelezo yani na kutalize ku baba shwa. Mu li. . . Na ile teni kwani. Mañolo ha buleli sene si ezahalile, kono mulilo no wile habusa lelitatama, ona fani fela, kasamulaho Amano eza lisupo zani, kapili kasamulaho Amano eza bulumiwa bwa bupolofita bwa Hae. “Ki kabakalañi Sarah a sehile?”

Mi ali, “Ha ni si ka seha.”

Ali, “Eehe, u sehile.” Mwabona?

<sup>297</sup> Cwale, kapili kasamulaho wa sani, Akena mwa Babilona, kamba ku kena mwa Sodoma. Na si ka ba fumana, kacwalo mulilo wa wa. A fumana Lota ni bana ba hae ba basizana bababeli, ali, “Amuzwe mo ona fa.” Mwabona? Se ba zwa. Ki ha shetumukela kulo kwani. Muhupule, Nali mwa musipili wa kuyainza shetumuka. A luma linumwana fapila Hae, kono Aya kushetumuka yena Kasibili, luli, ku yo fumana kuli taba ye neili ona cwalo. Mi A fumana kuli ne uktezi sikamañi? Basali ba lifateho ze pentilwe. Liñusa la kubaba shwa. Ki sikamañi sene ba ezize? Ba li seha.

<sup>298</sup> Ki sikamañi se ba eza kacenu? Ki nto yeswana. “Ni wa ba Assemblies. Ni wa ba Oneness. Ni—Ni. . . Ni binezi mwa Moya. Kanya ku Mulum, Ni bulela mwa. . .” Ku lukile, zwelapili cwalo. “Ni ka kuta milili yaka haiba Na lata. Ni ka eza se. Nika—Nika bulela fela se. Hani lukeli ku kolobezwa ka Libizo la Jesu. Ha—Ha nina taba ka ze bulezwi. Paulusi mutoi wa basali wa kale, niteni. Sani ki. . .” Ku lukile, zwelapili cwalo.

<sup>299</sup> Leliñwi la mazazi aa, haiba ha u sikaba kale, uka sila mululwani wani. Hauna kutbela kueza ze lukile ni hanyinyani. Kana mu utwile ze Ni bulezi? Ki yona taba. Muzwale, kezeli, kana u utwile se si bulezwi? Uka sila mululwani wani, mi hauna ku tabela kueza cwalo. U kana uutwa Evangeli, luli, kono hauna ku I amuhela. Ha ukoni ku I amuhela. Kono Evangeli ika kutazwa ku baba latehile, bani baba latehile Kuyakuile, baba sakoni ku piliswa, ni hanyinyani. Wena u so keni kale mwa

sikwenda seo, kono ha uzibi. Unahana kuli u pila mwa munyaka, kanti ushwile inge upila.

<sup>300</sup> Oh, muteeleze. Kaufela bona bene ba hanile Liñusa la hola, kusika ba kale sinyeho, Evangeli ne ikutalizwe ku baba latehile, pili, ba si ka zwa kale; kusina sishemo. Nuwe, a kwala, neli bupaki. Mulimu akwala sikwalo, kasamulaho wa Kuhoha kwa Bulalu kwa hae. Kasamulaho wa Kuhoha kwa Bulalu kwa Sodoma, minyako ya kwalwa. Nekusina sishemo ni hanyinyani. Ba ba lishumi ne ba si ka fumanwa. Mi baba latehile baba ni Evangeli kukutazwa, bene ba si ka piliswa, kauli neli fela. . . Kubile ona cwalo mwa masika kaufela, lusike lufi kaufela lone lu hanile Liñusa kusika taha kale katulo.

<sup>301</sup> Kikuli ba ezize cwalo hape? Kana sani si bonahalile mwa Siita sa Mulilo kwanu kwa nuka? Kana sa bonahala ka kuzamaelela ni Liñusa ka za kupumaka basali, ni kunepela libaka ko si lukela kubela, ni ku omanyana babuleli bani babanga siemba ni likopano mwa sibaka sa kuina ni Linzwi? Kanti, Mulimu u patalalize fo kusweu kuli ki Yena, mi isi mubotana wa sitimbi ya si ka ituta yaswana sina mutu. Ki Mulimu! Mi kana lu fitile fa sibaka kuli Kuhoha kwa Bulalu ku ka kutela hape kubaba latehile, Kuyakuile?

<sup>302</sup> Kana sani kona sene ini file pono yani nji, hane ni sali fela mushimani yomunyinyani kwani? Mi Ni ile kwa Wiko, mi kuna ni Sifapahano sa Evangeli sesi benya kwateni, se si pakile sisupo sa Lihalimu, ona cwalo fela. Muhupule, Sifapahano ne si bonahalela fahule nyana, inge mu—inge mu mundandwe opahami, hape, o yahilwe. Mwabona? Kana ikona kuba kuli ki siemba sa toho ko ifelela nji, ni kukalela *fa* kutaha ipahama ku to fita kwa toho ya yona?

<sup>303</sup> Inge mundandwe o pahami, mo ne utela ka Luther, Wesley, Pentekota, mi kona kutaha kukwahela kwa licwe. Kana sikona kuba seo nji? Haiba seo ki sona, konakuli lu kai? Ki, se sakona kuba sona. Ni sepa kuli ha ki sona, kono si lukela kuba sona. Si ka ba sona. Muhupule fela, bakutazi bani bana ni kuba cwalo, za lumelelana kamita ka kuswana fela, ni yeñwi ona cwalo. Si na ni kutaha. Mi Mulimu ha cinci. Munahane fateni!

<sup>304</sup> Mulume lizwalo la mina ka meeno amina a moya, mi mufumane kuli luinzi kai. Kucwani haiba ki cona, mi wena usali ona cwalo mo u inezi? Konakuli kihande ukale fela kuzamaya. . . U felile, bani babali kwande. Kasamulaho Buka imano ngiwa ki Ngunyana, Liswayo la Busilezi li patuluzwi mi Maswayo, kaufela afelile. Kwa kona kuba cwalo. Ni sepa kuli ha ki sona. Sa kona kuba sona. Ku lukile.

Cwale, kana kona libaka Kuhoha kwa Bulalu kwa ha ku liyehile hahulu cwalo?

<sup>305</sup> Mu lemuhe, Kuhoha kwa Pili ni kwa Kuhoha kwa Bubeli ne kuile kuzwa ku ye kuya ku yetatama. Ne ni akalelize, mwa

hupula, hane Ni kalile pili, ka za Pili. Mi se Nili, “Kuka taha nako ye Si ka ziba likunutu za lipilu.” Mwa hupula? Ki babakai? Kiñi, kaufela mwa hupula seo, mwa mikopano yaka mwahala libaka. Mi busihu bobuñwi Na kena fela mwa Regina, ona kwani, ni kuya kwa katala; ni Muzwale Baxter kwani, nekuna ni babañwi sicaba mwendi likiti kiti cwalo. Mi muuna a yema kwa katala kwani, [Muzwale Branham uliza munwana wa hae hañwi—Mu.] mi neli ona fani. Mi kuzwa ona fani ibile nto ye swana.

<sup>306</sup> Kono sekubile myaha kuzwa fo Ni zwezi mwa simu, zene, mwendi lilimo ze ketalizoho kuzwa fo Ni zwezi kwande. Ki sikamañi sani? Ki sikamañi se si ezize nto ye? Kana kona libaka ha kubile sina mo ne kuinezi kwa simuluhu, mwa Genese, “Pilutelele ya Mulimu”?

<sup>307</sup> Muhupule, fani ha Na bupile lifasi, lizazi la bu sebene Atokwa kueza sika ni se sikana. A pumula. Mwabona? Mulimu nabile ni pilutelele mwa mwaha wa silezi wani, ha tabela kuli nihaiba alimuñwi a shwe, kono kaufela ba tahe kwa kubaka. Mulimu nabile ni pilutelele.

<sup>308</sup> Mi, hape, mwa Genese 15:16, haiba mubata kuñola zeo, 16, 15. Na bulelezi Abrahamama, “Mwani mwa naha ya ma Amori, bumaswe bwa bona,” nebali Bamacaba cwale. “Hanikoni kukuisa mwahali mwani cwale, kakuli bumaswe bwa ma Amori, Bamacaba, ha bu si ka talelela kale. Kono Ni ka ba atula. Nika taha mwa lusike lwa bune lwani, mi kona Ni ka atula naha yani ka mulamu wa sipi.” Kana ki cwalo?

<sup>309</sup> Kana kubile nako yetelele hahulu, kuli pilutelele ya Mulimu, bulumiwa ka tundamo, kuya ka matepu ni lika zeñwi kaufela, bu potolohile mwahala lifasi, kubona haiba kuna ni alimuñwi yasa sialezi? Kono mwendi yani wa mafelelezo utile cwanoñu nyana fa. Kana ibile bumaswe bobu bile—bubile nako yetelele hahulu? Haiba nji Jesu wa swana, mane kanti U cwalo, Maheberu 13:8, Liñusa la Hae li lukela kuba leliswana. (Nibata kukwala.) Likezo za Hae lilukela kuba zeswana.

<sup>310</sup> Haiba Kuhoha kwa Pili ni Kuhoha kwa Bubeli hakuna puzo fateni! Kana kuna ni puzo mwa munahano wa mina ka za Kuhoha kwa Pili ni Kuhoha kwa Bubeli? Kana liezahalile kuya ka mwa Na bulelezi nji? [Kopano ili, “Amen.”—Mu.] Konakuli kiñi ha muba ni puzo ka ya Bulalu? Mwabona? Kiñi ha mu ka buza ka Yona? Zepeli za makalelo ne li zibahalizwe ka Mañolo. Ni mi bonisize kakusasana cwana kuli ya Bulalu ipakilwe ka Mañolo, hape.

<sup>311</sup> Mutalimele mwa lifasi, mutalimele fo li inezi. Mutalimele mo ba hanezi Niti, ni mo izibahalezi ka swanelo, siemba sa bupolofita kwateni. Cwale lu kai? O Mulimu, ube ni makeke! Sani sieza pilu yaka kulota mali mwahali. Kucwani he ka sona? Luinzi kai kana?

312 Muhupule, ona likalulo ze sebene fahalimu fani, zakona ku mi bulelela. Ki. . . Hakuna bupahamo bobuñwi kufitelela bwani. Ki fa Makauhanelo a Sibaka sabutokwa. Sikena kuyo punya mwa lihalaupa, kuzwa fani kuya kwapili. Kuyakuile kwa kena mwateni. Likalulo zepahami ze sebene, ona fani fa Makauhanelo a Sibaka sabutokwa. Fani ki mwahala bunde ni bumaswe. Mi kwa mafelelezo a sani, Kuhoha kwa Bulalu neli Kuhoha kwa mafelelezo mwahala zona. Kana ki niti yeo? Mwabona? Ku lukile.

313 Nuwe na keni mwahali, mi kasamulaho wa mazazi a sebene, hakuna sene si ezahalile, mwabona. Mwa mazazi a sebene katulo ya taha. Haiba fela. . . Muteezeze cwale, ka kukwala. Haiba fela, mwa nako ya Nuwe, neba ka ziba sisupo sani! Kambe ne ba ka ziba fela! Cwale Ni ka kwala. Kambe ne ba ka ziba fela sisupo sani, lifasi mwa lizazi lani! Kuli, Mulimu na pakile cwalo, ka kubala kwa Mañolo, fa nako nyana, Na ba sinyize batu bani.

314 Isiñi kusina sishemo; sishemo ne si lumezwi kubona ka mupolofita. Ne ba si ka si lumela. Mulimu u sishemo, kono, Na lumile sishemo kono ne ba si ka si amuhela. Yena kamita wa lumanga sishemo, pili.

315 Kucwani kambe ne ba ka ziba sisupo sani kuli neli sisupo sa mafelelezo? Mi hane ba boni, kipeto hañwi fela, puluso ya fela. Hakuna mutu, mwabona. Fela, taba yapili mwa ziba, sikwalo ne si kwalilwe. Kambe neba. . . Nekuna ni fela mutu alimuñwi yana zibile sisupo sani, yani neli Nuwe ni sikwata sa hae. Yani neli yena fela anosi yana zibile. Fani minyako yani haito kwala hamoho, Nuwe na zibile. Nuwe na zibile kuli ani neli maungulo. Na zibile cwalo. Yeo ki niti. Kambe muzibile fela sisupo!

316 Oh, kambe nebaka ziba fela sisupo sani, hane ba bona Yo yana taha mwahali mwani, yana bile kulo kwani ni Abrahamama!

317 Kambe neba ka ziba fela kuli yena Billy Graham wa kacenu mwa lizazi lani, naile teñi kwani, yena ni Oral Roberts yani, ni ku yo kutaza liñusa lani kwa sicaba sa libofu sani! Kambe neba ka ziba fela, ona ba Methodist ni ba Baptist baba lukile abni kwani bene bali sisupo ku bona za lizazi lani, Lota, fani libi hane li kataza moyo wa bona. Kono ki sikamañi sene ba ezize ba Methodist ni ba Baptist sene bakeni ku sona? Sina Lota mwa na ezelize, nto yeswana. Kono baba lukile, kuzwa mwahala bona, ba zwela kwande. Luli.

318 Kucwani kambe neli fani Billy Graham hana ile? Ku yo ba ni buketelo, inza tafuna cwingamu, ni ku natana, ni kuseha, kkukta milili, lifateho za kupenta penta, mi mane asike aba ni muzamao ka zona. Ku yo taha zazi lelitatama, mi Billy ali, “Nina ni baba likiti ze mashumi amalalu; hayo kuta kasamulaho wa silimo, mane Hanina nihaiba baba mashumi amalalu.”



319 “Oh, Ni bile ni buiketelo. Ha—Ha—Ha ni yi kwa lihele; Ni ya kwa Lihalimu, mwabona,” kucapwaela ona cwalo mwa sibi. Kambe neba kaba fela. . .

320 Mi kipeto Evangeli ha ikutazwa mwa Mata, ni lisupo ni ze komokisa, ka Siita sa Mulilo fahalimwa lona, ni lika zeñwi kaufela inge lizamaya ona cwalo ka swanelo, ni kuakaleza ni kutoma ona cwalo. Kambe nebaka ba. . . Se bali, “Ki sishañata sa bapikuluhi ba bakenile. Ki mihupulo fela ya mwa toho. Ki si moya sa muloi cwalo. Ki diabulosi, ki zona zeliteni mwatani ku Zona. Musike mwa Li lumela. Ha li yo mwa kopano ya luna. Haluna sa kueza ni Sona.” Kambe neba ka ziba sisupo! Kambe na ba ka ziba fela!

321 Jesu naize, kuli, “Kambe uzibile lizazi la hao, Jerusalema. Kambe u lemuhile fela! Kono,” ali, “u siyezi unosi.” Mwabona? “Kambe uzibile fela. O Jerusalema, Jerusalema, Ni ka ku babalela cwani, sina nasikuku kwa tuzwinyani twa yona, kwa likatulo ze sa taha! Kono ha u si ka ziba lizazi la hao.” “Wena yana pwacaula bapolofita, ni ku bulaya baba lukile, kambe ne uka ziba fela lizazi la hao! Kambe neuka ziba fela, ni kutokomela hande Mañolo a hao, ni kuziba kuli kutaha kwa Ka ki sisupo sa kufela kwa hao. Cwale u sibofu. Cwale u so nyazizwe. Nako ya hao ifelile.” Mi ne ifelile. Yeo ki niti. “Kambe no zibile fela nako!”

322 Mutalime, fani Jesu hana bulezi taba ye, lifasi la zwelapili on cwalo. Mwabona? Lifasi ne liile ona cwalo, sina kamita. Kiñi? Kakuli ne ba sa zibi hola ya bona.

323 Lifasi ne li zwezipili ona cwalo, fani Nuwe hakena mwa areka. Lifasi la zwelapili ona cwalo. Basomi, mwa lizazi lani, nebasana ni mikiti ya butanya. Neba sa zwelapili kuca, kunwa, kunyala, kueza lika ze ba eza kacenu. Ona cwalo felay, sina kamita. “Ha-ha! Mupikuluhi wa mucembele yani ki kale akwala minyako. Cwale, kana mukile mwautwa nto yecwalo fateni? Ha-ha! Mwa ziba sa bulela? Kaufela luna lu ka ‘tiba.’ Bukuba! Mezi akai?”

324 Basomi, mwa mazazi a Nuwe. “Kona mo ku kabela ni kutaha kwa mwana Mutu.” Ku lukile. Nuwe na zibile sisupo. Ki nto yeswana ni mwa mazazi a Lota. Ki lika zeswana ni mwa mazazi a Jesu. Kona mokuinezi ni kacenu. Ba soma la mafelelezo. . . ? . . .

325 Kwa swana ni Sodoma, neba si ka ziba. Fani Mulumiwa hana yemi fani, Liñusa lelizwa ku Mulimu, neba sehile mutu yana lika ku ba lyanganisa ka likezo za bona. Kana ku cwalo? “Taha u to kena ni luna. Ube alimuñwi wa luna.” Kana ku cwalo? “Taha u to ikopanya ku luna, ube alimuñwi wa luna. Ukaba alimuñwi wa bashimani ba luna. Aku tahe, ikopanye ku luna.” Mwabona? Neba si ka ziba sisupo sa bona.

326 Neba sa zibi kuli Liñusa lani hane li patalazwa cwalo, kuli ona cwalo. . . Neba si ka li bona, kuli mulilo ni buhali

bwa katulo, sina Mulimu, mulilo otuka sina ondo no sweli kuyekauka mwa mbyumbyulu. Neba si ka li bona. Balumiwa neba konile. Uh-huh. Lota na zibile, ni yena. Na zibile kuli neili cwalo. Kaniti.

<sup>327</sup> Kwa swana sina kacenu, ki nto yeswana. Buhali bwa tuka, ma bomba a atomic asweli kunyendaela, lika kaufela li kwa mafelelezo. Ki nto yeswana ni cwale.

<sup>328</sup> Mutalime, sicaba, muteeleze. Kana mwa ziba. . . Mu bulela kuli, “Muzwale Branham, oh, kucwani cwale ka zona kaufela?” Mwa ziba, batu bakona kuzwelapili kukutaza Evangeli sina mone babile ba ezeza kamita, se ba biza Evangeli, zakona kufela. Mo ne ba ezeza mwa mazazi a Nuwe. Ne ba ezize cwalo mwa mazazi a Lota. Neba ezize cwalo ni mwa mazazi a Jesu. Ki niti yeo?

<sup>329</sup> Niheba Majuda, kasamulaho Jesu amano ba bulelela ka za buhali. . . “Mu ezize. Mu felile. Hakusana ni hanyinyani. Mu felile.”

<sup>330</sup> “Oh,” mi ali, “mupikuluhi ya kenile yani. Ki sikolo mañi kwa Na zwelela? Kikai Kwa zwelela, yani?”

<sup>331</sup> Muhupule, Na itukisize ka nako yani kuli abe ni Kuhoha kwa Bulalu kwa Hae. Uh-huh. Yeo ki niti. Mi ali, “Kikuli Ni ka ku bukeleza hakai!”

<sup>332</sup> Lota na bile ni pizo ya hae ya mafelelezo. . . kamba, Ni taluse, Lingelo kona lene li ezize, ki mulumiwa, kamba neli mañi Yani kaufela. Mulimu ya pakilwe ka lizazi le, Mulimu na pakilwe mwa mubili wa butu, aeza sisupo sa mafelelezo, aeza musebezi wa mafelelezo. Ne se kufelile kale ka nako yani.

<sup>333</sup> Nuwe nakutalize kutazo ya hae ya mafelelezo; munyako wa kwaliwa kwa mulaho wa hae. Ani neli mafelelezo. Ne ba mu sehile, ni ku musona ka zona.

<sup>334</sup> Munahane, sicaba sakona kuzwelapili kukutaza! Katengo ka ba Swalisano kakona kuikopanya hamoho ni keleke ya Katolika, sina fela mo ne ba sepiselize kuezeza. Likopano kaufela zakona kutaha hamoho, kono nombolo ya sibatana ikeni kale mwateni. Ba i amuhela, mwahali mwani. Mwabona? Mi bali, “Oh, haleluya, mufuyole Mulimu, ki babañata hahulu bene ba pilisizwe maabani busihu.” Ne ba pilisizwe nji cwani? “Ne ba binezi mwa Moya. Ba bulela ka malimi.” Sani ha si talusi nto ni yekana. Mwabona? “Oh, ba ishuwa mi ba musa mi baikokobelize. Eeni, sha. Bana ni muselo wa Moya.” Sani ha ki sisupo. Nihaiha hanyinyani.

<sup>335</sup> Ha lu boneni ni mife muselo wa Moya, mwahala Jesu ni Bafarisi, mubone kuli ki mañi yana nani muselo wa Moya. Kucwani haiba Ni yemi, sina Hani kalile fa nako nyana yefitile, kulwanisa Krete cwale fa muzuzu fela? Mulimu uni swalele ka kubulela cwalo, mwabona, kono ka ku mi bonisa fela nto yeñwi.

336 Kucwani haiba Ni taha ku mina mi nili, “Kuli, mina kopano, ki mañi mulikana mina? Kimañi ya bonisa muselo wa Moya? Ki muprisita wa mina yomunde wa kale. Kimañi ya tahanga ku mina mwa sipatela ha mukula? Ki muprisita wa mina yomunde wa kale. Yeo ki niti. Kimañi yani ya mi kolotisanga mali ha mu tokwile masheleñi, mwa sibaka sa makateñi? Mina mamembala ba kopano ya habo, kikuli ha muyangi ku muprisita wa mina yomunde wa kale kuli ami kolotise mali? Mwabona? Kimañi ya mi lata kamita mi ya sishemo, ni kubonisa muselo wa Moya? Ki muprisita wa mina yomunde wa kale.

337 “Kimañi yani yakile abala lituto lilimo ni lilimo, mwa masinagoge kulo kwanu, ko bokuku-wa-bokuku-wa-bokuku-wa-bokuku-wa-bokuku-wa hae kone ba zwelela, ku shetumuka ona cwalo? Kimañi yana balile lituto ni ku . . . kubulela katata ni kuba ni madigiri a dokota ni ma PhD ni ma LLD, kwa kuziba Linzwi le, ni kuyema fa ku mi taluseza lona kakusasana ni kakusasana la Sunda kwa kopano ya hae? Ki muprisita wa mina yomunde wa kale.

338 “Kimañi muyambaeli yo, mwa bizezwa, ‘Jesu’? Ki sikolo mañi kwa Na zwelezi? Ki sikolo mañi ko Azwelezi? Ikai kadi ya Hae ya kopano? Ki kopano mañi ko Afumaneha?

339 “Ki sikamañi saezanga hamuna ni likomano mwa lubasi? Kimañi ya tahanga ku mia? Ki muprisita wa mina yomunde wa kale, ili kulika ku . . . Mi muna ni kañi ka kulwanisana ni muyaha mabapa yo fa, mi kipeto muprisita wa mina yomunde wa kale yani utahe ku to mi tusa. Ali, ‘Mina kaufela mupatilwe ki Mulimu. Hamu lukeli kueza cwalo.’ Sani kona sa . . .

340 “Ki sikamañi sa eza yena Jesu wa Nazareta yo? U pumaka lika fahali. Ki sikamañi Sa eza? Kuomanya kopano ya mina. Ki sikamañi Sa eza? U biza muprisita wa mina kuli ‘mueleli wa sibofu ya zamaisa sobofu sesinwi.’ Na mubizize kuli ‘noha mwa bucwani.’ Na ngile sitabelo sana lukisize Mulimu, ni kulahaka litafule kulifetaula, ni ku yumbela masheleñi fande, ni kuba talimela ka buhali. Kana mukile mwbona muprisita wa mina inza bonahala cwalo?” Cwale ukai muselo wa Moya? Uh-huh. Uh-huh.

341 Ha ki ka kubulela ka malimi. Ha ki ka kubinela mwa Moya. Ha ki ka kuikopanya kwa keleke. Ha ki ka muselo wa Moya; Sayansi ya Sikreste yakona ku mi kwahela ka sani, mwabona, mane ni kulatula kuli Jesu Krete nali wa Bumulimu. Ha ki sani.

342 Kono ki Linzwi, lelipila! Ki fo he cwale. Kambe neba ka talimela fela, Nali yena Mesia. Nali yena Lizwi lelipila, le li bonahalile.

343 Mi muuna yana ni Moya wa Mulimu ku yena, kamba musali, upila ka Linzwi lani, upila hande mwahala bona. Kwani kona kunata kwa pilu, baba lemuhilwe kale, kakuli Linzwi la Mulena litahanga ku bona, mi bona babanga Linzwi kwa sicaba.

“Mañolo a ñozwi abalwa ki batu kaufela.” Kana ki niti yeo? Kikuli Kuhoha kwa Bulalu kwakona kubatени?

<sup>344</sup> Sicaba sa kwa tepu, bao ki mina babasweli kuteeleza kwa tepu ye, Ni lakaza kuli kambe ne mu ka talimela kopano ye ka nako ye. Uh-huh. Ni sepa kuli muna ni maikuto a swana.

<sup>345</sup> Ku cwani haiba ku cwalo? Mutalime fa Mañolo añozwi kulo fa. Kana yakona kuba yona? Kikuli Kuhoha kwa Bulalu ki kutazo ku baba latehile Kuyakuile ili bona baba hanile Liñusa la puluso?

<sup>346</sup> “Kihande,” mu li, “keleke ya ya . . .” Eehe, baka ya. Ba ka zwelapili kuya, ka kuswana fela.

<sup>347</sup> Kono, muhupule, nako ye kaufela, Nuwe nali mwa areka. Munyaliwa ukwahezwi mwahali ni Kreste, mutu wa mafelelezo u sa liuluzwi kale. Liswayo la Busilezi ne li iponahalize ili lona. Liswayo la Busupa la Mu kutisa mwa lifasi. Ngunyana ya taha kutonga Buka mwa lizoho la silyo la Hae, ni kuina fafasi ni kunga sene sili sa Hae, sa Na liuluzwi. Ki niti yeo? Kamita ibile ona Kuhoha kwa Bulalu kwani.

<sup>348</sup> Bulalu ki kupetahala. Bulumiwa butile kwa kupetahala kwa bona hane butisize Kreste hape mwa nama, mwahala sicaba sa batu, sina mone ku bulelezwi, “Sina mone kuinezi mwa mazazi a Lota.”

<sup>349</sup> Oh, munahane, sicaba sakona kuzwelapili kukutaza, ka kunahana kuli ba piliswa, ka kulumela kuli baeza ze lukile, ka kulumela kuli likopano za bona lisweli zahula, luli, mi mane kusina nihaiba lumonyi lwa sepo. Mi haiba pono yani neli sani, mi ili yebile tata hahulu ka kulwanisa basali, lutile mwa hola ye cwale. Sikwalo si kwalilwe, kufelile, kale kale Buka inzi mwa lizoho la Hae. Mu nahana ka zona.

<sup>350</sup> Mutuhele ni mi bulelela se lu si ka kwala kale cwale. Na kwala. Ne ku izwe, ka za Ireland, kutalimana ni mezi. Nekuna ni sitindi sesituna sene si kuka kwa matuku a likamba, ni fahali a lilundu lelituna le. Mi nekuna ni muuna yana sweli kuzamaya, inza zamaya kwani ka zazi leliñwi, fela—fela ka nako yateni kuli mañungwa a tahe. Mi nekuna ni muuna ya na pila fa lilundu lani, yana ziba mañungwa ani. Na ziba nako mwahala musihali kuli mañungwa na ka taha nako mañi. Na ziba kuli ki nako mañi mañungwa fa na ka kaliseza. Mutangana yo nasika bilaela kuli ki nako mañi. Nali alimuñwi wa baba iikutwisisa hahulu kuziba lika. Nana ni mulelo wa hae fela. Nali muuna wa mwahala bamati, ya talifile, mutangana ya tonile, kono na sa zibi fela nako ya mañungwa. Na sa zibi naha. Na sa zibi nako fo sisupo hane si lukile, fani kweli hane i ile kwa lififi ni kusiliwa kwa lifasi.

<sup>351</sup> Mi Mulimu ha wiseza Moya wa Hae mwa lifasi, muzwale, lifasi la iconga, kipeto la fela.

352 Kweli yani yakona ku shenya kuzwa mwa sibaka sa yona, mezi na ka apesa lifasi sina fani Mulimu hana li kalisa, mwa Genese 1. Kono kweli iinelezi ona fani, mi kipeto isa fetuha fela toho ya yona, mañungwa akalisa kupotoloha.

353 Muuna muhulu ya butali yo yana pila fapila lona, na ziba kuli ki nako mañi yeneli yona. Haili mutangana yo yena na sa zibi. Na si ka balisisa hahulu ka zona. Na si ka tokomelo ka zona. Mi muuna muhulu yo amatela kusili, mi ali, “Muuna yomunde muhaesu, usike wa pumiwa ki pilu kuli uzwelepili kuya kwapata. Kuta mwa mulaho, kapili. Kuna ni limota. Haukoni kupahama fa limota. Uka shwa. Ki. . . Ki zeo lisupo liteni, ki nako. Li—li liñungwa lika tibuluha kapili, mi haukoni kukuta. Usike wa zwelapili kwa pata.”

354 Mi muuna yani a sikuluha, ni ku museha, ali, “Zamaya u yo tokomelo lika za hao. Na ziba ze Ni kona kueza ni ze Ni sakoni.” Mi mañungwa a mu swala. Mwabona?

355 Nako yakona kufela kufita mo lu nahanela. Mwabona? A ka ku swala. Usike wa ya kwapili kuzwa foo. Musike mwa eza cwalo, sicaba. Haiba mubile mu ni lumela kuli ni mutanga wa Mulimu, amu lumela manzwi aka kakusasana wo, haiba mukile mwa ni lumela cwalo. Hakulata nako se ifelile. Mañolo amañata hahulu a binsize cwalo. Cwale, muhupule, ha Ni buleli kuli ki sona seo. Ha ni zibi. Kono amu talime fela.

356 Mi Ni zusize kwateni mapampili alishumi cwalo fa, zo Ni sabile ku mi bulelela. Mwabona? Mwabona? Musala bo Wood ki piho ya seo, ni Bo Wood. Hane Ni shetumuka kakusasana wo ku yo ba bona, Ni ize, “Ha—Ha ni koni kuba bulelela sani, hanikoni kuya fahule cwalo. Ni ka beya fela Liñolo fa, ni ku ba siyela lona, kakuli lika tepiñiwa.” Li ka ya.

357 Mi sicaba sika seha Liñusa le. Ku lukile kaufela, likaba ku fetuha kukuta mwa mulaho, leliñwi la mazazi aa. Muzwelepili cwalo, mube fela ma membala ona cwalo. Mukute milili ya mina, muipente kwa lifateho za mina. Amuzwelepili cwalo, mi mu amuhele “Ndate, Mwana, ni Moya o Kenile,” haiba mubata ze cwalo, kuli, mu lieze Balimu babalalu mi mube bahedeni. Muzwelepili ona cwalo, mukumalele kwa kopano ya mina. Mueze cwalo, haiba mwa bata kueza zeo.

358 Muli, “Ni binezi mwa Moya, Ni bulezi ka malimi; Nina ni Sona.”

359 Ni boni mioya yemaswe haieza lika zeswana. Ni boni maloi haba bulela ka malimi ni ku a toloka; ni kuñola ka malimi asili, ku a toloka; baba nwa mali mwa katendele ka mutu, ni kubiza diabulosi, kubinela mwa moya.

360 Ba Mohammedan ba binelanga mwa moya, ona cwalo, konji habakona kunga liemba emba ni ku shelisa mwatasa minwana; ni kunga muwayo ni ku taba kwa sifateho sa bona, ona cwalo, ni ku ucomola, mi mane hakuna niheba mali a ka lotta fateni.

<sup>361</sup> Masame bama Indian baka zamaya fa mulilo, mahutu hutu ona cwalo, kunwela ka liñokolwa zetalu mwatasi; mi hane-, halalu kamba hane ka liñokolwa kafa ni kafa; ba fuzela, mashala a mulilo konji ha ka fubela teelee ka kucisa kwa buhali; kono ha ba ci mwa mahutu a bona, mi ba latula kuli kuna ni sika sakuli Jesu Kreste.

<sup>362</sup> Batili, batili, mulikani. Ki Linzwi le li toloka lika. Sicaba ni Linzwi bana ni kuba alimuñwi. Mwabona? Jesu ni Linzwi neli nto yeswana; Nali yena Linzwi. Mi cwale Jesu hapila mwa mubili wa butu, sani si mu eza kuba yena ni Linzwi kuba baba swana. Musike . . . Bupilo bwa mina bu bulela seo muli sona.

<sup>363</sup> Cwale muiltalime fela kuya ka siiponi sa kutalima kusona sa Mulimu, muli, “Kana Ni bonahala cwani kakusasana wo?” Halunze lu lapela.

<sup>364</sup> [Muzwale yomuñwi ubulela ka lulimi lusili. Muzwale usili wa toloka. “Bana baka, kacenu, Ni li kumina. Eehe, Na luli, Mulimu Yamata kaufela, ni talimezi fa lifasi kacenu. Ni boni bumaswe bo pupo ye itisizwe teñi. Eehe, Na bona sibi seo mutu, lizazi le, asweli kucapwaela mwateni. Eehe, kana hamu zibi kuli Ni mi ezelize nto yetuna nji? Eehe, Ni lumile muuna mwa lizazi la mafelelezo le, eehe, kuli akone kuba mulomo kwa lusike lo. Kono Ni li ku mina, lizazi le, sicaba sa Ka, babañata basehile ka libizo le. Eehe, ba fulalezi mikokoto ya bona kwa lika za bulezi. Kono Ni li ku mina, bona baba ka utwa Manzwi aa, Ni ka ba tiiseza limbuyoti zetuna kuwela fahalimwa bona. Kina Mulimu Yamata kaufela. Ni ka fa mupuzo, lizazi le, ku bao babaka amuhela Manzwi aa ka kusepahala, kubulela Mulena.”—Mu.]

Ni yambaezi kwahule ni Mulimu,  
Cwale Na taha kwa hae;

Mulapele, haiba mukile mwa lapela fateni!

Kwalula hahulu mazoho a Hao a lilato,  
Mulena, Na taha kwa hae.

Nataha . . .

<sup>365</sup> Hamunze muzwelapili ku opela cwalo, Ni bata ku mi buza nto yeñwi. Kana ku sa na ni kalulo mwa lipilu za mina ye sa bonahala ku unsufaliswa ka sibi? Haiba iteni, ye ki yona nako ya ku si takula mwateni, ona fa cwana, haiba kuna ni sishemo se si siyezi.

<sup>366</sup> Se, Na sepa, ha ki sona. Ni sepa kuli hakuna seo mwateni. Kono kana haku bonahala kuli kwakona kuba cwalo? Muteezele seo Moya o Kenile ubulezi mwahala sicaba, hase Ni felize, “Ki Muhuwo ku mina.”

<sup>367</sup> Mi haiba kuna ni zeo, haiba muna ni lififi mwa bupilo bwa mina, kana hamuna kutaha kwa katala ona fa cwale, halunze luzwelapili kuopela? Ona fa cwale, haiba kuna ni pilaelo, haiba kuna ni litiba, musike mwa sibuluka mwateni ni hanyinyani.

368 Ni sepa ni kubona kuli se ha si cwalo; kono si kaba sona, leliñwi la mazazi aa, mi ikona kuba kacenu.

Cwale, Mulena, Na taha- . . .

369 Ni bupilo mwa lingo za mina mwahala mina! Haiba nji sicaba sa kwa tepu sakoan fela kubona se si sweli kuezahala ona fa cwale; ki kutitihana fela ku mutu ni mutu, ba lila, bazwa kai ni kai.

370 Kana pono yani, hane Ni sali mushimani yomunyinyani, kana ye kona hola nji? Kana ye ki yona nako foo mibonahalelo ye katezi, ni kusabisa yani . . . kuli lihele li bupilwe ona fa lifasi fa?

371 Kwa katala ni mwa kufita mwahala lipula, ni lika kaufela, ku tezi cwale. Haiba hamukoni kufita kwa katala kamba mwa libaka mwa kufita mwahala lipula, kai kamba kai mwahala mianda anda ye mo, muyeme fela, haiba muli, “Ni bata kuyema ni kulapela, kuli sicaba si zibe,” kamba kukubama, kaufela semubata kueza. Oh, mawi! Cwale hamukoni kubona nihaiba mutu ya inzi fafasi. Ki batu fela babayemi kai ni kai.

372 Aluboneñi Ni bulele se. Mulimu wa hanisa, Mulimu wa hanisa kuli se Ni bulezi ki yona nako ye cwale. Mi Ni si utwisise, mañi ni mañi; Mulimu wa hanisa. Kuna ni . . . Nina ni bana baba sika kena kale mwateni. Nina ni bana ba basizana bababeli ni mushimani. Nina ni mizwale. Nina ni sicaba se si sika kena kale mwateni. Mulimu wa hanisa kuli sishemo si lu siye; kuli ba kaufela kwanu ba ipuma fela.

373 Kana kuna ni sishemo se si siyezi, Mulena? Nibe ya fosahalile ku se, Mulena. Ha si fosahale ka nako ye. Kuli Na, ha ki, kuli sicaba sikone kupiliswa. Lumeleza cwalo, Mulena. Na lapela, ni kubeya nyangela ye ku Wena cwale, ka Lbizo la Jesu Kreste.

374 Mañi ni mañi alapele cwale, kuswana fela . . . Ku cwani haiba ku cwalo? Cwale, Hani zibi kuli ku cwalo, kono kucwani haiba ku cwalo? Mu lapele ka nzila ya mina. Mu lapele fela ka nzila ye mubata kulapela ka yona. Kuli haiba ye luli ki niti, ki sikamañi sene luka eza, balikani? Ki sikamañi sene luka eza? Sikamañi, ki sikamañi se si ka ezahala? Cwale mulapele, mañi ni mañi. Fela—fela hamulile, mu lapele fela ka nzila yemubata kulapela ka yona. Mulilele fela ku Mulimu, ka nzila ya mina. O Mulimu!

Mazoho a hao a lilato,

O Mulena, Na taha kwa hae.

375 “Mulena, Ni batile kueza cwalo kale kale kafoo. Kana Ni libelezi nako yetelele hahulu, Mulena? Kana se, kana kufelile nji? O Mulimu, kwalula mazoho a Hao a lilato mi uni amuhele. Sesiñwi mwa pilu yaka sa tokwa cwalo, Mulena. Kwalula hape. Haiba libizo laka ne liliteni mwa Buka ya Ngunyana, bulela kuna cwale, Mulena. Tuhela kuli ni li muhele ona da cwale. Shangwe eza, Mulimu.”

Nataha kwa hae, nataha kwa hae,  
 Oh, nikamuta, Hanina ku yambaela ni kamuta,  
 Mulena, nihanyinyani za ku yambaela;  
 Kwalula hahulu mazoho a Hao a lilato,  
 O Mulena, Na taha . . .

<sup>376</sup> Bibeke ibulezi kuli, hane ba ka lemuha Jesu, ili, “Mañi ni mañi uka lila inge ya silisa maswabi a mwana hae ya bulailwe.”

. . .-taha kwa hae,

<sup>377</sup> Mina fande, mina babali mwa limota za mina, ni fa moya wa silimba, mina babayemi kwa matuku a muyaho, buñata bwa mina, muyendamise fela litoho za mina kwa muyaho, muli, “Mulena Mulimu, uni utwele makeke.”

Kw- . . .

Mu sepahale ka kufelelela, balikani! Mu nahana ka nako ye lupila ku yona! Ki kai fo luinzi?

. . .lilato

Mulena, Na taha kwa hae.

Nataha kwa hae, . . .

<sup>378</sup> Mulena Jesu, Ni ezize zende ku ze Ni ziba mwa kuezeza. Ni ezize kaufela ze Ni ziba mwa kuezeza. Lumeleza, Mulena, kuli likwalo za sishemo li sa kwaluhile. Za mianda anda ye, ni kali ki mianda anda yebata Wena ka nako ye, takula litaba lifi kaufela la sibi, Mulena, mi uba amuhele kacenu.

<sup>379</sup> Na—Na lapela, ka pilu yaka kaufela, sina ha lubona kuli ha ki mutu fela ya bulela, kono, Mañolo ona Kasibili alutisa kwa hola ye. Mi pono yani, ya mushimani yomunyinyani, ka kubona sicaba sani mwa buino bwani; mi cwale, munahane, ona lihele lani kasibili, sishemo si takuzwi kuzwa mwa lifasi, mi cwale lihele lona luli ki le fa, mi sicaba, Mulena, si mwa buino bob u sabisa bo.

<sup>380</sup> O Mulimu Yamata, fa Keleke ye Ketilwe ye, Na lapela, Mulimu, kuli U sulule kwa limbuyoti za Hao, kuli bakone ku amuhela bu—bu bulumiwa bwa bupaki, sina Lota mwa na amuhelezi, inge Nuwe mwa na amuhelezi, inge Jesu mwa na bezi, ku baba latehile Kuyakuile, haiba kuba cwalo; kuli bona kasibili ba swaiwe mwa Mubuso wa Mulimu, kono bafe bupaki ku Jesu Krete kakuba ya swana maabani, kacenu, ni kuyakuile. Lumeleza cwalo, Mulena. Mi U amuhele likupo za luna, halunze lu kupa ka Libizo la Jesu.

<sup>381</sup> Ha mulapele fela ka mo mu bata kulapelela cwale. Musike mwaba ka kuakufa. Musike mwaba ka kuakufa. Ku cwani haiba ki wena libizo la mafelelezo le li ya mwa Buka?

. . .Na taha kwa hae.

Nataha kwa hae, nataha kwa hae,



382 Muzwale Neville, kambama cwale u ba lapelele. Mulisana uka lapela cwale ni mina hamunze mu lapela. Ni ka opela.

Kwalula hahulu mazoho a Hao a lilato,  
Mulena, Na taha kwa hae.

Nataha kwa hae, nataha kwa hae,  
Nikamuta hakuna kuyambaela; (Eeni,  
Mulena.)

Kwalula hahulu mazoho a Hao a lilato,  
Mulena, Na taha kwa hae.

Nataha kwa hae, nataha kwa hae,  
Nikamuta hakuna kuyambaela;  
Kwalula hahulu mazoho a Hao a lilato,  
Mulena, Na taha kwa hae.

383 [Muzwale Neville wa zwelapili kulapela. “Mi cwale mañi ni mañi, Mulena, akuliswe, ka lizazi le, kuli Wena u Mulimu Yamata kaufela. Haiba ye iba kekezo ya sishemo, haibe ku mañi ni mañi, mutu ka buyena.”] Lumeleza cwalo, Mulena. [“Kube cwalo ona fa cwale, Ndate. Mi tuhela kuli kozo ya Mulimu, ye fitelela kutwisiso kamita, ha itahe hape kwa lipilu ze libelezi.”] Eehe, Mulena. [“Ye haiba yona hola.”] Eeni. [“Lu lumela kuli U utwile uli mwa Lihalimu.”] Mulimu, lumeleza cwalo. [“Kaufela sesi bulukezwi luna, haiba ku fela, konakuli, Mulena, lu ziba seo mafelelezo ali sona.”] Eehe, Mulena. [“Kono, haiba ha ku cwalo, Paki yani hatahe.”] Eehe, Mulena. [“Tuhela kuli ba babatile, ba fumane kozo kacenu,”] Lumeleza cwalo, Mulena. [“ka Jesu Kreste. Mi lu lapela ka Libizo la Hae. Amen.”—Mu.]

384 Mulena Jesu, Na lapela kuli Upilise Becky ni Sarah ni Joseph, ni bona, kaufela, Mulena. Usike wa tuhela kuli se siezahale kwa banake, Mulena. Usike wa tuhela kuli siezahale kwa muzwale yaka ni balikani baka. Lumeleza cwalo, Mulena.

385 Ha lu zibi, ha lu zibi, kono lusweli kubona sika sesiñwi, Mulena. Kana ki sisupo se si sabisa fapila luna cwale nji? Lumeleza cwalo, Mulena. Lu hohele kaufela luba bukaufi ni Wena, kapili, Mulena. Lwa Ku lata mi lwa Ku tokwa. Hakube cwalo, Ndate, Moya o Kenile ulufe kuiketa mwa lipilu zaluna cwale.

386 Lu lapela kuli lube lipaki ku Wena mwa hola ye, kakuli luziba kuli se sina ni kuezahala. Sibile si akalezwa mwahala masika, mi luna ni kulibana ni sona, kuli lu kwa maungulo a nako halubona lisupo ze ha li bonahala. Lwa ziba, mi se libulezwi ka myaha ye miñata cwale, kuli sika se sika ezahala. Cwale lwa libona fa minyako yaluna, ki buhali bobutuna bwa Mulimu mwa mikwakwa kaufela, kusuza baba sika kena mwa mupato. Ili kokusina Mali fa sikwalo, lingeloi la lifu la potela teñi; mi bazwelapili kupila, kono ba shwile inze ba pila cwalo, kusina sishemo, kusina Mulimu, mi habakoni ku piliswa.

387 Mulimu, mo lu itumelela ku Wena ku baba pilisizwe baa! Mo lu . . . Ha ki mbuyoti kwa butuna ni yeo kwa lipilu zaluna, kuli ibe mwahali cwale, mwatasa Mali, fo lingeloi la mafelelezo lani halisweli kufita mwa naha, inge li zusa . . .

388 Bani babali kwande a mali, neba shwile kusina sishemo. Kwani neli Kuhoha kwa mafelelezo kwa Mushe. Pili, ali—ali mutangana yomunyinyani inza ambola ku Isilaele; sa buleli, ayo ba lamulela; sa bubeli, neli liñusa la mafelelezo. Limakazo ne se liezizwe kale, Mushe nali mwa musipili wa hae kuya kwa naha ya sepišo, ni baba liuluzwi.

O Mulimu, ube ni makeke, Na lapela, ka Libizo la Jesu.

389 Cwale Ni tabela kubuza cwana. Mina babasweli kulapela, mina baba ikutwa kuli muna ni sishemo, ni kuli (Mulimu) muikutwa kuli mu mwa Mubuso wa Mulimu, muikuwa kuli—kuli muna ni fo mutiyezi cwalo, kuli ku Kreste muna ni tumelo ya kulumela kuil mu Bakreste, mu pepilwe sinca mi muziba kuli mu Bakreste, mi hakuna nihaiba kukakanya. Ni bata kuli kambe ne mu ka yema kaufela mina, mina baba bata seo, mulumele cwalo, kuli sishemo sani si ekelizwe ku mina cwale, mi mu Bakreste, mi mu—mi mu lumela kuli—kuli Mali a lambilwe mwa lipilu zamina, mi—mi—mi ni kuli mu swalezwi kwa sibi kaufela.

390 Nto ye neli yetata hahulu kuibulela ku mina sicaba. Ni itumela hahulu, ni kubona sicaba kuzwa kai ni kai. Mi mina, Na—Na cwalo . . .

391 Ha ni zibi kuli nto ye ki ya niti, kono ilukela kuba ona cwalo, nako yeñwi. Mwabona, ina ni kutaha ku seo, mi yakona kuba cwale. Mwabona? Mwa mikwa kaufela, lifasi li ka zwelapili ona cwalo. Sicaba sikana si taha kwa katala, bakana ba lilanga ona cwalo, kono hakuna kuba ni tuso. Mwabona? Bakabe ba ile, mwabona, kukabe kufelile. Hakuna kuba ni sishemo. Muhupule cwalo. “Mi tempele ika tala musi.” “Ya masila, abe ya masila ona cwalo; ya lukile, abe ya lukile ona cwalo; mi yena ya kenile, abe ya kenile ona cwalo.” Hakusana sishemo, fo Ngunyana ha sa ngile Buka; kipeto, zeo ki zona kaufela. Mi ku bonahala kuli ikona kuba ona cwale fa.

392 Mwendi luna ni lizazi leliñwi; mwendi kacenu kona lizazi lateni. Mwendi kamuso ki la ma- . . . Mwendi ona busihu bo ki busihu bwa mafelelezo. Mwendi se ki sona silimo sa mafelelezo. Ha ni zibi, balikani. Na mi bulelela, Ha ni zibi. Halina ku bulelelwa na.

393 Kono cwale Mulimu haka zwisa libizo la mafelelezo lani ni ku li liulula mwa Buka ya Bupilo yani, fo kipeto kufelile. Mwabona, hakukoni kuba ni hanyinyani, niteni. Hakukoni kuba nihanyinyani, niteni. Kipeto kufelile. Ku felile.

394 Ki babakai baba ziba kuli ki Niti? [Kopano ili, “Amen.”—Mu.] Ku lukile. Ki—ki yona Niti. Cwale bakeñisa kuli luikutwa . . .

<sup>395</sup> Mi Ni bona kuli kopano ye Ni kutalize ku yona ye ni ku lemusa, ona myaha ye kaufela, ni kubona Liñusa sina le kuli Ni. . . kuli Ni—Ni li tisize mwa mukwa wa mutu ya sa ituta. Mi amu hupule fela, Ni bulela cwalo kuli mu utwisise, mukwa wa mutu *ya sa ituta*; lika zeñwi zeñata ne li ka mi pazaula fela mwa lieamba emba, mwabona. Kono Ni li fitelezi fela, ni utwile kuli nieze ona cwalo, kakuli Ha ni zibi hande. Haiba ha Ni zibi hande fo Ni hata, Ni ka hata ka bunolo, mwabona, kono ka ku mi bulelela fela.

<sup>396</sup> Muteeleze. Kana ha mu sika taba? Kana kwa kona kuba sika sesitguna kufita, se mukona kunahana ka sona, se muezize mwa bupilo bwa mina?

<sup>397</sup> Ku cwani haiba kufela cwale? Ku cwani haiba kipeto kufelile? “Oh,” mu li, “Muzwale Branham, mwendi. . .” Eehe, na ziba. Bakona kuzwelapili ona cwalo. Neba ezize cwalo, nako ni nako. Ni tatuluzi zeo ni ku li paka ka Mañolo, mwabona, lifasi ne lizwepili kupikuluha ona cwalo, kono ne ku tilo fela. Mwabona?

<sup>398</sup> “Butanya bwa kukutaza bupilisa ya latehile. Mi ki butanya, kwa batu. Kona butali bwa Mulimu.” Mwabona? Mulimu ki Moya. U beleka mwa linzila za moya, mwabona, Ueza limakazo; ka linzila ze komokisa. Kono, luna lu batu ba nama, luna kuna ni fo lu feleza. Ha lu zibi; lu talimela fela ku ze lukona kubona. Kono Sesiñwi mwahala luna. . .

<sup>399</sup> Hamuka zwela kwande a sibaka se mo, haiba mwali kuba mubone sika mwa bupilo bwa mina, mwali kuba mobone fateni musihali, nemuka ziba kuli muzwile mwa sibaka se mwahali mo, kukena mwa lizazi kamba nto yeñwi. Nekuka futumala. Ne mu ka utwa cwalo fa litalo. Haiba hakuna maikuto a mubili wa mina kuli a si toloke, ne muka ziba, oh, hakuna maikuto a meto kuli mu li bone. Hakuna mukwa wa kubona likota zetala, kubona ze bupilwe; hamusina meto, hakuna yakile aba ni ona. Nemuka ziba kuli muinzi fapila sika sesiñwi; maikuto a mina na ka mi bulelela cwalo. Nemuka ziba cwalo. Hane ni ka lika ku mi bulelela kuli, “Ki lizazi. La monyeha. La bonisa lika,” mwabona, nemuka ziba kuli liteni kakuli nemuka li utwa ka maikuto a mina. Kana ku cwalo? [Kopano ili, “Amen.”—Mu.]

<sup>400</sup> Cwale, lu ziba kuli Kreste uteni moa. Mwabona? Mwendi ha mu Mu boni ka meeto a mina. Mwabona? Mwendi ha muli boni. Kono kuya ka pono, Na mi bulelela, U teni fa. Lwa Li utwa. Lu ziba kuli kuna ni Sesiñwi fa seo maikuto a luna hakoni kutalusa. Ki Moya o si talusa, kuli Kreste uteni mo.

<sup>401</sup> Ni ikutwa kuli U lu liuluzwi. Ni ikutwa kuli mabizo a luna ateni mwa Buka ya Hae. Ni lumela kuli lu liuluzwi ka Mali a Ngunyana.

Na mi lata, mi Ni ziba kuli mwa latana mañi ni mañi.

Oh, ufuyolwe muhala otama  
 Lipilu zaluna mwa lilato la Bukreste;  
 Ki kopano ya mihupulo ye swana  
 Sina wani wa kwa Lihalimu.

402 Lu lukela ku utwelana cwalo kamita ku mañi ni mañi. Mwabona, lu lukela kuba cwalo, lu lukela ku utwelana cwalo ku mañi ni mañi. Mwabona? Kakuli, halunze lu latana, lu lata Mulimu. “Kana wakona kutoya muhaenu yo boni, ni kubulela kuli ulata Mulimu Yo usika bona kale?” Lu lukela ku latana. “Hakuna lilato lelituna lana ni mutu kufita ya Na file bupilo bwa Hae bakeñisa sila sa Hae, kuli babe balikani ba Hae.” Oh!

403 Kana mwa ziba pina yani, *Ufuyolwe Muhala O Tama?* Kana ha ki yende? Ufuyolwe muhala wani! Kana wakona kulufa munembo wa yona, kezeli, foo? Tuhela fela ilile fa muzuzu.

404 Ku cwani haiba kufelile? Ku cwani haiba Kuhoha kwa Bulalu, kwa taha cwale, ki kukutaza ku baba latehile? Ku cwani haiba mifuta kaufela ika bonisa ona fa cwana? Mi lu se lukeni, mi lu se lukeni, kana sani hasikoni kuba sesinde? Ha ki kopano ni yeo!

Oh, ufuyolwe muhala o tama (ki se fa sesieza  
 lika)  
 Lipilu zaluna mwa lilato la Bukreste;  
 Ki kopano ya mihupulo ye swana  
 Sina wani wa kwa . . .

405 Neli sikamañi sani? Kopano ya mihupulo ye swana. “Kutahe Mubuso wa Hao. Ku ezwe sesi latwa ki wena.” Mwabona?

406 Lu lika kuezanga Mulimu inge—inge mushimani wa kuluma, ku muluma kai ni kai kambe nto yeñwi, “Mulimu, eza se, eza *sani*.”

407 Jesu naize, “Mulapele muli, ‘Kutahe Mubuso wa Hao. Se si latwa ki wena siezwe mwa lifasi, sina mo si ezezwa kwa Lihalimu.’” Kipeto, Lihalimu la tiswa kuluna, mi luna—luna lutiswa ku kambama mwa Lihalimu, mi luina mwa libaka za Lihalimu cwale ku Krete Jesu. Kaufela luna lu lumela Liñusa lani kuba la Niti, kuli Jesu Krete, yena Mwana Mulimu, wa lu liulula.

408 Halu kwaleni meto aluna cwale mi lu nanule mazoho a luna, halunze lu i opela.

Ufuyolwe muhala o tama  
 Lipilu za luna mwa lilato la Bukreste;  
 Ki kopano ya mihupulo ye swana  
 Sina wani . . . (Zwelapili kuliza cwalo.)

409 Cwale, kusike kwaba za kumenya. Ye ha ki nako ya kumenya. Ka butungi bwa busepahali, ona pina ye haisa lila cwalo, halu swalaneñi mwa mazoho ni mutu yali bukaufi ni mina, muli, “Mulimu aku fuyole, Mukreste,” ka busepahali.

410 Mulimu aku fuyole, Muzwale Neville. [Muzwale Neville uli, “U fuyolwe, Muzwale Branham!”—Mu.] Myaha ya kupepwa ye mashumi aketalizoho ka yeketalizoho ni zene. [“Yeo ki niti.”] Seli kale luli!

Mulimu aku fuyole, Muzwale. . . ? . . .

Cwale halu nanuleñi mazoho aluna ku Yena.

Ha lu siyana,  
Si lufa butuku kwa lipilu;  
Kono luka swalana mwa lipilu,  
Ni ku sepa kukopana hape.

411 Cwale halu inamiseni litozo za luna, mi, hamoho, lu sa zibi kuli ze sa taha li lu bulukezi sikamañi, ka nako ye, ha lu zibi kwanda ze felile. Ha ni zibi. Hani koni kubulela. Hani koni kubulela. Ha ni zibi. Kono fapila buniti bwa se lu patuluzi kakusasana cwana, halu lapeleni tapelo ya Mulena ku luna. Niha ikaba kuli, “Kutahe Mubuzo wa hao. Kuezwe se si latwa ki wena.” Halu ezeni hamoho.

412 [Muzwale Branham ni kopano ba lapela tapelo yetatama ka kulumelelana, kuzwa ku Mateu 6:9-13—Mu.]

. . . *Ndata luna yakwa Lihalimu, libizo la hao alibe leli Kenile.*

*Kutahe mubuso wa hao. Se si latwa ki wena siezwe mwa lifasi, sina mo si ezezwa kwa Lihalimu.*

*Ulufe kacenu buhobe bwaluna mo ulufelanga zazi ni zazi.*

*U luswalele milatu ya luna, sina mo lu swalelela baba lu foselize.*

*U sike wa lu kenya mwa muliko, kono ulu lamulele ku ya maswe: kakuli mubuso ki wa hao, ni mata, ni kanya, kamita. Amen.*

413 Cwale ka lipilu za luna ze inami. Biblele ili, “Ne ba opezi pina, mi ba zwa.” Muhupule, hane ba ezize cwalo mwa Mañolo, neli bakeñisa kuli neba takisize bulumiwa bwa Mulena luna bwa Kuhoha kwa Bubeli, mi Kuhoha kwa Bulalu ne kuitukisize kukena. Lihola nyana kasumulaho wa fani, A shetumukela mwa lihele mi ayo kutaza kwa mioyo yene hanile sishemo sa yona.

414 Munembo wa kuli *Tumelo Yaka Italimela Ku Wena.*


Tu—tu tumelo yaka italimela ku Wena,  
Wena Ngunyana ya Kalvari,  
Mupulusi yapahami;  
Cwale ni utwe ha Ni lapela,  
Zwisa sibi saka kaufela,  
Sike na . . . kuzwa kacenu  
Nibe wa Hao ka kutala!

Hani Ni zamaya mwa matata a bupilo,  
 Mi maswabi ani beile mwahali,  
 Wena Ube Muzamaisi wa ka;  
 Fetula lififi libe musihali,  
 Takula mioko, ya maswabi,  
 Oh kuzwa lizazi le  
 Nibe wa Hao ka kutala!

<sup>415</sup> Mulena ami fuyole, aeze Mwana Hae ni sishemo kuli si mi monyehele. Mi Mulena amife Bupilo Bobusafeli, mi abe ni mina mwa lifasi le, ni lifasi le li sa taha kasamulaho. Mi, Bupilo Bobusafeli, mu Mu sebeleze kuya mwahala masika a linako ze sa taha.

<sup>416</sup> Haiba nji ye ki yona nako, mi lu fitile fa sibaka sateni, Ha ni swabeli ze Ni kutalize. Mi haiba mukutazi ufi ni ufi kaufela una ni kuyema ni kopano ya hae mi ayo atulwa, sina mone Ni bonezi mwa pono, Ni itumela hahulu kwa Evangeli ye Ni kutalize, kakuli ki Evangeli ye swana ni yana kutalize Paulusi ni babañwi bani yene ba kutalize.

<sup>417</sup> Ni tabile ka mina. Ni tabile kuli mu amuhezi Kreste kakuba Mupulusi wa mina. Mu Mulate, ni kulapela.

<sup>418</sup> Mi Ni ka mibona musihali wo, Mulena ha lata, ka sebene kiloko, mo mwa keleke. Mulimu ami fuyole. Mu lukuluhile. 

*MIOYO YELI MWA TOLONGO CWALE LOZ63-1110M*  
(Souls That Are In Prison Now)

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda kakusasana, Njimwana 10, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)